

KUHLAKANIPHA

KUCATSANISWA NEKUKHOLWA

♪ Ngiyabonga, Mnaketfu Neville. INkhosi inibusise. Sanibonani ekuseni, sanibonani ekuseni. Mnaketfu . . .

² Sanibonani ekuseni, bangani. [Lomunye utsi, “Sawubona ekuseni, Mnaketfu Branham.”—Umhl.] Ngiyatfokota kubuya endlini yeNkhosi!

³ Ngisandza kubuyiswa lapho, emizuzwaneni lembalwa leyendlulile, kutsi ngikhulekele umfundisi lomdzala. Futsi bekasandza nje kutsi khwishi emcondvweni, lokunjengako. Akukho lutfo lolutfolakala lungakalungi kuye. Kutsi nje ungulongewe le lomdzala weNkhosi. Emgwacweni entasi lapha, Sathane utame kungigulisa, kutsi ngihlante, nami. Ngatsi, “Sitodzingeka nje kutsi sikhulekelane lomunye nalomunye.” Kunjalo. Ya. Ngako, bekunguMnaketfu Coggins. Simati kahle kakhulu, lapha etabernakeli. Uvela enhla eCarolina. Futsi bekagula kakhulu, kakhulu, nje—nje emile futsi kwatsi khwishi emcondvweni. Kodvwa akubonakali kunentfo ngisho yinye lengalungi kuye, hhayi ngekwemtimba. Ngako, ngudeveli nje etama kumlinga. Ngako, ungumlingi lomkhulu, futsi ungulokahale, futsi.

⁴ Nayiva indzaba ngadzadze lomdzala lobekaya enkonzwensi, bekangasho lutfo lolubi nganoma ngubani. Batsi, “Ucabangani ngadeveli na?” Watsi, “Yebo-ke, usitsa lesikahle.” Ngako nguloko la—langiko.

⁵ Siyajabula, manje ekuseni, kutsi sibe sendlini yeNkhosi futsi, kuleliviki, silindzele kuBuya kweNkhosi Jesu.

⁶ Futsi manje, bengitokhuluma ngesihloko, manje ekuseni, “Kuvikelwa yiNgati,” futsi kubonakala kwangatsi Moya loyiNgewe le utsite kuntjintja umcondvo wami ngaloko. Futsi nginalesinje sifundvo, sekufundzisa. Ngoba, ke, kamuva, ngitsite, itolo ebusuku, “Kungani Antjintje umcondvo wami ngesifundvo salolohlobo, ‘Kuvikelwa yiNgati?’” Niyacondza lapho sihloko besitoba khona, “Israyeli ngaphansi kwengati, amasha aya esetsembisweni,” niyabona. Futsi ngingahle ngikukhulume, ngalesinje sikhatsi lesitsite.

⁷ Ngako ngikhumbulile, ephusheni lengaba nalo lapha, kungesiko kadzeni. Futsi mine, kulelipupho leli, ngangifanele ngigcine Kudla etabernakeli, niyabona, lapha kulelipupho. Bangakhi lolikhumbulako, emavikini lambalwa lendlulile, nginelipupho na? [Libandla litsi, “Amen.”—Umhl.] Angikhonanga kuninika inchazelo yalo. Futsi uma kungeke

kungitsatse sikhatsi lesidze kakhulu, ngitonitjela nje, uma ningatsandza kuva. ["Amen."] Kulungile.

⁸ Kulivela kancane kutsi ngiphuphe noma yini lesile nje kuyo. Kukutsi, ngalokuvamile, ngiya embhedzeni sekwephuteke kakhulu, bese-ke ngiyaphaphama. Futsi ngibe nekwetfuka noma ngikhatsale, uyaphupha, bese-ke uyolala futsi uphuphe, bese-ke uyaphaphama. Niyati kutsi kunjani, umuntfu lonekwetfuka njengami lucobo.

⁹ Futsi ngangiphumile neMnaketfu Woods neMnaketfu Sothmann, neNkhosi yayikadze iniketa bantfu nje...beta ne...entasi...Naloku kwakuseTucson, e-Arizona. NeNkhosi ngalokuphelele nje, kulolonkhe ludzaba, iniketa tinchazelo temaphupho.

¹⁰ Manje, niyabona, uma nomangubani aniketa, longitjela ngeliphupho, indlela kuphela lenginganiketa ngayo inchazelo, ngiphindze ngilibone lelophupho kucala. Nalabanengi benu lapha bayati, kutsi labanye benu bangitjela tintfo, leningangitjelanga konkhe ngako, ephusheni. Kodvwa uma ngilitfola, liphindza futsi, ngikutfole leningakushongo. Niyabona na? Futsi ngako utofanele uphindze ulibone futsi, bese-ke Uyakutjela. Ngako-ke, ngaletinye tikhatsi kuyasika. Ngaletinye tikhatsi kulukhuni, kungavumelani nemuntfu. Kodvwa ufanele ube neliciniso, ngoba Livi leNkhosi. Uyabona na? Sizatfu, bakugadzile loko. Futsi aLike nhlobo...INkhosi ibe yinhle kimi, kuLivumela njalo libe ngulelicinisile.

¹¹ Futsi ngako ngalobobusuku nga—ngaya kuyolala, ngase ngiyaphupha, cobo lwami. Futsi ngangicabanga kutsi ngangi... Umfo lengangivame kushaya naye sibhakela, eminyakeni leyendlula. Labanengi, nine tinsimbi letindzala...

¹² Bengicabanga nje ngeMnaketfu Roy Slaughter, eme lapho emnyango. Bekakadze anako, ngiyacabanga lelinye lemalunga lamadzala kunawo onkhe lapha, ebandleni. UMnaketfu Slaughter, ngiyacabanga, ukhona khona ngalapha lelinye lemalunga lamadzala kunawo onkhe. Futsi nje ngi—ngi...

¹³ Ngisakhulumma ngaye, kunemaphuzu lamanengi lamahle ngaRoy Slaughter bantfu labangati lutfo ngawo. Kunjalo. Ungumnaketfu, futsi nginganconota kumnika sikhehle setimbali letincane manje, noma yinye yato, kunayo yonkhe incumbi yenyandza yetimbali uma sekangasekho. Kunjalo. Kunemaphuzu lamanengi lakahle. UMnaketfu Roy bekangumnaketfu sibili kimi, yena nemndeni wakhe, ahlala ngephandle lapho, futsi wawusebentela kamatima lowomndeni lomncane, futsi wakhulisa lesikahle sicuku sebantfwana. Ngangiwati onkhe emantfombatane akhe neba fana bakhe, futsi ngashumayela ngemngcwabo wemfana wakhe lomncane ngesikhatsi ashonile.

¹⁴ Futsi ngiyakhumbula, ngalesinye sikhatsi lapha, sasinemfo asebenta endlini yekukhontela. futsi i...Futsi bekafanele akwente, njengembati nje. Sasingenayo imali lenengi kakhulu. Futsi bekatofaka lelingekhatsi ekhatsi lapha. Futsi kufika lomunye lobekafuna kusebenta, futsi akakwentanga. Futsi wahlala ngakhona, wase utisho kutsi usebente ihhafu yeliawa, noma lokutsite, wase ulimala elunyaweni lwakhe. Waseke yena, kwenele nje kutsi aletse kumangalela lelibandla, futsi wasimangalela afuna tinkhulungwane letilishumi temadola. Yebo-ke, sasingenatalfo. Sasingati lutfo ngako kwaze kwatsi base bavele banaso sjubo. Niyabona, bamangala. Le-lendvodza, yayingenawo umshwalensi, futsi ngako-ke kwawela kitsi. Sasingenayo, kubhadala.

¹⁵ Futsi angibukhohlwa lobusuku, nighleti ngakhona ngco, emuva ekhatsi *laphaya*, kutsi Roy washona ekhukhwini. Lomdzala...Ngiyacolisa, Mnaketfu Roy. Lesidzala, sikhwama semali lesesimanikiniki, wase ukhipha nomangumaphi emasheke lebekanawo esikhwameni sakhe sekwentiwa lesihoshulwako, tintfo letinjengaloko. Watsi, “Yebo-ke, Mnaketfu Bill, ngitofaka loku kuko.”

¹⁶ Lomdzadlana Evelyn, dzadzewabo, mhlawumbe uhleti khona lapha, ndzawanatsite manje. Yena, “Mnaketfu Branham, indlwana yami lendzala, ibita kuphela emadola langemakhulu lamatsatfu, kodvwa sitofaka loko nje kuko.” Niyabona na? Leyo ngiyo mbamba, imphahla sibili, uma ukhuluma nami. Loko kusebhukwini lami, loko ngiko sibili.

¹⁷ Ngiyakhumbula-ke, kamuvanyana kusukela kuloko, ngisemhlanganweni wami wekucala wangephandle. NgangiseSt. Louis, kulomunye wemihlangano yami yekucala lemikhulu. Ne-thelegramu iyangena, “Intfombatanyana yami ilele isesigaben i sekufa. Mnaketfu Slaughter. Wota masinyane.” Ngavele ngawelela ngale, ngacula kufaka timphahla tami eputumendeni. Nguloko kuphela lokwakukhona kuko. Angikhonanga nje kwala kuye. Futsi naku sita. Ngefika ekhaya, ngahamba ngangena egumbini. Bonesi, entasi, sibhedlela lapho, esibhedlela semaKhatolika eNew Albany, saphonsa lithawula ngentfombatanyana yakhe. Lapho nje sihamba singena egunjini, iNkhosi Jesu yayiphilisa. Nay o yayilapho, niyabona. Niyabona na?

¹⁸ Futsi njengesinkwa etikwemanti, siyobuyela kuwe ngalelinye lilanga. Ngisuka endzabeni yami; kodvwa ngibuyela ekucaleni.

¹⁹ Futsi ngangivamise kushaya sibhakela. Futsi kwakunemfo lobekaneligma lapha kulelidolobha. Lomfo tatane sewunatsa kabi kabi manje. Lomunye webafana bakhe usembutfwemi wemaphoyisa. Smith, George Smith, bambita nga, “Six-second Smith.” Bekahambela kuyongiceceshela kushaya sibhakela,

ngesikhatsi sine...ngaphambi kwekutsi kucale iGolden Gloves. Sasingephandle lapha kahulumende. Futsi kuloko, ngani, bekangumunfu lonesibhuku kunabo bonkhe lengake ngababona. Bekavele nje angishaye nje, futsi ngangivele ngishaye situngeletane emoyeni. Futsi ngiyabuya. Ngatsi, "Awudzingeki kutsi ube nesibhuku kangaka ngako. Uyabona na?" Ngatsi, "Ungishaya ngiphelelwé ngumoya."

²⁰ Watsi, "Ngiyakutjela, Billy," watsi, "akunandzaba kutsi uceceshwe kahle kanjani, nekutsi sewunelwati lolungakanani kutemidlalo, nekutsi ucine kangakanani, ngekwesisindvo sakho, noma yini kanjalo," watsi, "umngcimuto uncamula ingati uma ushaya *kanjalo*." [UMnaketfu Branham ushaya tandla kanye—Umhl.] Wase utsi, "Ungahle ungitondze manje, kodvwa uma wenyukela lapho eringini, cobo lwakho," watsi, "uyokutfokotela." Watsi, "Umtimba wakho wakha loko, kutsi usheshe ubuye. Uma utfola kushaywa, utovele uwe nje genu, bese ulala lapho futsi kubalwe. Kodvwa uma umtimba wakho wakhiwe futsi ungayimela imingcimuto," watsi, "khona-ke, uma ukushaya, umngcimuto lomatima ukushaya," watsi, "bese-ke uma...ungabuya masinyane," watsi, "ubuye ume ngetinyawo futsi. Utfole kushaywa ukhishwe eringini, ugcume ubuye ungene." Bekasanza kucedza nje kungishaya ngayotsi ngcu ngephandle kweringi. Ngako watsi, "Utofanele nje ukwente loko. Uyabona na?" Futsi bekatsanza kungibulala. Bekatsi akabe nemashumi lamatsatfu noma lamane esindzvo semaphawondi ngetulu kwaloko bengingiko. Futsi bekanga... Bekasilwi futsi mine ngangingulofundzako nje, ngako bekacishe atsi akangibulale impela. Watsi, "Kodvwa uyokutfokotela loko uma sewungena eringini." Ngatfola kutsi lelo kwakuliciniso.

²¹ Ngako-ke, ngibeveile labosayitjeni emphini bececesha labobafana, futsi banendluzula. Bebamtondzá lowosayitjeni. Kodvwa uma sekufika ekulweni, bebamtsandza, ngenca yekuceceshwa lokunendluzula.

²² Nguleyondlela lengatama ngayo kucecesha emaKhristu. "Ningatiphunguli tinwele tenu. Ningapendi buso. Ningakwenti loku." Kube yndluzula. Niyongitfokotela uma sengifika e—ekupheleni kwemgwaco. Niyabona na? Kuceceshwa, niyabona, nitfole loko kuceceshwa kahle. Kodvwa asi—asihlale sikahle neLivi. Lingahle libe nendluzula, lisike kwehlukana kwemahlelo abe ticucu, kodvwa niyokutfokotela uma senehlela ekupheleni kwemgwaco. Niyabona na? Nema nalokushiwo yiNcwadzi.

Ngako, umkami, watsatsa, sandla sakhe sasikusami, sase senyuka ngetinyawo.

²³ NaGeorge Smith manje, yena u, ngiyacabanga, sewuyindvodza lese imphunga. Ngiyacabanga unalesikhombisa noma siphohlongo, iminyaka lelishumi budzala kunami. Futsi bekasemuva eringini, futsi bekasolo alwa. Nalabafo

laba labasha labavelako, bafana labakhulu labanemahlombe labanti, bebangeke bacatsaniseke naye, nhlobo. Bona nje... Bekangavele nje ababhacabule ngemzuzu. Nalomfo lomusha watsi, "Ngingayibhacabula leyondvodza lendzala. Ngiyati ngingakwenta." Ngako yena, umfo lomkhulukati locinile emtimbeni, wagcumela eringini lapho. Akahalalanga ngisho hhafu wemzuzu. Wabuye waphuma, watsi, "Angati kutsi kuvelephi, kodvwa lokuliciniso kutsi uyindvodza mbamba."

²⁴ Futsi ngalesosikhatsi nje, ngabuka umkami, ephusheni, ngase ngitsi, "Mkami, uyati, yena wanginika kuceceshwa kwami kwekucala."

²⁵ Kwase kutsi-ke, niyati, emaphupho ayincaba. Ngehlela kulo—lolukhulu lwandle, nalamanti bekagalopha impela. Nalomgwedli wesikebhe... Manje, Meda bekangekho nami ngalesosikhatsi, umkami. Kwase kutsi-ke, kuloku, u—umgwedli wesikebhe eta awelela lapho, wase unginiketa sikejana lesincane lesigwedlwako lesitsi asibe ngemafidi lamabili nehhafu, emafidi lamatsatfu budze. Wase utsi... Sasimhlophe impela, iplastiki nje, futsi simhlophe. Watsi, "Nasi sikebhe sakho."

"O," ngatsi, "Bengingeke ngikhone kwewela, ngaloko, kuleso."

²⁶ Watsi, "Yebo-ke," watsi, "leso sitogijima emakhilomitha langemashumi lasiphohlongo ngeli-awa, sehla-senyuka ngalapha."

²⁷ Ngatsi, "Singahle, sehle-senyuka nelugu, kodvwa singeke ngephandle lapho. Uyabona na?" Ngasho.

²⁸ Watsi, "Yebo-ke, hamba nabo." Ngase ngiyabuka, futsi naku kuhleti uMnaketfu Wood, neMnaketfu Fred Sothmann, labazalwane lababili bekanami ngalobusuku lengaphupha ngabo lelipupho. Futsi bebahleti esikejaneni lesigwedlwako lesiluhlata-satjani sinencumbi yetindophu letibamba liseyili kuso, tindophu tekukhempa, emathende, nakanjalonjalo. Futsi bebahleti lapho. Watsi, "Hamba nabo."

²⁹ Ngatsi, "Abasibo ngisho nebagwedli besikebhe." Ngatsi, "Ngiyakwati loko." Ngatsi, "Ngimi umgwedli wesikebhe. Futsi ngi—ngiyati ngesikejana lesigwedlwako, kusiphatsa. Kodvwa," ngatsi, "bona, bangeke nje. Bebaneke bakhone. Bengingeke nighambe kanjalo, nomakunjalo."

³⁰ "Yebo-ke," watsi, "bayakutsandza." Wase utsi, "Awuhambi ngani ubuyele enhla lapha bese uyabekelela na?"

³¹ Ngako, ngabuyela emuva. Nendzawo lencane lapho lesasikadze siphumele kuyo, indzawo lencane lebitwa nge Klondike, cishe emakhilomitha langemashumi lasitfupha kusuka kunoma nguyiphi imphucuko, sitolo sinye lesincane sebaafuyi betinkhommo netintfo. Kwabukeka kungatsi kwakuseKlondike, futsi kwagucuka kwaba

ngulelitabernakeli. Ngangime khona lapha. Ngangibitel aekhatsi, imiphongolo lemikhulu yekudla lokubukekako kunako konkhe lengake ngakubona. Boredishi, kubukeka kanjalo, bangemafidi lamatsatfu budze; nema-theniphu, nalokuluhlata, nemazambane, nayo yonkhe intfo.

³² Watsi, “Bekelela incumbi yako.” Niyabona na? Futsi ngangime lapho, nje ngikubekel aekhatsi.

³³ Ngase ngyaphaphama. Angikhonanga kukucondza. Ngacabanga kutsi bekuliphupho nje, futsi ngachubeka. Lokhatsatekile uMnaketfu Wood nalabanengi babo. Ngako, nayi inchazelo leyabakhona. Ngadzingeka ngilindze, njengoba nje nginitjelile tikhatsi letinengi. Tintfo itomele yenteke ngaphambi kwekutsi ukhone; tintfo letitsite letikuletsa emgenci. Nayi inchazelo leyabakhona. Bona . . .

³⁴ Sasikadze silangatelele ngesheya kwetilwandle. UMnaketfu Miner Arganbright, umngani wami lomkhulu, bekatobhadalela umkami kanye nami tindleko, kutsi sitsatse luhambo IwasePhalestina. Futsi sasitoya eSwitzerland, bese ke sichubekela entasi e-Africa, futsi sibe semkhankasweni ngeNhlaba. Nemkami, naRebekah, nabo, bekajabule impela kwati kutsi batokwendlula eJalimane, eNgilandi, eFrance, nasePhalestina. Bebatolindza lapho ngize ngente umkhankaso wase-Africa, bese-ke ngibatsatsa endleleni nasengibuyela emuva. Futsi bonkhe bebangaphansi kwekulangatelela lokukhulu. Nangiva ngitsi, “Uma iNkhsosi itsandza,” sonkhe sikhatsi. “Uma iNkhsosi itsandza, ngihlose kutsatsa lowomkhankaso ngesheya kwetilwandle. Angikati impela namanje.” Ngako bengilindzele kona.

³⁵ Kodywa naku lokwakungiko. LoMnumz. Smith, George Smith, lona lobekangumceceshi wami wekucala ekhatsi lapho, futsi bekangetulu kwekucatsaniswa nanoma ngumuphi webantfu labasha lobekaseveni namuhla, ekulweni kwakhe. Kwakukuceceshwa kwami kwekucala, emgenci walabakhulekelwako. Niyabona na?

³⁶ Tikhatsi letinengi, ngiletsa bantfu, kunemibono. Lindza. Ya. *Lona* lomunye, umbono. *Loya* lomunye, umbono. Akuzange nje sekusebente kahle. Manje, ngesikhatsi ngicala kucala kuphuma, ngangingamvumeli umuntfu . . . Ngaphandle uma ngitfole intfo letsite emgenci, loko lokwakungesiko nje kahle hle, futsi Wangimisa, cobo lwaKhe, niyabona, futsi wangitjela ngako, ngangichubeka futsi ngikhulekele bantfu. Futsi, hhe, i-imiphumela wawuphindvwe ngalokungemakhulu, ngoba ngifanele ku . . . Ngangikhulekela emakhulu lamane noma lasihlanu ngebusuku bunye. Lendlela lena, mhlawumbe emashumi lamabili nesihlanu noma emashumi lamatsatfu, mhlawumbe ingabi minengi kangako. Mhlawumbe imibono

lelishumi noma lishumi nesihlanu, futsi ngi...nanidzingeka ningicukule ningikhipe, cishe.

³⁷ Ngibuyela kuleyontfo lefanako futsi, niyabona, ngibuyela ekuceceshwени kwami kwekulala. Empeleni, akukho lutfo ensimini lolwake lwema naKo, noma lolungema, niyabona, ngoba Livi. Akusilo lihlelo lelitsite. KuLivi. Niyabona na?

³⁸ Kwabese-ke, lapho, bese-ke ucaphela lencenyelalandzelako emvakwaloko, Meda wesuka wahamba laphusheni. Ngesikhatsi ngifika elwandle, loko kwakukutsi: kuya ngesheya kwetilwandle.

³⁹ Manje, uMnaketfu Arganbright wangishayela lucingo, ngalolobunye busuku, ajabulile ngako konkhe, wase utsi, "Mnaketfu Branham, kutoba liholide linye lelikhulu. UMnaketfu Shakarian ube nekuhlaselwa yinhlitiyo, ngako imihlangano yangesheya kwetilwandle seyimisiwe." Futsi bona... Umhlangano waseSwitzerland, bekafuna ngiwelele lapho kwebusuku bunye nje, futsi bekatoba nalowomhlangano webusuku bunye. Ngako-ke tonkhe leletinye tawo tonkhe tatitoba liholide, kuzulazula nje kujikeletwa live. O, khona, manje, lokukutsi kuhle kakhulu; uMnaketfu Arganbright useticongweni nje, temKhristu, umngani lomkhulu kimi nemndeni wami.

⁴⁰ Futsi, kodywa, niyabona, lesincane, sikejana lesigwedlwako lesimhlophe seliplastiki lebekafuna ngingene kuso, sasiLivi laNkulunkulu. Futsi akukho kushumayela lokwenele kuko, kungibitela ngesheya kwelwandle. Ngatsi, "Huh-uh, hhayi loko. Kwaloko nje? Huh-uh."

Watsi, "Hamba-ke, hamba nabo, njengoba bahamba."

⁴¹ Ngatsi, "Abasibo bagwedli besikebhe, bashumayeli. Ngimi umfundisi. Kube bebahambile, bekutoba liholide, ngako konkhe, netindophu tekukhempa kuso." Kodvwa angikwentanga. Ngakwala. Ngako nayo-ke inchazelo yale-leliphupho. Niyabona na?

⁴² Wase-ke ungishayela lucingo uMnumz. Arganbright, ebusukwini lobumbalwa lobendlulile, futsi wangitjela kutsi-kutsi i-i... Kusobala, sivile kutsi imihlangano yangesheya kwetilwandle bese imisiwe, ngesizatfu seMnaketfu Shakarian. Futsi-ke akukho... Lapho, loyo loseSwitzerland, benginebusuku bunye kuphela. Futsi ngi...

⁴³ Meda bekadzingeka angitjele, kucala, kutsi bekangafuni kuhamba. Ngako ngamshayela lucingo, kusuka eFlorida, ngalolobunye busuku, noma eGeorgia, ngase ngiyamtjela. Ngatsi, "UMnaketfu Arganbright ungishayele lucingo wase utsi sitofanele sihambe tingemashumi lamabili ngeNkhwekhweti."

⁴⁴ Watsi, "Loko ngeke kulunge. Loko ngeke kulunge." Niyabona na? "Bantfwana ubhala luhlolo lwabo nje

ngalesosikhatsi. Ngeke ngihambe.” Niyabona, wadzingeka akwale, yena ngekwakhe, ngoba bekunguyé lobekabaliwe. Bekuliholide lakhe. Futsi nako lapho-ke.

⁴⁵ Ngisho nemaphupho, yonkhe intfo, inalekuchazako. Yonkhe intfo inentfo letsite ndzawanatsite. Ngako, emaphupho anetinchazelo.

⁴⁶ Manje, sengibuya...ngingahle ngisho kute nitocondza, naloku kuyatheyishwa. Emgwacweni, ngita ekhaya... .

⁴⁷ Ngaphambi nje kwekutsi ngiphumele lapho, bangakhi longikhumbulako ngikuphindhaphindza lapha, kutsi liPhimbo lefika kimi, ekamelweni ngalokunye kusa emvakwembono, futsi lapho ngekutsi, lakhuluma ngenyoka, futsi yona iboshwa, nekutsi ngingesabi kwasalutfo na? [Libandla litsi, “Amen.”—Umhl.] Watsi, “Ungesabi.” Watsi, “Angikafakazeli yini kuba nawe noma ngabe uyaphi na?” Watsi, “Angikafakazeli yini kuba nawe emahambeni akho ekuyotingela na?” Niyakhumbula ngesikhatsi ngisho ngaloko lengangitokutfola, ngingakesuki, nako konkhe loko na? [“Amen.”] Niyabona na? Watsi, “Angikafakazeli yini kuba nawe na?” Lase-ke liPhimbo lelimnandzi sibili liyefika, latsi, “Bukhona baJesu Khristu lobungehluleki bukanye nawe noma ngabe uyaphi.” Futsi ngiyati, ngaloko, senyukela entfweni letsite. Angati kutsi iyini. Ngingeke ngasho.

⁴⁸ Ngifikasi ekhaya, ngalolobunye busuku, noma ngalololunye lusuku, noma nje ngingakefiki ekhaya, ngawela embonweni. Ngase ngibona labanye bafo labancane, bondzile, babukeka njengebafana labasebancane, noma lokutsite, bebafake emakepisi. Futsi sasimile, sitingela. Futsi ngangidubule lelikhulukati, libhele lelikhulu libukeka linsundvu. Baseke bayajika batsi kimi, batsi, “Kodvwa kunekekudideka lokutsite ngemhlangano.”

⁴⁹ Ngatsi, “Akunandzaba kutsi kudideka kuyini, uma bengifanele ngihambe, noma ngabe kwakukuphi, ngitohamba noma kanjani, niyabona. Akunandzaba.” Nalombono wema. Angati kutsi loko kukuphi. Kodvwa, loku kusetheyipini. Kutokwenteka. Niyabona na? Khumbulani nje, kutokwenteka. Ngumbono.

⁵⁰ Ngako, manje, ngeliSontfo lelitako, ngitoba seTennessee, iNkhosi itsanza, ngeMgcibelo lotako ebusuku nangeliSontfo, neMnaketfu M. E. Littlefield, khona, o, kuleyo nhlokokhovisi yechurch of God enhla lapho eCleveland, eTennessee. UMnaketfu M.E. Littlefield, ebandleni lakhe, leli lengambuisela lona lapha, eminyakeni lemibili noma lemitsattu leyendlula, eCleveland, eTennessee, ngeMgcibelo lotako ebusuku nangeliSontfo ekuseni. Nje kube yinkonzo yangeliSontfo ekuseni kuphela, ngeliSontfo. Futsi kunginike sikhatsi, umndeni wami wenyuke nami, bese siyabuya. Ngametsembisa, kuta

futsi ngishumayele futsi ebandleni lakhe. Loko kungeliSontfo lelitako.

⁵¹ Bese-ke, ngeliSontfo lelilandzelako, uMnaketfu Arganbright utoba lapha neMnaketfu Rowe, leloncusa laseWashington, lelike, lasebenta ngaphansi kwabomengameli labatsatfu noma labane. Batoba lapha ngaleloSontfo, nanesitfombe lesisha. Ngifuna wonkhe umuntfu atame kuba lapha, uma kungenteka, ngalesosikhatsi. Ngifuna kuba lapha, cobo lwami.

⁵² NgeliSontfo lelilandzelako liPhasika. Sibheke umhlangano lomkhulu lapha, liPhasika. INKhosi itsandza, ngifuna kuba lapha ngeliSontfo leliPhasika. Ngoba...Futsi sinenkonzo yekuphuma kwelilanga, njengalokwejwayelekile. Umbhabhatiso, nonkhe nine lotobhabhatiswa, liGama leNkhosi yetfu Jesu, banini lapha kuyangeliSontfo. Futsi bekukadze kulangatelelwe, noma kwakhulunywa, esikhashaneni lesendlulile, kukutsi asinayo indzawo yekuhlala, singahle sitsatse iBoy's Club, ihlalisa emakhulu lasikhombisa noma lasiphohlongo, ngetudlwana nje kwalapha, khona ngalapha, iklabhu lensha khona ngalapha ekoneni lapha, ngibuye entasi lapha ngentele inkonzo yembhabhatiso ngalesosikhatsi. Bese ngibuyela enhla lapho, kute wonkhe umuntfu akhone kuba nesitulo lesihalisana kahle entele kusa kwangeliPhasika. Sitotama kubuka ngako, kuleliviki, futsi sitfole.

⁵³ Bese kutsi-ke inkonzo lelandzelako, icala-ke nge... Ngisuka lapha tingemashumi lamabili...tingemashumi lamabili nesihlanu noma tingemashumi lamabili nesitfupha enyangeni. Bese kuba ngumhla tisikhombisa...tisitfupha, tisikhombisa, tisiphohlongo, namhla tiyimfica, namhla tilishumi, ngisemuva le etikwe...ngephandle kweVan...noma iVictoria Island, emuva le emkhatsini wemaNdiya, lapho khona ufanele uhambe ngesikebhe, kufinyela kuwo.

⁵⁴ Umngani wami lomncane lositfunywa senkholo, umnaketfu, nganginaye ekwindla lelendlulile eluhambeni lwekuyotingela. Futsi uphuma ekhaya lelitsandzekako, yena nemkakhe. Nemikhono yakhe, yonkh'ntfo, konkhe kuluhlata, tindzawo letehlukene. Yebo-ke, nguloko loko lokwakungiko. Kwakusukela emazezeni, timbungulu netintfo, niyabona, kutsi bekakadze ahlala khona ngephandle lapho, lapho bebadzingeka nje kutsi baphile nganoma yini, emkhatsini walawomaNdiya. Bekaletse lamanye awo ngale emhlanganweni, sikhulu. Bonkhe bayiKhatolika, impela nje bonkhe. NaMoya loyiNgewe wehla wadzbula lapho wase ukhipha lesosikhulu, nabobonkhe labo lebebanaye, futsi wabaphilisa bonkhe khona lapho emhlanganweni. Avele nje alushisa kalula lologu, ehla-enyuka, netikebhe tawo tipuma. Angulabadwebela kutsengisa, ehla-enyuka nelugu. NeMnaketfu Eddie uyabita, futsi nginekuvela lokuncane kutsi ngihambe, ngiyabona, kutsi ngiye laphaya.

⁵⁵ Manje-ke sisuka lapho, futsi sinekuhamba lusuku lunye kusuka lapho, futsi sibe nebusuku lobubili noma busuku lobutsatfu eFort St. John. Loko kusenhla le emgwacweni lomkhulu wase-Alaska. Nebusuku lobubili lapho.

⁵⁶ Bese-ke, ngita ekhaya, futsi i... Ngicabanga kutsi tisikhombisa, tisiphohlongo, tiyimfica namhla tilishumi ngeNhala. Manje, nayi indzawo nonkhe lebeningaya kuyo, kulemihlangano lapha, itoba seSouthern Pines. Niyamati umnaketfu lobhala lokuhle kabi kusifukula lapha, kungesiko kadzeni. Empeleni, wangitfumelela lamanye lamanengi emaphephabhuku. Bengifanele ngiwaletse. Ngitoba nawo lapha ngeliSontfo lelitako, iNkhosi itsandza. Naloko kuseSouthern Pines, kutsi nje akube, o, kushayela lokungema-awa lasitfupha noma lasiphohlongo kusuka lapha, eSouthern Pines, eNorth Carolina. Noma, leyo yiSouth Carolina na? North Carolina. Ya. Kunjalo. Bese-ke, impela, sitawubese-ke siyesuka lapho tilishumi.

⁵⁷ Bese ngemhla tilishumi nakunye nangemhla tilishumi nakubili, neMnaketfu Bigby eColumbia, eSouth Carolina. Naleylo yindvodza, iPresbyterian leyabhala ludzaba. Kimi, lwangishaya kancono kunanoma yini labake bayibhala ngami. BekaiyPresbyterian, dokotela wetebunkulunkulu. Futsi wefika eChicago wase ubhala ludzaba. Lwe... Ngiyakhohlwa kutsi lwaluyini manje. Lwaluluhle impela. Nginalo ndzawanatsite, nasephephabhukwini. Intfo letsite lemayelana ne "Presbyterian, kuhlanganwa ePhentekhosti," noma intfo letsite lefana naleyo, "umprofethi wephentekhostali kuPresbyterian," intfo letsite. Futsi sitoba naye.

⁵⁸ Ngako-ke, itolo ebusuku, sishayele uMnaketfu Roy Borders lucingo, losavele aseWest Coast. Futsi kunalabanye bebantfu ngephandle lapho lokunalamanengi emabandla langangemashumi lamatsatfu nesihlanu nemashumi lamane kubambisana emihlanganweni; eSedalia, eCalifornia; nangale eGrass City, futsi kusukela lapho... noma eGrass Valley, njalo. Futsi kusukela lapho, uchubeke uyongena e-Oregon; kuchubekele enhla e—eWashington.

⁵⁹ Bese-ke uMnaketfu Arganbright, angena, siyahamba, sihlela kona manje, ngeliviki lekugcina laKholwane, kutsi sibe se-Anchorage, e-Alaska, kuhlela tikhulu telisontfo lapho temaDvodza labosomaBhizinisi labangemaKhristu, kulandzela cishe imvuselelo yetinsuku letisitfupha noma letisiphohlongo lengetsema kuba nato, leyo lelukhuni, i-Alaska lenendluzula. Niyayati kutsi injani, bahlwayi nje nebetimayini. Ne-hemu nemacandza kubita cishe emadola lamatsatfu nesihlanu lipulete. Yi—yindzawo lenendluzula impela, kodvwa badzinga liVangeli.

⁶⁰ Manje, lengihlose kukwenta, kutsi, letintfo leti lengifundzisa ngato lapha, ngibekelela loKudla loku futsi ngikukhipha,

ngifuna kuhamba manje. Anginako kuholeleka lokungiko kunoma nguyiphi indzawo, kodvwa ngiyahamba, ngihlanyela timbewu, titfunyelwe ngandzawanatsite, ticalile.

⁶¹ Umkami, ukhona lapha ndzawanatsite. Utfole incwadzi levela kulomunye dzadze e-Illinois ngalololunye lusuku. Yashisa nje emphefumulweni wami wenhlitiyo yami. Lodzadze utsite, "Dzadze Branham," watsi, "akungabateki kutsi kodvwa tikhatsi letinengi, futsi kwehle njalo, seloku washada, kutsi ufanele uhlupheke kanenginengi, uMnaketfu Branham ahambile, unalabobantfwana." Wase utsi, "Bantfwana, kusobala, bakhalela uyise nakanjalonjalo." Futsi watsi, "Ngiyati kutsi uchaza kutsini, ngoba nginemeyeni lotsandzekako, cobo lwami." Watsi, "Kodvwa, ngikutjela simo sami."

⁶² Watsi, "Ngi—ngibe nekuhlindwa lokukhulu lokune, eminyakeni lemine leyendlulile." Watsi, "Ngitsatsa cishe, ticedza buhlungu letilishumi nesihlanu noma letilishumi nesitfupha ngelilanga." Wase utsi, "Ngitsatsa imijovo lemitsatfu leyehlukene yeLexron, nakanjalonjalo, ngeliviki." Wase utsi, "Ngibeka incumbi yemaphilisi ekulala, nentfo yakamuva, bese ngithulisa imizwa. Naleyomijovo, bese ngitsatsa lamanengi njengalamabili, emaphilisi ekulala layidabuli ebusuku, futsi angikhoni kulala." Wase utsi, "Dokotela wami ungitjele kutsi ngichubekele esibhedlela salabagula ngengcondvo ngaphambili ngeke ngabuya. Kungahle kube nelitsema kutsi ngingasindzisa umcondvo wami." Wase utsi, "Futsi akukho lutfo emikhakhemi yetemitsi akukho ndzawo lokungangitsinta."

⁶³ Wase utsi, "Bengilangatelela kutsi ngitibulale, ngikuhlela, kutsi ngishiye umyeni wami lotsandzekako nentfombatanyana yami." Watsi, "Sihlala eKansas. Ngiyayitsandza, ngoba ngibona umbila uvutfwa, futsi ngicabanga ngekuvuna."

⁶⁴ Ngicabanga kutsi bekayiMethodisti. Wase utsi lapho... Futsi-ke, ngale ekolishi leMethodisti eBloomington, e-Illinois, babutsa liphepha, kutsi ngangitoba lapho, etinyangeni letilishumi nakunye letendlulile. Labanengi benu bayawukhumbula umhlangano waseBloomington. Nanilapho.

⁶⁵ Wase utsi, "Umyeni wami wangitfola, nalabanye bangani, sasesiyesuka siyahamba." Wase utsi, "INKhosи beyati kutsi ngangingeke ngilimele lelinye lilanga futsi." Besahambe kakhulu. Wase utsi, "Ngaba ngumuntfu wekucala. Indvodzana yakho, Billy Paul, unginika likhadi. Nangalobobusuku, ngesikhatsi wakho—ngesikhatsi umyeni wakho abita tinombolo, ngaba wekucala emgceni, kutsi ngikhulekelwe." Wase utsi, "Ngatsi nje ngingafika ngembili," watsi, "wangitjela imphilo yami futsi wangitjela lengikwentile, nanoma yini konkhe ngako, wase utsi, 'ISHO KANJE INKHOSI, sekuphelile.'" Watsi, "Ngawo lowomzuzu lomfishane, angikaze ngiphindze ngibe nalobunye buhlungu." Watsi, "Ngangisindza emaphawondi

langemashumi lasikhombisa nentfo. Sengisindza lalikhulu nemashumi lasitfupha nentfo manje.” Wase utsi, “Dzadze Branham, uma unesitunge,” watsi, “Ngiyati kutsi utiva unjani, lowabelana nemhlaba umyen i wakho, netintfo letinjalo. Kodvwa,” watsi, “khumbula nje, umfati welikhaya lomncane waseKansas ukhululekile namuhla, ngoba lowesilisa wavuma kunaka iNkhosi.”

⁶⁶ Ngakhombisa Billy. Ngatsi, “Billy, ngifuna utfumele lena ngale kulelokolishi leMethodisti.”

Welula sandla wase utsatsa incumbi, watsi, “Fundza letinye taleti.”

⁶⁷ Ngatsi, “Ngiyati. Ngiyati tiyamangalisa, kodvwa lena yenele. Lena nje ibeke indzawo.”

⁶⁸ Nakuba loko na? ““Lengcolile! Lengcolile!” Imimoya lemibi yamchuba,” niyabona, yaye yayophuma emcondvweni wakhe, “yaphumela emathuneni. Ngesikhatsi Jesu efika, Wakhulula labatfunjiwe.” NaJesu uLivi. Ngako, tsatsa Livi, futsi Liyokhulula labatfunjiwe.

⁶⁹ Naku ngiyacoca, ngidla sikhatsi sami, ngidla sikhatsi senu, nalokunengi kakhulu kukusho.

Asikhotsamise tinhloko tetfu.

⁷⁰ Nkhosi, njengalabasatokufa, siyati kutsi asinaso sikhatsi lesinengi kakhulu kangako sekucoca. Uma ngibuka ngale kwalesi lesincane, sicuku lesinenhlitiyo-lelambile setihambi lesivela ensimini, ekulimeni, labanye babo ute bavela emisebentini yesive, bavela ekusebenteni, nalabanye babo bashayele bavela ekuncamuleni tintsaba, tingwadvule, nemasimu nematete, futsi babutsana lapha, futsi-ke batofanele beme. Kodvwa batihambi. Abasibo balomhlaba. Balapha kuphela njengetimfakazo, njengetibane lesibekwe egcumeni, lesiniketa kuKhanya emmangweni lapho bahlala khona. Besoke uma babutsana ndzawonye, kutsi babuye batinikele, futsi bafakwe emandla ngeLivi, bayema, baba nemfinyezi etitfweni tabo, nala—labadzala nalabasha, ngalokufanako.

⁷¹ BayaKutsanda, Nkhosi. Kungako balapha. Noma ngubani uyati kutsi umuntu bekangeke ete, futsi ashayele emakhilomitha lamanengi, futsi eme ngasetibondzeni, eyeme, nemilente iba nemfinyezi, kutsi nje abukwe. Nanalesicuku lesi, Nkhosi, si—sibantfu labaphuyile. Asiti sifake ingubo lenhle ngalokucolisakele. Sita lapha kutokhonta Wena. Sizatfu sinye enhlitiyweni yetfu, inhloso yinye nenjongo yinye, leyo nguWe, Nkhosi.

⁷² Ngiyakhuleka, Nkulunkulu, kutsi Utawutsi kubanika umvuzo ngalokucebile. Kwangatsi kungete kwabakhona ngisho namunye lowendlula kuleminyang, namuhla, kuphela lowo lotoba nekuPhila lokuphakadze. “Khona-ke tinhlupheko

temgwaco tiyobonakala tingesilutfo, uma sesifika ekupheleni kwendlela.” Uma bagula, baphilise, Nkhosi.

⁷³ Futsi manje sikhulume nje ngaleminye imihlangano, noma ngaphandle kwekwati lokungiko ngco, khona-ke ngiyahamba, uma kuba yintsandvo yaKho, nje kusabalalisa tiMbewu. Titomila, uma Twela emhlabatsini lofanele. Ngiyakhuleka, Nkhosi, kutsi Utoticondzisa kulowomhlabatsi lofanele.

⁷⁴ Lokubekwe langembili, noma ipulpiti, bengifanele ngisho, lapha manje ekuseni, ngemaduku, emaphasela lamancane. Kuchaza kutsi bantfu bayagula, bangulabadzingile. O Nkulunkulu waseZulwini, Lowavusa Khristu kulabafile futsi uMetfulile kitsi kulolusuku lwekugcina, ngesimo saMoya loNgcwele, kwangatsi Lowo Losetindzaweni tonkhe angabuka phansi; lowati konkhe, wati tintfo tonkhe; lonemandla onkhe, longulonemandla onkhe. Angabukisisa lamaphasela lamancane. Futsi kwangatsi wona, uma sekatsinta labagulako nalabahlaselekile, kwangatsi Moya loyiNgcwele angaphilisa lowomkhuleko etindlebeni taNkulunkulu, futsi kwangatsi bangaphiliswa masinyane.

⁷⁵ Nkhosi, cabanga ngalowo wesifazane lomncane tatane. Ngisanda kucaphuna bufakazi bakhe nje, “Ngephandle lapho eKansas namuhla, ajabulile, kungekho buhlungu. Akukho dokotela longatfolo noma yini lengakalungi kuye. Akusekho tinhlungu, akusekho ticedza-tinhlungu, akusekho maphilisi ekulala; sewulala kahle nangalokuphilile. Yonkhe intfo ihamba kahle.” O Nkhosi, ngeliciniso, uma Ufika, yonkhe intfo ikahleke. SiyaKubonga ngaloko.

⁷⁶ Manje, Babe, njengoba siphendvukela eVini, busisa Livi laKho. Kwangatsi Lingete labuyela lilambatsa kuWe, kodvwa kwangatsi Lingafeza loko leLihloselwe kona futsi lanikelwa kuko. EGameni laJesu siyakucela. Amen.

⁷⁷ Manje, niva kahle, wonkh’umuntfu na? Emuva lengemuva, kukahle na? Ngukuphi lokuncono kunako konkhe, uma ngikhuluma kanjena, noma ngikhuluma kanjena na? Ngalapha, loluhlangotsi lolungalapha luncono na? Ngabe kuncono kimi nonkhe emuva lapho na? Kulungile, ngitodvonsa loku ngalapha, kusondzele nje kakhudlwana-ke.

⁷⁸ NgeliSontfo lelendlulile, liviki, nge—ngeephute kancane, ngitsite kuba nenkonzo lendze. Angitsandzi kuba ngaleyondlela. Futsi manje, kanye ngeskhati, angeke kungihluphe nakancane, uma lotsite ahleti phansi, abona labo labemile, bangatsandza kuntjintjana ngetindzawo nabo, sikhashanyana, babaphumute. Bekungaba sento lesihle kakhulu sebuKhristu. Futsi manje, manje, mhlawumbé, nga—ngaleliPhasika, singahle sibe nalenye indzawo yekubambela i—i—inkonzo lenkhulu.

⁷⁹ Manje sifuna kuvula, manje ekuseni. Nonkhe nine masotja tfolani iNkemba yenu—yenu manje, futsi sitomemetela imphi esitseni. Sasivame kuhlabela liculo lelincane niyati.

Imphi iyachubeka, O sotja lelingumKhristu,
Buso nebuso ime ngemumo ibhekene.

Nilivile leloculo.

Tikhali tiyamanyatela, imibala iyageleta,
Lokulungile nalokungakalungi kuhlangene
namuhla.

Niyabona na? Kunjalo.

Imphi iyalwa, kodvwa ningapheli emandla,
Cinani nasemandleni aYo nibambelele;
Uma Nkulunkulu angakitsi, umjeka waKhe
usetikwetfu,
Sitohlabela liculo lemncobi ekugcineni.

⁸⁰ Kunjalo. Sifuna kuvula manje ku, kucala, kufundza kwekfundvwa kwemBhalo lotfolakala kuJohane loNgewe 10, emavesi lasihlanu ekucala.

*Ngicinicisile, ngicinicisile, Ngitsi kini, Loyo longangeni
ngelisango esibayeni setimvu, kodvwa locanca angene
ngalenye indlela, lowo ulisela nesigebengu.*

*Kodvwa loyo longena...ngelisango ungumelusi
wetimvu.*

*Kuloyo umlindzisango uyamvulela; ne—netimvu
tiyaliva liphimbo lakhe: futsi ubita timvu takhe
ngeligama, futsi atiholele ngephandle.*

*Futsi uma sekatikhophile timvu takhe, uhamba
embikwato, netimvu timlandzele: ngoba tiyalati
liphimbo lakhe.*

*...umfokati angeke tize timlandzele, kodvwa
titombalekela: ngoba—ngoba tingalati liphimbo
lebafokati.*

⁸¹ Manje, sifundvo samanje ekuseni, lengikhets kufundzisa ngaso kwesikhashana lesincane, sitsi: *Kuhlakanipha Kucatsaniswa NekuKholwa. Kuhlakanipha Kucatsaniswa NekuKholwa.*

⁸² Manje, mibili kuphela imitfombo, noma ngemitfombo lembili, lesifanele siphile ngayo. Benikwati yini loko? Manje si...

⁸³ NginemiBhalo leminengi lebhalwe phansi lapha. Futsi ngifuna nine...Sitotsi mhlawumbe kutsatsisela kuyo, lapho sisachubeka. Futsi—futsi ngitowetama kuphuma ngalokukhulu kushesha lokungenteka. Futsi anginawutama ku...Ngikwendlale nje, kute nitokwati kukutsatsa kusukela lapho kuchubeke. Niyabona na?

⁸⁴ Kodvwa kunemitfombo lemibili kuphela lesingadvonsa kuyo kuphila kwetfu. Futsi lomunye wayo kuhlakanipha, nalolomunye kukholwa. Futsi uma sicabanga kutsi kuhlakanipha kuvetani, bese kutsi-ke kukholwa kuvetani! Kodvwa, leyomitfombo lemibili, sibuyela emuva manje ekuseni futsi siyitsatsela sifundvo saSontfo sikolwa, bese siyikhipha eBhayibhelini; futsi sikhombise kutsi iyini, nekutsi itokwentani, nekutsi yenteni, ngelusito lweNkhosi.

⁸⁵ Manje, kukholwa nekuhlakanipha. Manje, kucala nje, sitocaphela, kutsi, kuGenesisi, sahluko se 1, sitfola kutsi—kutsi kukholwa kwetfulwa, nekuhlakanipha kwetfulwa. Futsi, namuhla, leyomitfombo lemibili isasolo yetfulwa esiveni lesibantu. Siyatfola, kutsi, Nkulunkulu bekanguMcalisi wekukholwa, kukholwa, kutsi bantfu bakholwe nekutsi betsembe Livi laKhe. NaSathane unguMcalsi wekuhlakanipha, etama kutfola bantfu kutsi bemukele kuhlakanipha kwakhe, bese uyabadvonsa besuke ekukholweni lokuseVini laNkulunkulu. Leyomitfombo lemibili.

⁸⁶ Sikutfola kungakejwayeleki kakhulu kutsi Genesisi, lesahluko lesi sembewu, sicala ngaleyondlela. Futsi siyabona kutsi tonkhe tintfo lesinato, namuhla, ngekwasekucaleni tacala kuGenesisi, ngoba leligama lelitsi *Genesisi* lichaza “sicalo.” Futsi uma sibona letintfo leti lesingito, namuhla, indlela lettingiyo, tatifanele tibe nesicalo ndzawanatsite. Nitofanele nilandzele yonkhe intfo ibuyelesiscalweni.

⁸⁷ Futsi nangu umcabango lomncane wenu. Yonkhe intfo leyayinesicalo, inekuphela. Kodvwa tintfo letatingenaso sicalo, lengapheli, tintfo kuphela letiPhakadze.

⁸⁸ Ngako-ke, ngitotsanza kubuta umbuto. Besingake size sikhone kanjani kwenta lokubhadlile egameni lekutsi “budvodzana lobuPhakadze baNkulunkulu”? Uma BekayiNdvodzana, Bekanesicalo. Uma BekayiNdvodzana lePhakadze, Bekangaba kanjani yiNdvodzana futsi abe Phakadze na? Ngoba, *indvodzana* i—ingumkhicito wentfo letsite. Kodvwa, uma Bekangiyo—Bekangiyo, bekangeke abe yiNdvodzana lePhakadze. Ayikho intfo lenjalo, “iNdvodzana yaNkulunkulu lePhakadze.” Ngoba, uma Be—uma Bekangazange sekabe nesicalo, khona-ke Angeke abe lutfo ngaphandle kwalophakadze. Kodvwa, uma BekayiNdvodzana, Bekanesicalo, ngako Bekangeke abe yiNdvodzana lePhakadze.

⁸⁹ KwakunguNkulunkulu loPhakadze abonakaliswe eNdvodzaneni. Uh-huh. Niyabona na? Nkulunkulu loPhakadze, ngoba Nkulunkulu nguyonantfo kuphela lePhakadze.

⁹⁰ Nendlela kuphela lesingake size siphile ngayo kungoba sinekuPhila lokuPhakadze. Lomtimba lona uyafa, tonkhe tetincenyetefu tiyafa. Kodvwa lencenyelophakadze nguNkulunkulu, futsi ingeke seyife. Manje, manje, Livi,

liBhayibheli, liPhakadze, ngoba LinguNkulunkulu esimeni seLivi. Futsi kwakukuNkulunkulu, emicabangweni yaKhe, kungakabikhona noma nguliphi Livi lelikhulunyiwe, kwakunguNkulunkulu. Niyakubona na? [Libandla litsi, "Amen."—Umhl.] KwakunguNkulunkulu. Ngako-ke, ngekutsi samiselwa ngaphambili, tsine lesinjalo; sitsi "tsine," ngitsema kutsi ngikanye nawe lowamiselwa ngaphambili; kwaku—kutintfo leyayinaNkulunkulu eliPhakadzeni.

⁹¹ Bese kutsi-ke, uma ungumntfwana waNkulunkulu lotelwe kabusha, unguye, futsi unaMoya loyiNgewe kuwe, nitibonakaliso teLivi laNkulunkulu lelikhulunyiwe ngaphambi kwekutsi Libe Livi. Litofanele libe ngumcabango ngaphambi kwekutsi libe Livi. Livi lingumcabango lokhulunyiwe. Nalemicabango wawukuNkulunkulu, futsi-ke tsine sasikuNkulunkulu eliPhakadzeni, futsi sakbulunywa saba khona ngeLivi. O, lokunje pho... Ngaliphi Livi na? *Leli* Livi, Livi laNkulunkulu.

⁹² Manje, Nkulunkulu unguMcalisi wekukholwa. Sathane ungumcalisi wekuhlakanipha. Ngoba, Nkulunkulu wanika bantfwana baKhe bekucala Livi laKhe, wase ubatjela kutsi bafanele bakhole Leli; wase ubeka kufa, kwehlukana, sijeziso, uma behluleka kuLikhola.

⁹³ NaSathane ufika ngalapha futsi utama kuniketa Eva, kuhlakanipha, "Utohlakanipha, wati lokuhle nalokubi, njengaNkulunkulu." Manje, niyabona, kwekucala nje, niyabona masinyane impela kutsi kuhlakanipha kuvela kudeveli. Loko akukejwayeleki, akunjalo na? Kodvwa kungemaciniso. Kuhlakanipha kuvela kudeveli. Ungumcalisi wekuhlakanipha.

⁹⁴ Manje, kusobala, noma yini develi lanayo, iyimphendvuketelo yekwasekucaleni. Sono singulokuphendvuketelwako, imphendvuketelo yekulunga. Kuphinga kuyimphendvuketelo ye—yesento lesisemtsetfweni. Emanga ayimphendvuketelo yeliciniso.

⁹⁵ Futsi ngako-ke ku—kuhlakanipha lengifuna nicondziswe kuko, singakacali. Kunekuhlakanipha kwaNkulunkulu, kuhlakanipha kwaNkulunkulu, kukutsi, uhlale neLivi laKhe. Kodvwa Sathane, ekuhlakanipheni kwakhe, watama kushwila Livi, ngako nguloko—kuhlakanipha lengikhuluma ngako.

⁹⁶ Kunesibalo lesitsite sekukholwa lesihamba naSathane. Kute we—wemukele Sathane, ufanele umkholve Sathane, ngako kunekukholwa lokuphendvuketelwe entfweni lephendvuketelwe. Nanoma yini leyotama kushwila Livi laNkulunkulu, kuLenta lisho intfo letsite leLingayisho, ngumoya longakalungi, niyabona, aniketa kuhlakanipha lokumelene nekuhlakanipha kwaNkulunkulu. Ngako, sitotsatsisela kuko njengekuhlakanipha, futsi hhayi kukholwa kwaSathane.

⁹⁷ Labanengi balabobantfu labakholwa loko, bacotfo, futsi bayakholwa, ngako konkhe nje kukholwa labanako, kutsi bacinisile. Niyabona na? Utofanele ucaphele. Lengubo yekulala yendlaleka ndlela totimbili manje. Kodvwa, yena, ba... Indlela kuphela yekutsi uciniseke, kubuyela eVini lasekucaleni. Ngulapho yonkhe intfo yeskeleke khona, eVini.

⁹⁸ Manje, sitfola kutsi lemibango lemibili, noma imitfombo, ikutsi: munye, kuhlakanipha; nalolomunye, kukholwa. Futsi beyatana kusukela kwaba yindalo, ensimini yase-Edeni.

Manje, kunebantfwana ndzawo totimbili.

⁹⁹ Manje, kuyini loku—lokuhlakanipha lesikhuluma ngako? Intfo tsite lengeke ivume kutsi lonkhe leLivi leli liliCiniso. Kuyintfo letsite letosusa eCinisweni, itivakalisa yona cobo lwayo njenekwati lokuphakeme kakhulu, kuhlakanipha lokunengi. Futsi uma kuhlakanipha kwalolohlobo kuvela kuSathane, bantfwana bakhe baphila ngaloko kuhlakanipha.

¹⁰⁰ Futsi uma kukholwa kwaNkulunkulu kwefika ngaNkulunkulu, naNkulunkulu uLivi, bantfwana baNkulunkulu baphila ngekukholwa. LiBhayibheli latsi, “Labalungile baphila ngekuhlakanipha”? [Libandla litsi, “Cha.”—Umhl.] Kukholwa! “Labalungile bayophila ngekukholwa.” Hhayi loko langakufundza, kodvwa loko langakukholwa. Kulungile.

¹⁰¹ Manje, manje siyatfola. Asitsatse kuhlakanipha, kucala. Kuhlakanipha kunemzindlo. Kukholwa akunamzindlo. Kodvwa kuhlakanipha kunemizindlo. Asicale nje sivule eBhayibhelini, futsi asivule manje kuGenesi, sahluko 3 kuGenesi, futsi nje sifundzise loku.

¹⁰² Manje yini lesiyentako, sitama kwentani manje ekuseni na? Silandzela loko iNkhosi leyakusho, “Congelela Kudla.” UtoKudzinga, ngalolunye lwaletinsuku leti. “Congelela Kudla.”

¹⁰³ Manje, Genesi 3:1, asifundze manje, sibone kutsi kuhlakanipha kunemizindlo kanjani.

Futsi inyoka yayinebucili kunato tonkhe tilwane tasendle lebeyitentile iNKHOSI Nkulunkulu. Futsi yatsi kuwesifazane, Ya, ngabe Nkulunkulu ushito yini kutsi, (ikholwa, isho Livi), Ningadli kusosonkhe sihlahla sasensimini na?

Futsi lowesifazane watsi enyokeni, Singadla titselo tetihlahla tasensimini:

Kodvwa...sitselo sesihlahla lesisekhatsi nensimu, Nkulunkulu ushito kutsi, Ningatidli kuso, (acaphuna Livi), kanjalo futsi ningasitsints, ngoba nasitsintsia niyafa.

¹⁰⁴ Manje, kukholwa kubambelela kuLoko. Niyabona na? Manje bukisisani.

...inyoka yatsi kulowesifazane, Angeke nize nife:

¹⁰⁵ Kuzindla, imizindlo, “Nkulunkulu ulunge kakhulu. Nkulunkulu unesihawu kakhulu. Ukutsanza kakhulu.” Niyamuva lowodeveli lomdzala lofanako namuhla. “Nkulunkulu ulunge kakhulu kutsi angenta *loku*. Nkulunkulu angeke akwente *loku*. Nkulunkulu angeke ajezise.” Uyokwenta nje kona impela loko Livi laKhe lelatsti Uyokwenta. Niyabona na?

¹⁰⁶ “Angeke nize nife.” Niyabona na? Utama kwentani na? Umtfolela kutsi azindle naye. Ngemzuzu lozindla ngawo eVini laNkulunkulu, khona-ke ulahlekelwa kukholwa. Niyabona na? Ungabi nabo cha “yebo, bocha, mhlawumbe kunjalo.” Hlala naLo ngco. Niyabona na? Eva bekanendlela lekahle yekusondzela, kodvwa walalela imizindlo yakhe.

¹⁰⁷ Kunebantfu nje labanengi kakhulu namuhla lonekwati lokukahle, lowatiko kutsi leLivi lifanele libe Livi laNkulunkulu, futsi LiLivi laNkulunkulu, kodvwa bayema futsi bavumele lesinye sifundziswa sakusemina sibazindlise baphume kuLo, basuke kuMoya loyiNgewe, basuke etintfweni taNkulunkulu. “Imizindlo, sifanele siyilahle phansi.”

¹⁰⁸ Manje, livesi le 4.

Ngoba . . .

Ngitonitjela kutsi kungani Sathane asho. Ngitofundza livesi le 4, kucala, bese-ke kuba lesi 5.

Nenyoka yatsi kulowesifazane, Angeke nize nife—nife:

Ngoba Nkulunkulu uyati kutsi mhla nidla lapho, khona-ke emehlo enu atovuleka, futsi niyoba njengabonkulunkulu, nikwati lokuhle kulokubi.

¹⁰⁹ Niyabona, umnika kuzindla, “Ungatsanza yini kulingana naNkulunkulu? Tsatsa . . .” Ngalamany’emagama, “Ufuna kuba kahle impela naNkulunkulu na? Tsatsa seluleko sami. Ngilalele. Nkulunkulu akacondzi kona Loko. Bekangakakucondzi nje.”

¹¹⁰ Uma uva loko, suka kuko. Kunjalo. Loko kuhhaza kwenyoka. Kuvakala kunemcondvo. Kodvwa ungazindli, nhlobo. Kukholwe nje, loko lokwashiwu nguNkulunkulu. Manje, ngesikhatsi . . .

Futsi ngesikhatsi lowesifazane abona kutsi sihlahla sasilungele kudliwa, . . .

¹¹¹ Niyabona kutsi kwakuyini na? Imizindlo yakhe yamletsela ekutseni ati kutsi kwakulungile, kwakuliciniso.

...nekutsi siyabukeka esweni, nekutsi sihlahla lesikhanukekako . . .

¹¹² “Kwenta lotsite abe nekukholwa”? [Libandla litsi, “Cha.”—Umhl.]

...kutsi kwenta lomunye kutsi abe nekwati, kwenta lomunye ahlakaniphe, . . .

¹¹³ Niyabona kutsi kwakuyini na? Sathane etfula kwati, kwati lokwakuphambene neLivi, “kwenta lotsite ahlakaniphe.”

...wadla kulesitselo...futsi wadla, waphindze wanika nendvodza yakhe kanye naye; nayo yadla.

Futsi emehlo abo bobabili ase ayavuleka, base bayati kutsi bebangcunu; base batitfungela emacembe emkhiwa ndzawonye, futsi batentela kwekuwunula.

¹¹⁴ Manje, kwacalwa yini na? Ngumzindlo. Niyabona na? Kukholwa akunakuzindla. Awuzindli, nhlobo. Uyakhholwa. Uma ukhulekelwa, futsi wemukele Livi laNkulunkulu ngekuphiliswa, ungazindli ngemizwa yakho. Ungazindli ngalutfo lolunye. Akukho mzindlo kuko. Nkulunkulu washo njalo, naloko kucedza indzaba.

¹¹⁵ O, ngingatsandza kanjani kuma lapha imizuzu lembalwa, bese ngiphumula kuloko, bese ngikhipha sihloko kuko. Angikwati kukwenta, futsi ngishumayele leti, cishe lettingemashumi lamane noma tihloko lettingemashumi lasihlanu lengitibhale phansi lapha. Kodvwa umzindlo . . .

¹¹⁶ Uma iNkhosi iniketa umbono . . . Ngitonitjela nje, indledlana yami lucobo yemntfwana losamunya. INkhosi iniketa umbono wentfo letsite letokwenteka, ngani, angikhatsali kutsi yini lephambene nawo.

¹¹⁷ Futsi khumbulani, yonkhe intfo lengetfulwa, lephambene, Sathane uyoyenta. Uyotama kuzindla, “Ungeke wakwenta.”

¹¹⁸ Kwenta sibonelo nje, loko lengisandza kukucaphuna nje emizuzwaneni lembalwa leyendlulile, ngekuhamba . . . Manje, loku bekutsite kuba luhlobo lwekusuka endleleni levutsiwe. Ngaphambi nje kwekutsi make wami ashone. NeNkhosi beyati kutsi ngangingeke ngikhone kugcina loko kubonana nalabobazalwane, ngekuyotingela. Futsi waniketa umbono, wase ungitfumela khashane le eBritish Columbia.

¹¹⁹ Futsi ngesikhatsi sifika lapho, lomholi watsi, “Angikaze ngyibone inyamatane lenembala losasiliva. Sengihlale lapha yonkh’imphilo yami. Nangaphandle kwaloko, siyoze siyotsi ngcu etulu eveni letimvu, sigibebe emahhashi. Ayikho inyamatane lenembala losasiliva. Akukho . . . Angeke uze uyitfole etulu lapho.” Niyabona na? Niyabona na? Etama, niyabona, etama kukhwesha; kuzindla.

¹²⁰ Sathane watsi kimi, “Kutobakhona, wena nje—wena nje awukawucondzi kahle lombono.”

¹²¹ “Kodvwa angizange. Itobakhona. ISHO KANJE INKHOSI.” Futsi ngesikhatsi lenyamatane ikharibhu ivela, futsi sayitfola leyo, leyayisembonweni, njengoba nonkhe nati.

¹²² Wase utsi-ke, lomholi watsi kimi; umnaketfu lokahle kakhulu, ngitoba naye manje emavikini lambalwa, umKhristu losemusha. Watsi, “Mnaketfu Branham, umnaketfu

bekanesitfutfwane. Futsi wena wagibela wenyuka ngalelohhashi ngalolosuku, futsi wangitjela intfo letsite kutsi ngiyente, nale ‘sitfutfwane semnaketfu siyoncamuka.’” Watsi, “Ngesikhatsi ngenta kona ngco nje loko uMoya loyiNgcwele lowakutjela kutsi ungitjele kona,” watsi, “akakaze abe nekunklinklita, kusukela ngalolosuku.”

¹²³ Watsi, “Manje naku lapho sikhona, esicongweni salentsaba. Futsi emakhilomitha lasihlanu entasi ngco, akukho ngisho nelihlashana lelingema intji lamane kuphakama. Akukho lutfo ngaphandle kwetjanyana bema-kharibhu, tincozi letimbalwa, futsi letingema-intji lamabili kuphela noma lamatsatfu kuphakama.” Watsi, “Tjanyana bema-kharibhu netincozi, tiyotsi ngcu elevelini lapho kungamili tihlahla khona, nemahhashi etfu bekahhakwe elevelini lapho kungamili tihlahla khona. Futsi manje, ngekwalocho lowangitjela kona singaketi lapha, kutsi, ndzawanatsite emkhatsini walapha nalapho lowomfana eme khona, afake lelohembe lelisikoshi, utobulala libhele lelimphunga lelinemabala lasasiliva lelingemafidi layimfica.”

Ngatsi, “lowo ngu ISHO KANJE INKHOSI.” Niyabona na?

Kwakuyini na? Sathane etama kungitfola kutsi ngingakukholwa loko.

¹²⁴ Sacala kwehla intsaba. Sesisondzela kakhulu, bekasolo atsi, “Mnaketfu Branham, sesicishe sibe likhilomitha nehhafu kusuka kuko manje.”

Ngatsi, “Uyangabata yini ye, Bud?”

“Aningabati nhlobo.”

¹²⁵ Sefika ekhatsi cishe kube likhilomitha. Watsi, “Sesiyoedza likhilomitha kuphela manje.”

¹²⁶ Ngatsi, “Kunjalo.” Ngatsi, “Cabanga nje, ehhafini yemakhilomitha!” Kulahla imizindlo.

¹²⁷ Watsi, “Buka. Singabona yonkhe intfo embikwetfu ngco. Akukho lutfo laphaya.”

¹²⁸ “Kodvwa,” ngatsi, “loNkulunkulu Lowanginika Livi angalidala linye lapho. Ungazindli. Kukholwe nje. Unganaki lutfo ekuzindleni lokunengi. Loko akuphatselani ngalutfo nako. Kholwa nje loko Lakushito. Nguloko kuphela.”

¹²⁹ Ngangime lapho, ngabuka etulu emagcumeni, ndzawo tonkhe, tjanyana nje bamakharibhowu lobumtfubi; lilanga lishona; emagcuma, amahle. Wawungabona noma nguyiphi indzawana lencane nomakuphi, emakhilomitha lasihlanu etulu entsaben, ngenhla nje kwami. Futsi ngesikhatsi ngigucuka kutsi ngibuke, cishe emakhilomitha lamatsatfu ngaphambi kwami, noma likhilomitha nehhafu kanye nelikhilomitha, noma emakhilomitha lamatatfu, kwakume lelimphunga lelinembala

losasiliva lelingemafidi layimfica. Kutsi lefika kanjani lapho, angati. Kodvwa lalilapho. Niyabona na?

¹³⁰ Ungazindli. Kholwa. Akunandzaba kutsi-timo tini, unganaki timo. Kholwa.

Manje Nkulunkulu watsi, “Mhla—mhla usidla, ngalelolanga niyafa.”

¹³¹ Sathane watsi, “Ake ngikutjеле intfo letsite, uyabona. Manje, Loko, loko yi...O, ya, sitsi Nkulunkulu ucinisile. Impela. Kunjalo. Siyalikholwa leloLivi. O,” Sathane watsi, “Ngiyakukholwa Loko, impel’impela. Kodvwa, lalela, ake ngikutjеле, Bekangakacondzi kona empeleni Loko.”

Bekacondze Loko. Bekacondze loko nje Lakusho.

¹³² Sathane watsi, “Manje, buka, ngitokutjela kutsi kungani Akwenta. Yena beka...Uyabona, awu—awu—awukahlakaniphi, kwamanje. Awunako kuhlakanipha. Uyabona na? Ufana nemvu nje, kutsi uholwe. Awukatimeli ngesingawe.” Nguleyondlela Nkulunkulu lakufuna ngayo. “Awukaze...Awuna Ph.D., kwamanje. A—a—awunayo nje imfundivo leyenele. Uyabona na? Kodvwa mine nginekuhlakanipha. Ngitokufakazela kuwe. Manje, buka, awati kutsi ngukuphi lokungiko nalokungesiko. Uyati kuhkona intfo lenjalo, kodvwa awati kutsi iyini. Ake ngikukhombise kutsi yentiwa kanjani.” Nguloko kuphela lebekafuna kukutjela lowo wesifazane. Nguloko kuphela lebekafuna kukwenta. “Ake ngikukhombise kutsi yentiwa kanjani.”

Watsi, “Kodvwa sitakufa.”

¹³³ Watsi, “Impela Nkulunkulu angeke akwente loko. Kodvwa Uyati kutsi uyohlakanipha nawe.” Niyabona na?

¹³⁴ Abeka kuhlakanipha kwakhe kumelane neLivi laNkulunkulu. Nako ke lokuhlakanipha lengikhuluma ngako. Niyabona na? Kuhlakanipha lokumelene nekukholwa, kubhekene nekukholwa. Nayko ke imphi yekucala. NeLivi laNkulunkulu labambelela lathula futsi laba ngulelicinisile. Ngesikhatsi bahlanganyaela kulokwencatjelwe, bafa; futsi banako, kusukela lapho. Niyabona na? Ngulapho, kwafakazeleka khona lapho, ngale kwsitfunti sekungabata.

¹³⁵ Manje sitokuhambisa sikhashanyana. Manje, benginaGenesisi 3:1, 17, futsi manje...noma 1 kuya kule 7, njalo, futsi manje, manje, lapho kuhlakanipha kunemizindlo. Bangakhi lokukholwako loko manje na? Tsanini, “Amen.” [Libandla litsi, “Amen.”—Umhl.] Niyabona na? Nitsi manje...

¹³⁶ Bodokotela batsi, “Yebo-ke, ngitokutjela.” Manje buka, tsatsa lona wesifazane lomncane lengisandza kuniketa bufakazi bakhe. Dokotela utsi, “Akukho longakwenta. Awusekho. Akusekho matsemba ngawe. Chubekela esibhedlela salabagula ngengcondvo. Myiseni lapho.”

¹³⁷ Watsi, “Ngingakeweleti lapho kulelinye lalawomagunjana, ngitotibulala.”

¹³⁸ Kwase kwentekani-ke? Nkulunkulu wefika enkhundleni. Nangesikhango sakhe, ndzawanatsite ephepheni ngale le eKansas, eBloomington, e-Illinois, weva. “Kukholwa kuta ngekuva.” Niyabona na? Yebo-ke, umyeni wakhe wamletsa naye. Bebatitsandzani sibili, batsandzana.

¹³⁹ Cabangani. Iminyaka lemire, nekuhlindvwa lokukhulu lokune; letilishumi nesihlanu, ticedza tinhlungu letilishumi nesitfupha. Loko kwenele kubulala losatokufa. Niyabona na? Nayonkhe leyomijovo, kabili noma katsatfu ngeliviki. Futsi ngiyati lomunye wayo kwakuyiLexron, futsi ngiyakhohlwa kutsi lomunye wawuyini. Kwakuyintfo letsite yesimo sekugula ngengcondvo. Bekajova lemijovo, futsi, ngaphandle kwaloko, emaphilisi lamabili ekulala. Futsi angakhoni ngisho nekulala, ngaloko. Alusizi, agula imini yonkhe, busuku bonkhe, umnyaka nemnyaka. Akukho lokwakungentiwa.

Kodvwa, “Kukholwa kuta ngekuva.” Niyabona na?

¹⁴⁰ Manje, uma efika lapho, Nkulunkulu wambeka ngembili, anguwekucala. Niyabona na? Futsi kuloko loku... Ngani, ini? Ngesikhatsi ngenyukela kuye, ngase ngitsi, “Sawubona, dzadze?” “Sawubona?” Akazange sekeve lutfo ngaloku. Akati lutfo ngako. Kodvwa ngatsi, “Ungu Nkkt. S’bani-bani. Uvela eKansas.”

¹⁴¹ Manje, ngekushesha, loko ku—kuyamcabangisa. “Awume kancane. Ngimvile nje asho lowesilisa, kutsi, ‘Khristu bekanguye itolo, namuhla, naphakadze. Futsi lapha sifakazile, eBhayibhelini, kusihlwa, kutsi Khristu wetsembisa kubonakala ngetinsuku tekugcina, eBandleni laKhe, netintfo labatenta entasi eSodoma, nakanjalonjalo,’ lapho ashumayela ngako.” Lokuyinshumayelo yami yekuvula. “Ngoba, manje, lapha ngiyakubona kwenteka, khona lapha.” Niyabona na? “Manje, yebo.”

¹⁴² “Manje, uke waba kubodokotela labanengana. Ube nekuhlindvwa lokune.”

¹⁴³ “Ulutfolaphi lololwati na? Kuvelaphi loko na? Leyo lencane, indvodza lenemphandla ayikwati loko. Kuvelaphi na?”

“Futsi endleleni yakho uta ngalapha, intfo *lenje-kanje*.”

¹⁴⁴ “Awusho!” Niyabona na? “Manje, nguloko impela nje lasandza kucedza kushumayela ngako. Lelo Livi.”

¹⁴⁵ Kodvwa, uyati, Sathane watsi, “Uyati, wemukela loko, umelusi wakho...” Loko akukaphatselani ngalutfo nako. Niyabona na? Lahla imizindlo. Niyabona na? “Kodvwa dokotela wakho watsi utofanele uye esibhedlela salabagula ngengcondvo.” Lahla imizindlo.

¹⁴⁶ “Ngilindze kubona kutsi Nkulunkulu utotsini ngako.” Niyabona na? Wase-ke Nkulunkulu... Angatanga kutsi ngitsini. Kwasekutsi-ke uMoya wakubamba wase uyakuchumisa kuyaphuma.

¹⁴⁷ Wakukholwa. Akazange azindle, “Umnyaka nemnyaka, nemnyaka, kuguliswa yimizwa, umcondvo ungasekho, kuhlindvwa lokunengi nayoyonkhe intfo, tonkhe letintfo leti; ngani, akunamcondvo, kucabanga kutsi bengingaphiliswa lapha, ngemzuzwana.” Kodvwa akacabanganga ngemizindlo. Wavele wakholwa nje. Kukholwa kwakwenta, futsi waphiliswa, ngaso lesosikhatsi.

¹⁴⁸ Ungatsanza kumbhalela, ngani, Billy angakunika likheli lakhe. Kunjalo, manje. Manje, fa-....

¹⁴⁹ Kuhlakanipha kuyozindla. Manje... Kodvwa kukholwa akunamzindlo. Akwenti lutfo kodvwa kubambelela eVini. Kubamba setsembiso.

¹⁵⁰ Manje asifundze kancanyana. Asivule kubaseRoma, sahluko se 4, futsi sifundze kancane nje. Futsi kuze kutsi sitfole kuncintwa impela kwesikhatsi, sitofundza lemiBhalo nje, baseRoma, sahluko 4. Ngoba, ngikutsanza impela kufundza Livi. Kuyakusita ku-kuLifundza. BaseRoma, sahluko se 4, futsi asicale ngelivesi le 17. Lalelani.

¹⁵¹ Pawula, abhala umlandvo ngemphilo ya-Abrahama, niyati, akukho lutfo lolushiwo nga-Abrahama abalekela entasi eGerari, futsi akukho lutfo emlandvweni, niyati. Kutsi nje, “Abrahama wamkholwa Nkulunkulu,” Pawula, lowomphostoli lomkhulu, abhala umlandvo nga-Abrahama.

¹⁵² Livesi le 17, “Njengoba kubhaliwe...” Ngiyakutsanza loko: Pawula, ahlala neLivi.

(Njengoba kubhaliwe kutsi, Ngikumisile ubenguyise wetive letinengi,...)

¹⁵³ “Ngikwentile” Abrahama bekaneminyaka lengemashumi lasikhombisa nesihlanu budzala. Wahlala nemkakhe kusukela ase... bobabili bebasebasha. Kwakungudzadzewabo langatalwa naye. Bete bantfwana; bekangatali yena nalowesifazane bekayinyumba. Kodvwa Nkulunkulu wahlangana naye wase utsi, “Ngikwentile,” sikhatsi lesendlulile, ngaphambi kwekusekelwa kwemhlabu, kusobala, “ngikwente ube nguyisse wetive letinengi.” Hhayi webantfwana labanengi, kodvwa tive letinengi. Kucabangeni nje.

...phambi kwalowo lakhola wa nguye, Nkulunkulu, ngisho Nkulunkulu, yena lophilisa labafile, nalobita letotintfo letingekho ngekungatsi tikhona.

¹⁵⁴ Ungazindli, nhlobo. Lalela.

...bita letotintfo lebetingekho ngekungatsi tikhona.

Lowatsi kungekho tsema . . .

¹⁵⁵ Hhe! “Kungekho ngisho nelitsema.” Kube bekazindlile ke? “Kungekho ngisho nelitsema.”

*Lowatsi kungekho tsema wakholwa ngelitsema,
kute abe nguyise wetive letinengi; njengaloko
lokwashiwo, Iyoba njalo ke intalo yakho.*

¹⁵⁶ Akunandzaba kutsi intfo lenye letsite itsiwani. “Nkulunkulu washo njalo, naloko kuyakucatulula.” O, kube Eva kuphela bekahleli naloko! Niyabona na? Kodvwa wema, kutsi azindle, atfole kuhlakanipha lokutsite. Abrahama bekangafuni kuhlakanipha. Wafuna Livi nje. “Nkulunkulu washo njalo, naloko kuyakucedza.”

¹⁵⁷ Niyati, ngishumayelile ngako, sikhatsi lesiningi. Bahamba futsi batsenga konkhe kwemanabukeni netipeneti, nayo yonkhe intfo, balungiselela luswane, naSara wenta emabhudzanyana. Futsi kwendlula umnyaka nemnyaka. “Akabusiswe Nkulunkulu, sitoba nalo, nomakanjani. Kunjalo.”

¹⁵⁸ “Ngani, lowesifazane,” dokotela bekayotsi, “yebo-ke, angeke abe nalo. Ungeke ube nalo.”

“Futsi ungangitjeli. Sitoba nalo, nomakanjani. Nguloko-ke.”

¹⁵⁹ “Kungekho tsema, noko wakholwa ngelitsema.” Ematsema alisekho lonkhe, noko wakholwa ngalo ngesikhatsi litsema lase livele lifile, kuye. Litsema lase lifile kulolonkhe lucwaningo lwesayensi, onkhe emasu ekuhlakanipha. Litsema lalingasekho, kodvwa bekasolo nje akholelwu kulo. Kwakuyini na? Kukholwa kulo; kukholwa ngelitsema ngesikhatsi litsema lalingekho lapho. Huh! Ngingatsanza kulibala kuloko sikhashana. Kukholwa ngelitsema ngesikhatsi kwakungekho tsema lapho, noko bekasasolo akholwa ngelitsema. Niyabona na? Ngoba, watsi, “Wangitjela, ‘Titoba-njalo ke netintalo.’”

¹⁶⁰ Manje, livesi le 19. “Angabanga butsakatsaka ekukholweni, (ha, nako laph’ukhona), akanakanga umtimba wakhe lose ufile manje, . . .

¹⁶¹ Litsema lalingasekho. Umtimba wakhe wase ufile. Lalelani, lelilandzelako.

...ngesikhatsi sekaneminyaka lengaba likhulu budzala, kanjalo . . . kufa kwesibeletfo saSara sifile:

¹⁶² Litsema lase lifile. Umtimba wakhe wase ufile. Sibeletfo saSara sasesifile. Wentani na? Livesi lelilandzelako, “Akayanga lena nalena.” O, hhe!

Akayanga lena nalena ngesetsembiso saNkulunkulu ngekungakholwa (kuhlakanipha); *kodvwa wacina ekukholweni, anika Nkulunkulu ludvumo;*

¹⁶³ O, hhe! Ini?

Futsi Acinisekile kutsi, loko lakwetsembisile, bekangakhona futsi kukwenta.

¹⁶⁴ Hum! Akunandzaba kutsi kanjani, akukho mzindlo kuko, nhlobo. Utsatsa nje le—leLivi nje bese ubambelela kuLo. Manje, uma *leli* liLivi laNkulunkulu, niyaLikhholwa na? [Libandla litsi, “Amen.”—Umhl.] Pho nilingabatelani noma nguliphi Livi laLo, noma ngusiphi setsembiso saLo na? [“Amen.”] Ningasho kanjani kutsi *Leli* yinceny, na*Leli* alikalungi; na*Leli* lingulelo, nicuphe lenikufunako na? Ningke nakwenta. Kusekhatsi kwekutsi lilungile lonkhe noma akukho nakunye kwaLo lokulungile. Kunjalo. Ngako, utsi ungabona nje kutsi LiliCiniso, Libambe. UngaLiyekeli, akunandzaba kutsi timo tini, kutsi batama kanjani kuzindla, “Ngani, ungeke.” Ungakwenti, ungakwenti loko, nhlobo. Hlala naLo ngco. Nkulunkulu waletsembisa.

¹⁶⁵ Uma ngihamba manje kutsi ngitsatse sincumo sami sekumela Khristu, futsi Ungiphe Moya loyiNgcwele, Moya waKhe ufakazelana nekuPhila kwaKhe kimi. Bese-ke uma sengifika ekutsemi ngife, Sathane utama, kutsi atsi, “Manje, uyabona, bungekho enhlanganweni.” Hlala neLivi ngco. “Awukakwenti *loku*. Awukakwenti *loko*.” Akunandzaba kutsi *ini, loko*, Sathane akanamzindlo ngaLo. LiLivi laNkulunkulu. Hlala neLivi. Niyabona na? Lilahla yonkhe imizindlo. Niyabona na? Awunawo nomamuphi umzindlo; ubambelela eVini nje. Niyabona na?

¹⁶⁶ Manje, kukholwa kwetsembela kalula nje eVini laKhe. Niyabona na? Nguloko Lebekafuna bakwente. Loko—loko, manje, nitfola sendlalelo manje. Nguloko kanye Nkulunkulu lebekafuna sive lesibantfu sikhente: kutsi setsembele kulo lonkhe Livi Lalisho.

¹⁶⁷ Na-Eva wetsempa incumbi lenengi yaLo. Kodvwa intfo yinye lencane layemukela, “Yebo-ke, uma ngiba ngulogcwle kuhlakanipha, mhlawumbe—mhlawumbe kwakungaleyondlela. Mhlawumbe kufanele kube ngalendlela.” Niyabona na? Ngakoke khona lapho kulapho la alahla khona kubambelela kwakhe. Ngulapho la acala kucwila khona, khona lapho nje. Ngulapho sonkhe sive lesibantfu sehlela khona ngco ethuneni, kusukela khona lapho, ngoba wangabata Livi linye nje.

¹⁶⁸ Labanye babo batsi, “Yebo-ke, ngiyakholwa kutsi *Leli* licinisile. Ngiyakholwa kutsi *Lelo* licinisile. Ngiyakholwa kutsi Nkulunkulu angasindzisa, kodvwa angikhholwa kutsi Uyaphilisa. Ngiyamkhholwa Moya loNgcwele, impela, wehla ngeluSuku IwePhentekhosti, kodvwa akukho ndzawo

lapho kukhona noma yini lets Moya loNgcwele wehla, emvakwePhentekhosti.”

¹⁶⁹ O, mnaketfu! Nguleyondlela labakusho ngayo; batibita ngemabandla aKhristu. Niyabona na? “Banesimo sekumesaba Nkulunkulu, kepha baphika Livi kuko.” Huh! Uh-huh! Nguloko-ke. Niyabona na?

¹⁷⁰ Ufanele ukholwe. Ungazindli. Kholwa. Ungatami kuba nekuhlakanipha. Kholwa Livi nje.

¹⁷¹ Kuhlakanipha kutama kuzindla nekwetfula indlela lencono. Manje, nguloko kanye nje Sathane lakutjela Eva. “Manje, angeke uez ufe. Impela ungeke, ngoba Nkulunkulu unguNkulunkulu lolungile.”

¹⁷² UnguNkulunkulu lolungile. Nendlela kuphela lengingaMetsema ngayo, kuba nguNkulunkulu lolungile, kutsi Uyoohlala neLivi laKhe.

¹⁷³ Ungangilindzela kanjani kutsi ngibe neliciniso ngibe ngingenalo liciniso na? Uma ngikutjela intfo yinye, ngente lenye intfo, livi lami litsite kuba ngulelicekako. Niyabona na?

¹⁷⁴ Noko, lokuMenta abe nguNkulunkulu lolungile, kungoba Wakhulumia Livi, futsi sifanele siphile ngaleloLivi. “Umuntu ngeke aphile ngesinkwa sodvwa, kodvwa ngalolonkhe Livi laNkulunkulu, lelipuma emlonyeni waNkulunkulu.” Ngakoke, Nkulunkulu utofanele ahlale naleloLivi. Nguloko lokuMenta Nkulunkulu lolungile.

¹⁷⁵ Manje, uma Atsi, “Yebo-ke, Ngitobayekela batendlulele naloku. Mine, Ngitobayekela bente *loku*. Yebo-ke, *loko* kulungile. O, Mine, Ngito—Ngitoya *ngalapha*,” ngani, Ungulongenamgogodla, niyabona; Akasuye Nkulunkulu; UNGU—Ungumuntfu phaca nje. Niyabona na? Kodvwa, kuba nguNkulunkulu lolungile, Utوفanele ahlale neLivi laKhe. Loko kubeka wonkh’umntfwana...Uma Atoyekela *lona* aphinge, *lona* lomunye anatse kancane, na—*nalona* lomunye angenta emanga kancane, *lona* lomunye angeba kancane, nalona lomunye angenta—angenta *loku*; bese-ke ungenta ngivume kulandzela nje, kutsi ngingene na?

¹⁷⁶ Unendlala yinye, futsi wonkhe longenako ungena ngalelosango. “Lisango lincane, nendlala yincane. Akukho kungcola lokuyongena kulo.” Ngale eSambulweni, watsi, “Wonkhe longaphandle batsakatsi, tingwadla, netinja, nakanjalonjalo.” “Nibusisiwe nine lenenta yonkhe imiyalo yaKhe, kute abe nelilungelo eSihlahleni sekuPhila.” Kunjalo. Yinye indlela, leyo yaNkulunkulu.

¹⁷⁷ Asikuzindli, ayikho lenye indlela. Yebo-ke, libandla lemaRoma litsi, “Ngitsi liBandla. Lelo—leloBhayibheli alikafaneli ngisho neku... Ngani, ngani, Lona, bewungeke...” UmBhishobhi Sheen watsi, “Kutama kuphila ngaLo, kwakufana

nekuhamba udzabula emantini laneludzaka.” Niyabona na? Niyabona na? Utokwenta kanjani loko na? Niyabona na? Ngako-ke, uma acinisile, khonake liBhayibheli lineliphutsa. LiBhayibheli licinisile; yena uneliphutsa. Manje utotsini na? Uma Livi laNkulunkulu licinisile, kusekhatsi kwekutsi ngumBhishobhi Sheen noma—noma liBhayibheli. Akusuye kuphela umBhishobhi Sheen, kodvwa uMfund. *S'bani-bani*, naDkt. *S'bani-bani*, na*S'bani-bani*. Bengingeke ngilibite ligama lendvodza, ngaphandle uma yakusho emsakatweni. Ngako, yakusho kwaphumela emsakatweni, ngako ngiyacabanga ngingalibita ligama layo. Dkt. *S'bani-bani* na*S'bani-bani*, washo *kutsi-nekutsi* nekutsi-nekutsi. Manje ngubani lotomkholwa, nguNkulunkulu noma bona?

¹⁷⁸ “Yebo-ke,” utsi, “Alikuchazi kahle kahle ngaLendlela.” Likuchaza ngayo nje lendlela leLibhalwe ngayo.

¹⁷⁹ Yebo-ke, lawo ngemanga ekucala adeveli. Watsi ku-Eva, “Alichazi kona nje empeleni *loko*. Impela Nkulunkulu ulunge kakhulu kutsi angenta loko. Awunakufa.” Kodvwa bafa. Futsi batokuфа, ngaso sonkhe sikhatsi. Ufanele uhangabetane neLivi!

¹⁸⁰ Kuhlakanipha kutama kutsatsa i—indlela lencono, indlela yesimanje, indlela yekutsandvwa bantfu, i...indlela lelula kakhulu, kutitfolela yona ngalapha.

¹⁸¹ Njengamanje, utsatsa umfo lapha, mhlawumbe Nkulunkulu uyahamba ayosebentana naye. Manje, ucabanga kutsi utofanele akhuphuke. Utofanele ente umkakhe ete kahle emgceni. Utofanele ayekele emaphathi akhe emakhadi. Utofanele ayekele kuya emidansweni. Umkkakhe utofanele ayekele tinwele takhe tikhule. Utofanele ayekele kupenda buso. Utofanele ayekele kubhema, kunatsa. Utofanele aphume kuleyonhlangano lenkhulu lakuyo. Utofanele atifobe e-altari. Utofanele eme futsi abitwe ngeluhlanya, umgiciki longcwele, Belzebule, noma yini lengabitwa. “Ngitoba ngulokholwako, kodvwa ngitokwehlela *lapha*, ngijoyine lelibandla entasi *lapha*. Umncane kakhulu.” Nako laph’ukhona. Niyabona na? Nako ke kuzindla, kuzindla.

¹⁸² Manje sitofinyelela ephuzwini lelikhulu, emizuzwini lembalwa, ngaloko. Niyabona na? Utokwati kanjani kutsi ngukuphi lokulungile nalokungakalungi, ke? Niyabona na?

¹⁸³ Manje, kutama kwenta Livi lisho intfo letsite, kwati kuyakwenta. Kwati, kuhlakanipha, kutama ku—kuzindla. Kuhlakanipha kutfola indlela lencono. Ayikho lenye indlela ngaphandle kwendlela yaNkulunkulu. Kuhlakanipha kutama kukhomba, kutsi, “O, yebo-ke, manje, uyati, besingeke sikkwente loko kulesikhatsi *lesi*.” Sifanele sikkwente, nomakanjani. Niyabona na? Kutama kutfola indlela lelula kakhulu. Kutama kwenta liBhayibheli lisho tintfo leLingatisho.

Manje wena utsi, “O, Mnaketfu Branham, manje u...”

¹⁸⁴ Awulindze sikhashana nje. Sitobuyela embewini futsi. Kwakuyini develi lebekatama kuyenta ngekuhlakanipha na? Wenta Livi laNkulunkulu lisho intfo letsite leLingayishongo. Kunjalo. Wetama kwenta Livi laNkulunkulu lisho intfo letsite leLingayishongo. Ngako kungaleyondlela lokuta ngayo namuhla, uma betama kwenta Livi laNkulunkulu lisho intfo letsite leLingayisho.

¹⁸⁵ Yebo-ke, batsi, “Yebo-ke, ngitokutjela, Mnaketfu Branham, awunayo inchazelo lekahle.”

¹⁸⁶ LiBhayibheli lasho, kutsi, “Siprofetho lesinganalihumusho langansense.” Ngani na? Kungani singenalihumusho langansense na? Ngani na? “Livi leNkhosi leta kubaprofethi.” Lihumushwa ngumprofethi. Lingek laba ngulelihumusho, ngansense. Baprofethi sebavele banihumushele Lona. Nako ke, kubhalwe khona Lapho. Nguleyondlela lokufanele kube ngayo.

¹⁸⁷ Nkulunkulu utofanele abe nalenye intfo letsite lecavile bonkhe bantfu lotofanele ehluelewe ngayo.

¹⁸⁸ Uma kungelibandla, nguliphi lona lelicinisile na? Cishe emakhulu layimfica awo, tinhlangano letingemakhulu layimfica letehlukene. [UMnaketfu Branham uyakhwehlela—Umhl.] Ngiyacolisa. Ngulona liphi lawo lelicinisile na? Wati kanjani kutsi uyangena na? Uma-ke uyiMethodisti, neBaptisti icinisile na? Kube ke bewuyiPhentekhostali, emaPresbyterian acinisile na? Kube-ke uyiKhatolika, nemaLuthela acinisile na? Kube-ke uyiLuthela, nemaKhatolika acinisile na? Niyabona na?

¹⁸⁹ Kutofanele kube nesisekelo lesitsite ndzawanatsite. Ngako uma Livi . . .

¹⁹⁰ “Ekucaleni bekakhona Livi, naLivi bekakuNkulunkulu, naLivi bekanguNkulunkulu.” Niyabona na? Livi lalikuNkulunkulu. LalinguNkulunkulu. Laliyimicabango yaKhe lowawukuYe, njalonjalo Lapho. Imicabango yaNkulunkulu uPhakadze njengoba Nkulunkulu anjalo. Amen. Lolo akusilo lubisi loselwengulwe lulata, mnaketfu. Niyabona na? Naku kufika. “Imicabango yaNkulunkulu wawuLivi laKhe, ekucaleni,” loko kutsi, “eliPhakadzeni,” manje, ngesikhatsi “kucala” kucala kucala, sikhatsi. “Ekucaleni bekakhona Livi, imicabango yaNkulunkulu, Livi bekakuNkulunkulu, naLivi bekanguNkulunkulu.” Niyabona na? Imicabango yaKhe nguloko Lebekangiko.

¹⁹¹ Lowo nguwe, nawe. Loko imicabango yakho lengiko nguloko longiko. Akunandzaba kutsi yini lotama kuyiphila, ngalenye intfo letsite, imicabango yakho nguloko longiko. Ungahle uhambisane, utiphatsise kwemfo lokahle, kodyvwa enhlitiyweni yakho usiphingikati nanoma yini. Nguloko longiko, imicabango yakho.

¹⁹² Nemicabango yaNkulunkulu wawuLivi laKhe lelalinaYe futsi likuYe, futsi LalinguNkulunkulu. “Ekucaleni bekakhona Livi, naLivi bekakuNkulunkulu, naLivi bekanguNkulunkulu. NalowoLivi waba yinyama.” Imicabango yaNkulunkulu wevakaliswa emtimbeni wemuntfu, “Waba yinyama, wakha emkhatsini wetfu.” Nako laph’ukhona.

¹⁹³ Manje, uma unekuPhila lokuPhakadze namuhla, ukuNkulunkulu. NgebuNguye baNkulunkulu bukuwe, ungumcabango waNkulunkulu lovakalisiwe. Whuu! Ngakoke, ungalaleli kunoma ngimiphi imizindlo, funa umchele wakho utsatfwe, unikwe lomunye. Ungatsatsi noma ngimiphi imizindlo, nhlobo. Kholwa nje loko Nkulunkulu latsi kuliCiniso, futsi uhlale naLo.

¹⁹⁴ Imizindlo, ngekuhlakanipha, kutama kwenta Livi lisho intfo letsite leLingayisho.

Manje wena utsi, “Liciniso lelo, Mnaketfu Branham na?”

¹⁹⁵ Yebo-ke, asesibuyeleva emuva nje kuGenesisi bese siyatfola. Asiye kuGenesisi, sahluko 3 saGenesisi, futsi sitofundza li—li—livesi le 4, sibone uma—uma kuhlakanipha kutama kwenta Livi lisho intfo letsite leLingesyo. Sahluko se 3 saGenesisi, livesi le 4.

Futsi inyoka yatsi kuwesifazane, Ningke nize nife:

¹⁹⁶ Niyabona kutsi yetfulani na? Kuyini na? Itama kwenta Livi lisho intfo letsite leLingayisho. Niyabona na?

Nkulunkulu watsi, “Nitawufa.”

¹⁹⁷ Kuhlakanipha, njengoba Sathane bekakwetfula kuye, watsi, “Angeke nize nife.” Niyabona na? Kutama kwenta Livi lisho intfo letsite, kutsi, “Alinjalo.”

¹⁹⁸ Kunguloko-ke kuhlakanipha namuhla. O, mnaketfu, besingahlala kanjani kuloko! Emasemina, tikolwa tesayensi yetenkholo, leso ngiso kanye nje sidlike sabo. Loko yimishoshaphansi yabo, utama kwenta Livi laNkulunkulu lisho intfo letsite leLingayisho.

¹⁹⁹ Ngiphonsela insayeya nomangubani kutsi angikhombise Sivumokholo sebaPhostoli eBhayibhelini. Ngiphonsela insayeya noma ngubani kutsi angikhombise “budlelwane balabangcwele nalabafa” eBhayibhelini. Bobabili iPhrothestane, iKhatolika bayakukholwa. Nginiphonsela insayeya kutsi ningikhombise noma nguyiphi yaletotintfo, eBhayibhelini. Niyabona na? Yimishoshaphansi yekuhlakanipha itama kuzindla.

²⁰⁰ “Kulwa kwetfu akusiko kwenyama, kodywa kwemandla, silahla yonkhe imizindlo, niyabona, sidzilita tincaba taSathane.” Leso lesikhulu, lesihlotjisiwe, sidalwa lesihle! Hhayi sidlova lesisile; cha, cha, loko kungekhatsi. Kodvwa, ngekwangephandle, sono sibukeka sisihle ngalokuphindhvwe kibili. Niyati, sono sihle.

²⁰¹ Bangakhi besilisa ekhatsi lapha, nebesifazane, losendlulile eminyakeni lengemashumi lasihlanu budzala na? Phakamisani tandla tenu. Angikaze... Bengingakafaneli ngibute besifazane. Kodvwa ngi... Sonkhe siyalivuma liciniso. Ngifuna kunibuta umbuto. Niyabona namuhla kutsi besifazane babukeka kahle ngalokuphindvwe kabili, cishe, kunaloko bebavamise kuba ngiko, ekuhambeni, ngekwesilinganiso emhlabeni wonkhe na? Uma loko kunjalo, phakamisa sandla sakho. Impela. Babukeka kahle ngalokuphindvwe kabili kunaloko lebebavamise kuba ngiko.

²⁰² Tfola letinye titfombe letindzala. Buka gogo; tiketi takhe letindze; umchino wetinwele wehle wayoshaya emhlane wakhe. Bekangakhangi kangako kutsi ungambuka.

²⁰³ Buka wesimanje namuhla. Ingubo lencane lempintje sikhumba kwehla, loko, sonkhe simo, angeke anyakate ngaphandle kwekutsi one. Ahamba, acothoza ehla ngesitaladi, nako konkhe kupenda buso netimonyo Max Factor langatibeka kuye, cishe. Alungisa tinwele takhe njengentfombatanyana letsite. Agcoke siketi lesincane sisetulu nje, cishe, ngetulu kwemadvolo akhe, uma sikhona lake wasifaka, nhlobo. Kodvwa, mbuke, uyabukeka. Sathane uyati kutsi kwentiwa kanjani. Ungumcalisi webuhle, lolohlobo lwebuhle loluphetsela esonweni.

²⁰⁴ Umhlabu, cobo lwawo, usibeletfo. Watibekaphi Nkulunkulu timbewu taKhe na? Tibekwaphi timbewu na? Esibeletfweni. Nkulunkulu wabeka timbewu. Futsi yentani indvodza na? Njengabodeveli, esibeletfweni, uyokwenta umntfwana akhubateke uma angakhona. Nguloko bodeveli lakwentile emhlabeni, abhastelisa, enta tidalwa, akunjalo. Kuncono ngikushiye kanjalo kwaloko; angeke ngize ngifike kuko konkhe kwaloku lapha, lengikubhale phansi. Niyati kutsi ngichaza kutsini. Kungalesosizatfu kunendalo lekhubatekile leseyitolahlwa. Nkulunkulu sewucedzile ngayo. Umhlabu wonkhe uphumile eluhlelweni. Yonkhe intfo ayikalungi. Imifudlana yonakele. Umoya wonakele. Manyala! Kuyanuka!

²⁰⁵ LiNdiya lelidzala, kungesiko kadzeni, latsi, "Mlungu, angisafuni kuphila sikhatsi lesidze. Sengicedzile ngekulwa." Latsi, "Tiphi tinswane tami na? Ngabe tibulawa yindlala na? Uphi umkami na?" Latsi, "Ungakafiki lapha nebesifazane bakho nenkantini, nesonu, sasihlala ngekuthula. Yimihlabu yetfu. Nkulunkulu usinika wona, kodywa niyasemuka wona. Niyobhadala ngawo, ngalelinye lilanga."

²⁰⁶ Kubukeni, namuhla. Leto letinkhulu, tingwadvule letibukekako netintsaba tisakatwe ngekunuka, sono, emabhodlela enkantini, tikotela tabhiya. Yonkhe indzawo igcweli tindzawo tekunatsela nembhedvo. IReno, iNevada, lologwadvule lolukhulu ngaley, alusilutfo ngaphandle

kwebugwadla. Emadolobha lamakhulu ajalo, sekuze kwatsi ngisho nemoya nesimo sendzawo sesonakalisiwe. Lapho kwake kwamila khona tintsaba letinkhulu letibukekako, manje sekuncanyulwe ngato tonkhe tinhlobo tayo yonkhe lenye intfo. Lapho tihlahla tatimile khona, tiyagawulwa. Lapho tingwadvule, emanti bekageleta ngekukhululeka, sekonakalisiwe. Live lonkhe litoba ne—nekusakateka. Umhlabu utotala umntfwana wawo embewini. Bewusolo uphendvuketelwe, bodeveli bawudzabula, bawusebenta, impela, uyi—yindalo lephendvuketelwe. Nkulunkulu utowulahla bese uphindze ucalela phansi futsi. Kunjalo.

²⁰⁷ Kwavela kukuphi na? Umuntfu munye akholwa kunye lokuncane... angawukholwa munye umusho lomncane weLivi laNkulunkulu.

²⁰⁸ Umhlabu wonkhe uyabubula. LiBhayibheli liyasho, kutsi, “Ngisho nemvelo cobo lwayo ibubulela lolosuku lwekukhululwa, ilindzele kwembulwa kwemadvodzana aNkulunkulu.” Tihlahla tiyalwa, ngaloku lite. Timbali titama kukhanyisa indlela ye.... Kodvwa, tiyabubula futsi tiyakhala, futsi tiyati kutsi kukhona lokungakalungi. Lokuphendvuketelwe! Sibeletfo ngeke sivete loko kuphelela, ngoba siphendvuketelwe. Umhlabatsi uyanuka. Ubhukushe ngengati lengenacala. Une... Unjenge...

²⁰⁹ Bengingasho intfo letsite, beyingahle inganabitseki kakhulu. I—i—ianuka. Nkulunkulu watsi, “Iyanuka,” phambi kwaKhe, ingcole kakhulu. Hamba ungene endlini yekutikhulula, imichamo, futsi nje kuyanuka, konakalisiwe. Nguloko impela live lelinuka kona, futsi, njengaNkulunkulu alinukisa. Kungcola, yonkhe lentfo ingcolile.

²¹⁰ Nkulunkulu uyolichumisa libe ticucu. “Ngiyodala emazulu lamasha nemhlabu,” Washo. Yebo, mnumzane.

²¹¹ Kuyini na? Sibeletfo sawo asikasitali sikhatsi seminyaka leyiNkhulungwane. Utele intfo lephendvuketelwe. Ngani na? Utama kuba kuhlakanipha.

²¹² Anginalutfo lolumelene neFlorida. Angikacondzi loku kini bantfu baseFlorida. Kodvwa ngesikhatsi ngincamula futsi ngayongena eFlorida kwekucala, ngase ngibuyuela emgceni waseGeorgia lapho, Ngema khona lapho ngase ngitsi, “Njengesakhamuti saseMerica, nginikela incenyne yami ibuye kumaSeminoles lapho kukwakhona.” Ngani, awanakekela kancono emageke awo kunaloko lengikwenta tinwele tami, yonkhe intfo icijiswe kahle. Emasundvu linetibane etikwalo lonkhe. Tikebhe letinkhulu teliseyili letiphambili netintfo, betama kuletsa sikhatsi seminyaka leyiNkhulungwane ngaphandle kwekuphendvuka. Kimi, sicuku selite nje.

²¹³ Lokunye lokuphindvwe kasigidzi, ngingamane ngicance eBritish Columbia, ngiye esicongweni seligcuma, bese-ke

ngibuka ngesheya kwetintsaba Nkulunkulu latidala, netandla temuntfu letingatange tikutsintse. Impela.

²¹⁴ Yani kulamadoloba, emakhaya lamakhulu, loko, loko akungihehi. Ngiyalutondza lolohlobo lwetinfo. Niyabona na?

²¹⁵ Kodvwa ngiyati kutsi ngelusuku lunye, lusuku lunye, kuyoguculwa. Wona uyokhipha umntfwana wakhe lohluphekile. Umhlabu, uyoguculwa, ngelusuku lunye. Okheyi.

²¹⁶ Lukholo lukholwa kutsi kubhaliwe, futsi lutsi, “Livi alinamaphutsa.”

²¹⁷ Nike nabeva bafundisi batsi, “Yebo-ke, ngiyakutjela, li-lihumusho iKing James Version, noma lelihumusho iRevised Version, noma *leli* lapha, nje li—nje litsite kwehluka kancane. Impela, impela lalingakacondzi kona Loko”? Nikuvile loko na? [Libandla litsi, “Yebo.”—Umhl.] O, hhe! Umhlabu wonakaliswe ngiko. Niyabona na? Kodvwa kukholwa akukukholwa loko.

²¹⁸ Kukholwa kuyakholwa, Nkulunkulu longenta mine, angayigcina leyoNcwadzi ngalokuhlelekile kute mine ngiphile ngayo. Uma Nkulunkulu Lowangenta atongehlulela, angeke agcina iNcwadzi yaKhe ngalokuhlelekile, khona-ke UNGU Nkulunkulu lophuye kabi. Nako laph'ukhona. Ngikholwa kutsi lonkhe Livi laLo liliCiniso. Yebo, mnumzane. Kwentani loku, kukholwa loko na? Kuniketa kukholwa indzawo lephelele yekuphumula kuLo. Niyabona na? Ungeke ungalikholwa, kutsi leloLivi licovwe ngako, nomangayiphi indlela. Ufanele uLikholtwe ngendlela nje leLingyo.

²¹⁹ Uma utama kusebentisa kuhlakanipha, kutsi utsi, “Manje buka lapha. Akunamcondvo kutsi Nkulunkulu watsi kwakuyokwenta intfo lenjenga *lena*.” Kodvwa Nkulunkulu bekenta. Niyabona na? Kunjalo. Manje, uma utsi, “Yebo-ke, manje, uma Nkulunkulu enta *loku*, uma Atsatsa imphilo yemuntfu ngoba bekangesuye umLevi, futsi wabeka sandla sakhe etikweMphongolo ngesikhatsi seWutokuwa.” Akunandzaba kutsi bekakangananani, Watsatsa imphilo yakhe ngawo.

²²⁰ Nkulunkulu watsi, “MaLevi nje, odvwa, layotsintsa Lowo.” Wayitsatsa. Nguloko lokwashukumisa Davide, niyati. Niyabona na? UmLevi, kwakungesilutfo kodvwa umLevi bekafanele kutsintsa lowoMphongolo. Futsi naku uMphongolo lapho, ubuyela imvuselelo ngco, namunye ngaphandle kwaloko watama kuphatsta Livi.

²²¹ Loko kuyakhombisa kutsi ngulogcotjiwe waNkulunkulu kuphela lototsintsa leloLivi. Letivumokholo leti nemahlelo awanamsebenti kutsi agange ngaLo. NguMoya loyiNgewe nje lonelilungelo kuleloLivi, futsi kufa kunoma ngubani lomunye kuLitsintsa. Noma, kungakholwa noma ngukuphi kwaLo, noma akufundzise, “Naye uyotsatfwa, sabelo sakhe, siyokhishwa eNcwadzini yekuPhila.” Ningabeki tandla tenu etikwaLo.

Khweshani kuLo. Lalelani. Kholwani nje loko leLikushoko. Ningatsatsi livi lalomunye umuntfu. Tsatsani leLakusho. Hlalani neLivi ngco. Kufa kwenta noma yini lenye kuLo. Manje, ngoba ku...

²²² Kwentani kukholwa na? KuLikholwa ngendlela nje leLingiyo. Nguleyondlela Nkulunkulu laLilondvolote ngayo kusukela phansi emnyakeni, futsi Nali. LiLivi laNkulunkulu, kimi. Nkulunkulu uyakuholonipha loko. Kuniketa kukholwa lokuphelele ebucinisweni baLo.

²²³ Bewungake uke umshade kanjani wesifazane uma leyontfombi beyi—beyi—beyiphume yabaleka futsi yente yonkh' intfo, futsi yaphila ngebugwadla nayo yonkhe lenye intfo letsite na? Futsi—futsi, noko, wahamba wase uyitfola endlini yebugwadla. Aphume, futsi bekayi... Yena utsi, “Yebo-ke, ngito—ngitowetama kuba yi—yintfombatane lencono.” Ungeke waba nekukholwa kulowo wesifazane. Niyabona na? Ungeke wakwenta. Angaba kanjani wesifazane nekukholwa endvodzeni leyente intfo lefanako na? Ungeke nje wakhela kukholwa kwakho lapho. Akukho lutfo longakhela etikwako. Niyabona na? Ungeke wakwenta.

²²⁴ Bewungaphuma kanjani lapha bese utsi, “Nasi sikebhe lesinencumbi yemigodzi kuso, futsi ngitofaka emasaka etjani kuso. Mhlawumbe, mhlawumbe bewuto—bewutovimbela ligagasi, kuwela umfula”? Futsi bengingeke ngifune kutsatsa ishansi ngaso, sibesikhona sinye sihleti lapha kulesakhiwo kahle. Impela.

²²⁵ Kungani siyotsatsa lenye isayensi yetenholo leyentiwe ngumuntfu lenetimbobo konkhe kuyo na? Ifakazelekile kutsi ayikalungi. Niyabona na? Kantsi, *nayi* yinye ihleti lapha, impela leLivi laNkulunkulu, Lowavimbela ligagasi, kusosonkhe siphepho lesimatima nesivunguvungu. Seyibambele ngako konkhe kwetsema lebesingaba nako. Siyohlala njalo sinjalo. Kulungile.

²²⁶ “Emazulu nemhlaba kutawendlula,” kwasho Jesu, “kodywa Livi laMi lingek.” Ngani na? APhakadze. Bekakhona ekucaleni. Uta lapha nje kutovakalisa Livi laNkulunkulu. Bekakuvakalisa kwaNkulunkulu. Nkulunkulu bekaTivakalisa ngeNdvodzana yaKhe.

²²⁷ Leti tonkhe tacala kuGenesisi, sahluko sembewu, futsi besinjalo kusukela kwatsi nhlo. Kusukela kwatsi nhlo, beyisenkhundleni, bekuyintfo lefanako, kulwa emkhatsini wekuhlakanipha nekukholwa, ihlala ilwa njalo. Ngako, kuhlakanipha kwadeveli nekwebantfwana bakhe.

²²⁸ Nike nacaphela na? Nonkhe nitibonile timvu. Nonkhe nitibonile timbuti. Kodvwa, niyati, kukhala kwato totimbili kusondzelene kakhulu, kubita umelusi mbamba kusho umehluko. Beka imbuti lendzala ngephandle lapho, uyiyekele

ikhale, ikhale. Bese-ke uya ngalapha bese ubeka imvu lapho, bese uyiyekele ikhale. Kulalele. Tivakala tifana nje. Kodvwa umelusi mbamba angilibamba lelophimbo.

²²⁹ Jesu watsi, “Timvu taMi tiyalati liPhimbo laMi.” Niyabona na? Tingasho kutsi ngabe yimbuti yini. Yebo-ke, UyiMvu, covo lwaKhe. Uh-huh. Akasuye . . . “Timvu taMi tiyalati liPhimbo laMi. Bafokati ngeke tize tibalandzele.” Yini liPhimbo laKhe na? Nali ke, Livi. Niyabona na? “Timvu tami tiyalati liPhimbo laMi.” Niyabona na?

²³⁰ Angeke tivumele noma ngubani atsi, “O, manje, lapha. Ngiyacoca, liPhimbo laNkulunkulu, nalo. Leli lisho *lōku* lapho.” Kodvwa ngu, niyabona, Sathane. Sitofika kuloko kancanyana nje, nginiphotisele kona loko. Niyabona na?

²³¹ Manje, manje niyabona kutsi Livi-mbewu lingeke lamila kuleso simo sendzawo, ke, yekwati. Loko kunjalo na? [Libandla litsi, “Amen.”—Umhl.] Niyabona na? Kutsi nje kwati kungahlangana nekukholwa, kufa khona lapho.

²³² Eva uyafika wase utsi, “INKhosi Nkulunkulu yatsi: ‘Mhla sidla kuso, ngalelolanga siyafa.’” Wase-ke uyema kutsi abone kutsi bekatotsini.

²³³ Watsi, “Kodvwa, lalela, s’thandwa sami, wena nshwanyana letsandzekako. Uyabona na? Impela Nkulunkulu wakwentela inhoso. Uyati kutsi loko kunjalo. Uyabona, unguwesifazane, wentewa lenhoso lena. Kunguloko-ke. Awukwati manje, kodvwa wentewa lenhoso lena. O, uyinshwanyana letsandzekako, s’thandwa. Uh-huh. Buka letotandlana letinhle. Uyabona na? Ngani, impela utokwenta. Impela.”

“Kodvwa Watsi, uma si—uma sikwentile, besito ‘kufa.’”

²³⁴ Watsi, “Kodvwa, o, ucabanga kutsi lolungle, Babe lonelutsandvo, Nkulunkulu, bekangenta intfo lenjengaley na?” Wentani na? Walalela kuzindla, watsatsa kuhlakanipha kwakhe. Watsi, “Sihlahla, uyajabulisa. Umuntfu angasihawukela.” Futsi watsatseka kuko. Kunjalo impela. Futsi ngesikhatsi enta, kwentekani na? Njengoba bekungenta kunoma ngumuphi wesifazane. Utsi nje ungatsatseka kuso, sicedza khona lapho nje. Kunjalo.

²³⁵ Manje, niyabona, imbewu lebekayibambile lowesifazane, futsi bekatotsi ekugcineni abe ngumake, ngentsandvo yaNkulunkulu, ngeLivi lelikhulunyiwe. Bekatotsi ekugcineni abe ngumake. Kodvwa, akakhonanga kulindza, wahamba wayongena kuloko.

²³⁶ Manje, niyabona, ke, watsi nje angakwenta loko, wemukela kuhlakanipha kanye neLivi, nekuhlakanipha kwakuphambene neLivi . . . Nanicondza, tsanini, “Amen.” [Libandla litsi, “Amen.”—Umhl.] Niyabona na? Uma kuhlakanipha kukanye neLivi, futsi kufakazeleka kutsi kukanye neLivi, neLivi litiveta

Lona lucobo ngentfo lefanako, khona-ke Livi. Kodvwa uma kuhlakanipha kumelene neLivi, futsi kungekho kanye neLivi, kodvwa kutama kutfola intfo letsite yekwengeta kuLo noma ukususe kuLo, kukwadeveli. [“Amen.”]

²³⁷ Netimbewu taMoya loyiNgcwele teliBhayibheli tingekte timile esimeni sendzawo yekuhlakanipha. Loko kubulala onkhe emasemina eveni. Loko kushaya timbobo tiphume ngco ngawo, kuyawaphantjisa, futsi ne—nekwehlulelwu kugeleta kungene. Kunjalo. Kuyakwenta impela, niyabona, ngoba Livi lingeke limile kanye nekuhlakanipha, kuhlakanipha kwelive. Ngeke kukwente.

²³⁸ Eva bekatofanele akholwe Livi njengoba Laniketwa yena. Ngabe kunjalo na? [Libandla litsi, “Amen.”—Umhl.] Bekangakafaneli kutsi alalele noma ngubani lomunye kutsi ashonamayini ngaLo; ngendlela nje leLaniketwa yena, nguleyondlela lebekafanele aLikholtse ngayo. Ngabe akubangakhona kufa, kuba bekakholwe Lelo. Kunjalo.

²³⁹ Newesilisa noma wesifazane loyotsatsa Livi laNkulunkulu ngendlela nje leLiniketwe ngayo kitsi, siLibambe ngendlela Nkulunkulu laLisho ngayo, LikuPhila. Kodvwa kulihlanganisa nalokunye kuhlakanipha kulenye inhlangano, ufa khona lapho, njengoba nje kwenta ekucaleni. Leyo yiMbewu. Nguleyo indlela, nguleyondlela leLenta ngayo kwekucala, nguleyondlela leLiyokwenta ngayo ngaso sonkhe sikhatsi. Belihlala lingayo njalo. Nkulunkulu avuma, sitokufakazela loko ngeliBhayibheli, manje ekuseni. Nguleyondlela kuphela lelingamila ngayo, kutehlukanisa Lona lucobo nayo yonkhe imizindlo, noma yini lenye intfo, futsi nje sikholtse Livi.

Eva beka fanele aLitsatse ngendlela nje Nkulunkulu laLiniketa ngayo kitsi.

²⁴⁰ Futsi ngivakalisile futsi nganitjela kutsi ngikholtse kutsi Nkulunkulu ulondvolote futsi wagcina leliBhayibheli, futsi nguleyondlela Nkulunkulu langinika Lona ngayo lapha. Angifuni kuhlakanipha lokunye. Ngifuna nje ngendlela Nkulunkulu lalisho ngayo Lapha.

²⁴¹ Manje, ngiyetsema kutsi anginilimati. Kodvwa uma liBhayibheli latsi ngifanele ngi “phendvuke,” Lichaza kutsi ngiphendvuke; hhayi kutsi ngente kutihlawulisa, kodvwa ngiphendvuke.

²⁴² LiBhayibheli latsi kimi ngibhabhatiswe, liGama la “Jesu Khristu,” Lalingachazi lenye intfo letsite. Lalingachazi u “Yise, iNdvodzana, Moya loNgcwele.” Lasho Loko.

²⁴³ “Yebo-ke,” wena utsi, “Matewu 28:19 watsi, ‘Nbabhabhatise eGameni leYise, iNdvodzana, Moya loNgcwele.’” Nguloko impela lokwakungiko.

²⁴⁴ Manje, uma loko kungenjalo, uma bete intfo lenguyonayona, khona-ke kukholwa Phetro lebekanako, kutsi abhabhatise eGameni laJesu Khristu, nabo bonkhe labanye beliBhayibheli, khona-ke bebane—nesambulo lesingemanga Nkulunkulu lasibusisa. Loko kuMbuyisela emuva ngco: Bekafanele ambusise Eva ekucaleni, ke.

²⁴⁵ Ligama le “Yise, iNdvodzana, Moya loNgcwele,” leto ticu letintsatfu. Linye kuphela liGama. Ungeke wabhabhatiswa eGameni leYise, iNdvodzana, Moya loNgcwele uze ubhabhatiswa eGameni la “Jesu Khristu,” ngoba lelo liGama leYise, iNdvodzana, Moya loNgcwele. NeliBhayibheli lonkhe kubhalwe kanjalo. Wonkhe umuntfu eBhayibhelini, lowake wabhabhatiswa, wabhabhatiswa eGameni la “Jesu Khristu.” Akukho muntfu emBhalweni, lowake wabhabhatisa kuletoticu te “Yise, iNdvodzana, Moya loNgcwele.” Futsi wonkhe umuntfu lowabhabhatiswa eGameni le—le “Nkhosi Jesu Khristu” wabhabhatiswa eGameni leYise, iNdvodzana, Moya loNgcwele.

²⁴⁶ Wonkhe lowabhabhatiswa, ticu te “Yise, iNdvodzana, Moya loNgcwele,” akabhabhatiselwa egameni nhlobo; sicut, njengemshumayeli, umfundisi lohloniphekile, dokotela, nanoma yini lokunye; uyise, indvodzana, nemuntfu, umfati. Ticu!

Watsi, “Akwenti mehluko.”

²⁴⁷ Khona-ke bhala sicut sakho eshekeni lakho, futsi kungabi ligama lakho, bese uyabona kutsi liya kuphi. Uh-huh. Utsi, “Ngisayina lelisheke egameni lenkhosikati yelikhaya.” Yebo-ke, loko kwenta umcondvo nje lomkhulu njengoba bekungawenta kungakholwa Livi laNkulunkulu sibe sambulo silele lapho ngco embikwakho. Impela bekungaba njalo. Niyabona na? Impela. Kulungile.

²⁴⁸ Kufanele kuLikholve ngendlela Nkulunkulu laLishito ngayo. ALitiphikisi. Uma Likwenta, wota ungikhombisse. Uh-huh. ALitiphikisi, nhlobo. Sathane angahle aLiphikise kuwe, kodvwa angeke eVini. Cha. Ngako, Livi ngeke likumele loko. Cha, mnumzane. Leyo yintfo lese ibekhona sikhatsi lesidze kakhulu, futsi bekucatjangwa ngayo, kodvwa ayikaze ifakazelwe namanje.

²⁴⁹ Asilandzele lemitfombo lemibili, noma loko leningahle nikubite ngetimo tendzawo, futsi sibone kutsi idalani. Asiyilandzele imizuzu lembalwa. Simo sendzawo; yomibili lemitfombo iyodala simo sendzawo.

²⁵⁰ Ngifuna kunibuta lokutsite. Nike naya ebandleni... Ngi—ngikusho loku ngenhloniphо yekutitfoba manje, futsi nge...kwenta liphu zu nje; Nkulunkulu angakuvumeli nje. Nike naya ebandleni lapho umfundisi asitashi mbamba nje? Lelibandla liyindlela lefanako. Kunjalo. Niyabona na? Kuyini na? Ngulesosimo sendzawo lesakuletsa. Yani endzaweni

lapho khona umfundisi atsi, “Manje, ake nime kancane, ayikho intfo lenjengalowombhedvo. Angikholelwa entfweni lenjengekuphiliswa kwaNkulunkulu, ngembhabhatiso waMoya loNgewe.” Niyati, niyobona bonkhe, bona, libandla. Uma bangasi...

²⁵¹ Uma kukhona lukhozi ekhatsi lapho ndzawanatsite, luyophuma, emkhatsini walesosicuku setinkhukhu. Uh-huh. Impela luyophuma. Liciniso sibili. Luyoyishiya. Ya. Ya. Impela luyokwenta. Lungeke lwakumela loko. Lulukhozi. Luyinyoni leyakhelwe kuba yesibhakabhaka, hhayi lihhoko. Yebo, mnumzane. Manje, nalu.

²⁵² Futsi manje siyatfola, kutsi, letotimo tendzawo. Futsi ungena noma ngukuphi i...letotintfo, lapho kukholwa kufundziswa khona ebandleni, niyotfola libandla likulesosimo sendzawo.

²⁵³ O Nkulunkulu! Ake—ake ngifinyelelise loku kini, kute, nine, uma ningakubona. Niyabona na? Hamba... Kungalesosizatfu bantfu befiha emkhatsini walabangcwele lapho bathandaza khona, emakholwa. Pawula watsi akatfolanga muntfu edolobheni, Thimothi kuphela, lobekanekuKholwa lokufana nalebekanako, niyati. Bonkhe lalabanye babo bonkhe babosomahlelo. Niyabona na? Kodvwa ngesikhatsi angena kulesosimo sendzawo, niyabona, yena, utfola tintfo tenteka, simo sendzawo lesitidalile. Utfola bantfu baphila ngekukholwa uma ungena endzaweni lapho kutsi khona, “Hhe, ngani, liBhayibheli licinisile. Nkulunkulu uyaphilisa.” Uhamba uijkelete ebandleni labo, uyatfola, “Ngani, ngangibulawa ngumdlavuza. Ngaphiliswa.” “Ngake ngaba yimphumphutse. Ngiyabona.”

²⁵⁴ Umfokati utsi, “Whuu! Hhe! Ini, ucondze kutsi...? Kwakuyini indzaba ngawe na?”

²⁵⁵ “Ngitokukhombisa erekhodini lami. Wota ekhaya nami. Wota, udle lidina nami futsi ngitokukhombisa intfo letsite. Nginelirekhodi enhla lapho. Bomakhelwane bami bayati kutsi ngangikulohlobo lwesimo. Ngangikhuatekile, iminyaka. Ngakhulekelwa.” Niyabona na? Kuyini na? Lelo—leloLivi kulelobandla, lelocembu lemakholwa, lidale lesosimo sendzawo.

²⁵⁶ Manje, linjani Livi, ebululeni baLo kodvwa noko ekuphelelisweni kwaLo, liyoke limile kanjani endzaweni lapho kwati kusibekela Lelo futsi kutsi, “Lingeke labanjalo”? Niyabona na? Lingeke. Ngako, lapho kwati kushunyayelwa khona kususelwa kusemina, bantfwanaya bayafa.

²⁵⁷ Lapho kukholwa kushunyayelwa khona kususelwa eVini, bantfwanaya bayaphila. Amen. Ngulowo umehluko, kuPhila nekuwa nje.

²⁵⁸ Intfo lefanako yenteka ensimini yase Edeni. Nguloko impela lokwenteka kubo; timo tendzawo letimbili lapho. Ngesikhatsi

Eva esuka Kulelungile, waba kulengakalungi, wafa. Niyabona na? Kutokwenta, ngaso sonkhe sikhatsi.

²⁵⁹ Ngako, bangeke bahlale. Uma libandla lakho linalolohlobo lwesimo sendzawo, o, mntfwana, uma ufunu kuphila, ukholwa Livi.

²⁶⁰ Manje, lapha kutotsi kuba ludvonsi loluncane manje. Futsi angikakucondzi ngendlela yekukhahla. Nje ngi...Loku kufundzisa. Utofanele, uma ushaya letindzawo leti, ufanele untinyele futsi ushise, kancane, niyabona.

²⁶¹ Manje ake nilindze. Njengekushisa litfole lumphawu nje. Ngangikutondza kwenta loko, kulishisa lumphawu litfole; umfo lomncane tatane. Sasigijimela ngephandle lapho. Futsi angati noma naake nalibopha yini litfole ngentsambo, noma cha, bese—bese—bese—bese uyawabopha. Uwabophe imilente yomine, uyabona, kuncume kabi... Nalomfo lomncane tatane! Ugijimela entasi lapho, utsatse lensimbi yekushisa lumphawu, uyishaye kulo. O, mnaketfu, kwakubukeka kwesabeka. Uma usukuma, impela laliba nesikhashana sekuphaphatseka. Lalibaleka nje futsi likhahlele, futsi limpongolote futsi libhonse, futsi lichubeke. Kodvwa, ngiyakutjela, bekati, kusukela lapho kuchubeke, kutsi lalilabani. Kunjalo. Bekati kutsi lalilakuliphi—kuliphi lidlelo. Akusekho hlaya-ke ngalo.

Ngako, asishise lumphawu. Asishise lumphawu. Yebo, mnumzane.

²⁶² Ngesikhatsi batsi, uyati, i...Nine, labanengi benu, ufundzile noma—noma wahlabela lelitsi *Kuzindla kuveliKhawa*, niyabona. Nelihhashi lemnyaka munye, uma balifaka, ekugcineni lapho, ekugaleleni; lihhashi lemnyaka munye, benta lisobho nje ngalo, ngoba alinaluphawu lolushisiwe kulo, nhlobo. Futsi ngako onkhe lalamanye awo lichubekela emadlelwensi awo lucobo. Kodvwa basi wekugalela uyatati tinkhomo takhe, ngako uma u...Kushisa lumphawu kuyalimata.

²⁶³ Manje bukani. Sathane bekangafakaza ngekwesayensi, ngekuhlakanipha kwakhe...Manje ngitodlala incenyen yadokotela lapha, imizuzu lembalwa. Sathane bekangafakaza ngekwesayensi, ngekuhlakanipha kwakhe, kutsi umhlabatsi lebekatowuniketa, kutsi sive lesibantfu silime kuwo, wawunemavithamini. Impela wawunawo. Bekangafakaza ngekwesayensi. Bangafakaza ngekwesayensi nomayini labafuna kuyifikazela, cishe impela. Niyabona na? Impela.

²⁶⁴ Wawunavithamini I, “injabulo, kutsandvwa bantfu.” Lelo likuwo. Lelo lisemhlabatsini wekuhlakanipha kwakhe. Impela. Impela. Yonkhe injabulo yelive, tonkhe titfombe tabobhayisikobho, yonkhe imidanso, konkhe, nomayini, “Chubekani. Loko kulungile. Ngeke kulimate lutfo. Impela.” Niyabona na? Kutsandvwa bantfu, “O, nilibandla lelikhulu kunawo onkhe lelikhona edolobheni.” Kulungile.

²⁶⁵ Wawunavithamini M kuwo, atsatsisela kuwo njengeku “mcondvo lobhadile.” “Kwenta kuzindla, uyabona.” Ya.

²⁶⁶ Wawunavithamini Z kuwo, lokwakuchaza “imizindlo.” Ya, bekakhona kuzindla. Kodvwa, niyabona, loko ngeke kusebente.

²⁶⁷ Wawunavithamini nobuhle, B, kuwo, lokuchaza kutsi “buhle.” Sathane muhle. Sono sihle. Futsi njengoba sono sicala kuya ngekuya nangekuya, siya ngekuba sihle.

²⁶⁸ Incono kakhulu kangakanani indlu lesinayo namuhla kunendlu yetingodvo na? Ibukeka ngalokutse gcagca kakhulu kangakanani na? Babukeka kakhulu kangakanani besifazane bakitsi namuhla kunalebebangiko na? Niyabona na? Ibukeka kakhulu kangakanani iFlorida, kunalebeyingiko manje, nangalendlela Nkulunkulu layidala ngayo na? Niyabona na?

²⁶⁹ Inebuhle. Bangakhi lowatiko kutsi Sathane ubuhle? Futsi bekafisa buhle, futsi watama kudala buhle, lomuhle kakhulu umbuso, nakanjalonjalo. Impela. Siyakwati loko. Sathane usebuhleni.

Manje caphelani. Bekenavithamini Z, lokungu “mzindlo.”

Vithamini B, loku “buhle.”

²⁷⁰ Vithamini M, loku “simanje.” “O, ufunu kuba simanje.” Tsatsa lokwati kwakhe nje bese uyatfolu kutsi awutikhholwa yini letotintfo. Kuyomila ngco kuwe. Lelovithamini liyokhuphukela ngco lapho uhleti khona.

²⁷¹ Lomunye umfo uyasukuma, akunike lokunye kwekwati kwakhe, “Manje bukani, bangani. Bekuyoba njani kube satsatsa lena lenkhulu, ikhathedrali letsandzekako lapha futsi saba nalokunengi kumemeta, nekukhala, nekukhuluma ngetilimi, futsi kugijinywa kwehliwa kwenyukwa nesiyilo, kuphukuhla emagwebu emlonyeni njengetinja letihlanyako? Futsi—futsi nicabanga kutsi umphatsi-dolobha bekatotsini, libhodi lemadikhoni, uma sivumele tintfo letinjengaleto kutsi tingene lapha na?” O, impela, simanje.

²⁷² “Nicabanga kutsi bantfu betfu bebayoma entasi lapho esitaladini, ne-thamborini esandleni sabo na? Futsi bekuyokwentani kube bodzadzewetfu bebayofika naletinkhulu, tinwele letindze tilengela phansi na? Nabo bonkhe besifazane belibandla badzabula edolobheni lelincane, ‘Awubuke lapho. Awubuke lapho.’ Ngani, umengameli walelibandla, noma ngabe kuyini, niyati, ‘Yebo-ke, awubuke, awubuke laphaya. Ubukeka njengemoto leyimodeli lendzala, akanjalo na? Lithayi lakhe lelisipele liphela umoya ngemuva.’” Niyabona na? Niyati, intfo letsite lefana naleyo.

²⁷³ “Sifuna kuba simanje.” Niyabona na? Loko kuhlakanipha kwadeveli. Kulima loko-ke. Lelo livithamini lelisemhlabatsini, leliphuma emkhicitwensi lolikhicitako. Chubeka, wena Jezebeli wesimanje. Kulungile. Besimanje, njengebesifazane banamuhla.

Impela. O, besimanje. "Yebo-ke, bantfu besimanje kakhulu impela belidolobha lelincane batokuta ebandleni." Impela. Line... Ngani na? Bakhula kulelovithamini lesimanje.

²⁷⁴ Livithamini lekuzindla, kulungile, amila kuloko. Niyabona na? Kunguloko-ke, umzindlo. Kodvwa utsi nje ungacala kumila kuloko, sewufile eVini. Utofanele uphike Livi ngaphambi kwekutsi ube nguloko. Niyabona na?

²⁷⁵ Indlela kuphela longake uke ube soni ngayo kuphika Livi laNkulunkulu. Yini sono na? Kungakholwa. Kungakholwa kukuphi na? Livi laNkulunkulu. Niyabona na? Utofanele uphike Livi, kucala.

Manje, o, ngisenalamanye futsi emavithamini cishe lalishumi labhalwe phansi lapha.

²⁷⁶ Kodywa nali livithamini linye lehluleka kubatjela lona. Bekanavithamini K ekhatsi lapho. Lelo livithamini lelikhulu kunawo onkhe ekhatsi lapho, imiphumela, "kufa." Niyabona na?

²⁷⁷ Sicuku lesibukeka kahle kakhulu kunabo bonkhe sebantu labagcokile, lesismanje kakhulu impela lesikhona, libandla lelihle kakhulu impela, inhlangano lenkhulu kunato tonkhe, niyabona, simanje kakhulu impela lesike sabakhona, lesihle kakhulu impela lesike sabakhona, tintfo letinemcondvo lobhadle kakhulu impela letingashiwo. "Kungani kunge..."

²⁷⁸ "Uma Nkulunkulu asenta sidalwa saKhe, kungani Bekangagceka laba besifazane ngekubukeka bancono kakhulu, kutsi babe netinwele letimfishane na? Kungani Bekangagceka kutipenda buso lokuncane na?"

²⁷⁹ Yebo-ke, Bekanamunye eBhayibhelini lowakwenta, futsi Wondla tinja ngaye. Ngako cabangani ngaloko nje, niyabona. Kunjalo impela.

²⁸⁰ "Kungani bekangakwenta—kungani Nkulunkulu bekangakwenta na? Kungani, hhe, Akasibheki kutsi siphile ngaleloBhayibheli." Impela bekasibukile. Watjela Eva ufanele aphile... Noma, Watjela...

²⁸¹ Jesu washo, kutsi, "Umuntfu uphila ngalolonkhe Livi, lonkhe Livi lelipuma emlonyeni waNkulunkulu." Ngubani lowasho loko na? Jesu. Ngabe kunjalo na? Watsi, "Uma noma ngumuphi umuntfu asho noma yini leyehlukile, akabe ngulonemanga; Livi laKhe libe liciniso." "Emazulu nemhlaba kutawendlula, kodvwa Livi laMi lingkeke." Nako laph'ukhona.

Ngako livithamini K libekwe endleleni yakhe yekwenta, simanje. Kunjalo.

²⁸² Manje, kodvwa, imbewu-Livi yeliBhayibheli ingeke yamila emhlabatsini lonjengalowo. Umuntfu bekangaya kanjani kulelinye lalawo mabandla esimanje nyalo? UMoya waNkulunkulu ufika etikwalo, futsi ba—bafuna kumpongolota, "Ludvumo kuNkulunkulu! Haleluya!"

²⁸³ Niyati kutsini? Ngani, bewuyokwenta umshumayeli ayigwinye inshumayelo yakhe. Ngani, ngiyakutjela. Sengi-
ngiyambona nje atsi, “Uhm.”

²⁸⁴ Nalabogilonki lapho, belule leyontsamo bajika, niyati,
bacalate, kutsi babone. “Yebo-ke, yini leleshito loko na?”

²⁸⁵ Bese kutsi-ke, imizuzu lembalwa, umshumayeli uyotsi, “Jesu
Khristu, iNdvodzana yaNkulunkulu.”

“Ludvumo kuNkulunkulu! Kunjalo.”

²⁸⁶ “Uhm,” emadikhoni. Huh! Wena, usemnyango, emizuzwini
lembalwa. Batokuphonsela ngephandle ngco. Niyabona na?

²⁸⁷ Livi lingeke lamila lapho, lingeke nje lakwenta. Cha, lingeke
nje lakwenta. Niyabona na? Kalula nje Lingeke. Niyabona na?

²⁸⁸ Bese uyefika-ke, afafata phoyizeni wakhe etikwaLo,
kutama kubulala sakhi-mphilo sekuphila ekhatsi kuwe.
“Manje kunelicembu lebantfu eveni namuhla, lelikholwa kutsi
Nkulunkulu uyaphilisa. Ngani, kusobala, siyati, umcondvo
lobhadlile uyakhombisa kutsi Nkulunkulu wasinika bodokotela,
kutsi baphilise.”

²⁸⁹ Manje, buta lokahle, dokotela lobhadlile kutsi ungumphilisi
yini. Utokutjela, “Cha, mnumzane. Ngingalikhipha litinyo,
kodvwa ngingeke ngikhone kuphilisa sigodzi leleliphum kuso.”
Kunjalo. “Ngingawucondzisa kahle umkhono, kodvwa ngingeke
ngiwuphilise.” Impela kunjalo. “Nkulunkulu unguMphilisi.”
Niyabona na?

²⁹⁰ Manje, itoke ite imile kanjani intfo letsite etintfweni
letinjengaleto na? Lingake like limile kanjani Livi-mbewu
kulokunjengaloko na? Ngeke nje lente. Lingeke lamila
kulolohlobo lwesimo sendzawo. Impela nje alikwenti.

²⁹¹ Kodvwa kukholwa kumila kuphela elivithaminini linye.
Kunelivithamini linye kuphela. Akudzingi kutsi kube nanoma
nguyiphi incubevane, nhlobo. Kukholwa kumila elivithaminini
linye, lelo Livi. Nguleyontfo kuphela kukholwa lokungamila
kuyo, loko Livi. Nendlela lekuphela lokungamila ngayo kungoba
kukholwa Livi, futsi kutofanele kutsatse lonkhe Livi futsi
kukholwe kutsi Liliciniso. Nelivithamini lekukholwa lipelishwa
ngeligama letinhlavana letine, kuP-h-i-l-a, “kuPhila”
Kunavithamini P, kukholwa kunaye. Kukholwa kunavithamini
P.

²⁹² Kuhlakanipha kunavithamini I; vithamini Z; injabulo;
navithamini kuzindla; vithamini, onkhe lawa lamany
emavithamini. Wona, fa-...re-...Kwati kunako konkhe
loko. Niyabona na? Kuhlakanipha kunako konkhe loko,
kuyakuzindla.

²⁹³ Kodvwa kukholwa kunentfo yinye kuphela: kuPhila.
Nguloko kuphela lokuyohlala. “Livi laKho likuPhila. Livi
laKho liliCiniso. ULivi, iNdlela, liCiniso, kuKhanya.” Kukholwa

kulenga khona lapho kuphela. Nguloko kuphela. Futsi ngeke kukutsatse. KuPhila kwaMoya loyiNgcwele, kuPhila lokuPhakadze, ngulapho la kukholwa kumila khona ekhatsi: Livi, Zoe, kuPhila kwaNkulunkulu luCobo. Nguleyondzawo kuphela kukholwa lokungasebenta kuyo, kungesikhatsi kukholwa kuva Livi futsi kukholwe kutsi LiLivi laNkulunkulu. Bese-ke, kuleyoZoe, kuyamila futsi kuveta loko Livi lelakusho.

²⁹⁴ Nkulunkulu, Wawenta kanjani umhlaba na? Niyakholwa kutsi umhlaba wawusemicabangweni yaNkulunkulu na? Impela, wawukuwo, wawufanele. Wawenta kanjani na? Wavele nje washo.

²⁹⁵ “Utotitfolaphi Yena letintfo na?” Bewungake uke uzindle kanjani ngaNkulunkulu, utsi, “Nkulunkulu, Wawungayitfolaphi lemphahla, kwe—kwenta ngayo emadvwala na? Ngabe Wayitfolaphi na?” Avela kumagesi. “Wawungayitfolaphi Wena igesi, Nkhosi?” Niyabona na? “Wawungake uwente kanjani emanti na? Nguyiphi indlela yekwenta na? H₂O. Wawungayitfolaphi le-hayidrojini, i-oksijini na?” Niyabona na? Nguloko-ke. Niyabona na? Akusile nje.

²⁹⁶ Watsini Nkulunkulu na? Kwakusemicabangweni yaKhe. Nemicabango yaKhe Livi laKhe, ngaphambi kwekutsi Livakaliswe. Kwase kutsi-ke ngesikhatsi imicabango yaKhe itsi, “Akube-khana,” futsi kwabakhona. Nguloko-ke. Kulele lapho-ke kukholwa.

²⁹⁷ “Nge...ku...” EmaHebheru 11 atsi, “Ngekukholwa umhlaba wadalwa.” Umhlaba wentiwa ngekukholwa. “Nkulunkulu wenta umhlaba ngetintfo lengabonakali.” Ngekukholwa Nkulunkulu wakhuluma umhlaba wabakhona, ngoba kwakuLivi lebe—lebelihloswe ngaphambili. Kodvwa watsi masinyane Angalisho nje, liba kuphila.

²⁹⁸ Manje ungahle utsi, “Ngiyalikhola Lelo, Mnaketfu Branham.” Enhlitiyweni yakho ungaLikhola. Bese-ke uyalivakalisa, “NgiyaLikhola.” Ungalokotsi uLigucule, nhlobo. Hlala naLo ngco. Bukisia kutsi kuyomilani kulo. Liyoveta Livi, ngoba kukukholwa. Niyabona na? Kuhlakaniphakuyakususa. Kukholwa kukuletsa kuLo. Niyakubona loko na?

²⁹⁹ Loko kusika kukhiphe sonkhe sivumokholo lesentiwe ngumuntfu, kusika kukhiphe tonkhe tikelwa tekufundza, tesayensi yetenkhola leyentiwe ngumuntfu, kutishaya nje tibandze mpo. Nabo-ke, profesa wabo, D.D., Ph.D., L.L., Q.U.D., nabo bonkhe labafo laba utofanele aye esikolweni futsi afundze isayensi yengcondvo nato tonkhe leti letinye tintfo. Yinye kuphela Intfo layishiya ngephandle. Kutsi ufanele atetfule kanjani yena lucobo ngesayensi yengcondvo, nekutsi hlobo luni lwetimpahla kulugcoka, nekutsi ufanele kusho kanjani kutsi “amen” kanjalo nje, futsi, o, umbhedvo! Ake i...

³⁰⁰ Holwani nguMoya loNgcwele. Emadvodzana aNkulunkulu aholwa nguMoya waNkulunkulu, hhayi kuhlakanipha kxesemina. Kodvwa uMoya waNkulunkulu uhola emadvodzana nemadvodzakati aNkulunkulu. Impela. Liciniso. Amen.

³⁰¹ Manje, kukhipha tonkhe tivumokholo, tonkhe tikolwa tekufundza, yonkhe isayensi yengcondvo leyentiwe ngumuntfu. Akumangalisi bangeke bakholwe; akukho lutfo ekhatsi lapho lekutsi Lona limile kuko. Niyabona na? Bana vithamini Z, umzindlo, lesifanele simlahle. Vithamini wekutsandvwa bantfu, vithamini wenjabulo, “Kufanele nje kube nekutijabulisa lokuncane.” Hloboluni lwekutijabulisa na? “O, uphume bese utfola kudzakwa lokuncane, kanye ngesikhatsi, niyati. Nibe nekutijabulisa lokuncane nje; angeke kwente kwasamehluko lotsiteni.”

³⁰² Niyati, tintfo letincane njengaloko lapho, tinguko konkhe nje loko, lonkhe lelovithamini. Niyabona na? Futsi lutokwenta kanjani lolohlobo lwelivithamini kutsi lute lumile lube Livi, leliphipha lelovithamini na? Utokwenta kanjani na? Niyabona na? Livi liyakuphika loko. “Uma nitsanza live, noma tintfo telive, lutsandvo lwaNkulunkulu alukho ngisho nakini,” kwasho liBhayibheli. Niyabona na? Ngako likanjani la—likanjani lelaNkulunkulu... Litomila kanjani Livi laNkulunkulu ngaphansi kwemavithamini lanjalo na?

³⁰³ Kubita livithamini lelitsite emhlabatsini kuveta luhlavu. Lufanele lube seluhlobeni lolukahle lwemhlabatsi. Sifinyelela kuko, kancanya nje. Niyabona na? Lutofanele lube neluhlobo lolukahle lwemhlabatsi, noma nakungenjalo lungeke lumile luhlavu. Utsatsa imihlaba letsite, ungeke umile *loku*, futsi uyomila lenye intfo letsite. Umhlaba lonesihlabatsi, livithamini lelehukile, kanjalo kanjalo, kumila tintfo letitsite. Uma ungakwenti, ngani, awunalo, ungeke nje umile lona. Nguloko kuphela.

³⁰⁴ Manje, luhhula luyomila cishe impela nomakuphi, noma kuluphi luhlobo lwemhlabo. Akunjalo yini loko? [Libandla litsi, “Amen.”—Umhl.] Lukhula loludzala lwelihlelo luyomila nje nomakuphi.

³⁰⁵ Kodvwa, ngiyakutjela, mnaketfu, uma ufunu kuveta titselo tekuPhila, kutofanele kuvele eVini. Kunjalo. Kunjalo. Impela. Kulungile.

³⁰⁶ Ngiyetsema kutsi anginitsatsi sonkhe sikhatsi lesidze kakhulu, manje ekuseni. [Libandla litsi, “Cha.”—Umhl.] Niyabona na? Manje, ninga... Niyabona na? Kulungile.

³⁰⁷ Akumangalisi abakhoni kukholwa; abanalutfo lwekuphila kulo. Jesu wakhulumo ngabo kuMatewu sahluko 13 nelivesi 1. Asivule ngalapha nje futsi sibone kutsi Jesu washo kanjani ngako, letintfo leti lesikhulumo ngato. Matewu sahluko se 13, nasevesini le 1.

Ngalolosuku lolufanako Jesu waphuma endlini, wase uhlala phansi ngaselwandle.

Kwase kubutsana ticuku...kuye, ngako wangena emkhunjini, wase uhlala phansi; futsi sicuku sonkhe sime elugwini.

Futsi wakhuluma kubo letintfo, futsi wakhuluma kubo tintfo letinengi ngemifanekiso, atsi, Bukani, kwaphuma umhlananyeli kuyohlanyela imbewu;

Futsi nasahlanyelile, lenye imbewu yawela ngasendleleni, netinyoni tefika tatidla taticedza:

Letinye tawela emihlabatsini lenemadvwala, futsi ngesikhatsi yayingenamhlabatsi lomnengi khona: nangayo tona tamila, ngoba tingenamhlabatsi lojulile:

Futsi uma seliphumile lilanga, tashiswa lilanga; futsi kwefika...nangoba tingenamphandze, tabuna taphela.

...letinye tawela emkhatsini wemanyeva; nemanyeva ahluma, futsi atiminyanisa taphela:

...letinye yawela emhlabatsini lomuhle, yatsela lenye, yatsela sitselo, lenye ngelikhulu,...emashumi lasitfupha-...nangemashumi lamatsatfu.

Loyo lonendalebe yekuva, akeve.

³⁰⁸ Hhayi kuhlakanipha. “Tindlebe,” niyabona, kulungile, “kuva.” Kulungile.

³⁰⁹ Caphelani. Watsi lenye yaphuma, ngesikhatsi iMbewu iphuma, kushunyayelwa Livi.

³¹⁰ Lenye yawela ngasendleleni; njengemanti nje emhlane welidata, agelete esuke.

³¹¹ Lenye yawela etikwemhlabatsi lonemadvwala, lonematje, wawunelutfuli loluncane nje lolwaluphephuka lapho. Yamila masinyane, kodvwa yayingenato timphandze, ingenandzawo yekufaka timphandze tayo. Manje ngitokwenta imifanekiso lapha, futsi ngiyetsema kutsi angilimati imizwa. Niyabona na?

³¹² Lelo kwakulibandla laseKhatolika. Atsi akhelwa etikwelidvwala. Ngitovumelana nawo. Impela ngitovumelana nawo. Kunjalo. Kunjalo. Akukho mhlaba ngaphansi kwalo, nhlobo, akukho mhlaba etikwalo kumila kuwo. Ngani na? Lalingeke livete i...Bekangeke avete livithamini leliBhayibheli, ngoba awakholelwa ngisho nakuLo. Imfundziso yawo nemibhedesho, kunjalo, umbhedesho wemaRoma, akukho Livi kuyo, nhlobo. Niyabona na? Yawela etikwemadvwala; loko kwakukuhlakanipha lokukhulu. O, mnaketfu, ngiyakutjela, bebanako ngendlela lenkhulu. Ayetfula ngendlela yesayensi yengcondvo, netakhiwo letinkhulukati, nengubo lenhle, abukeka njengabonkulunkulu labangcwelle, bebaphristi nayoyonkhe lenye intfo.

³¹³ Bangakhi labeva lobo bufakazi balelo sistela lelincane lelaphuma nje? Ninabo lapha? Ngifuna lobo budlalwe ngalobunye busuku bangLesitsatfu lapha ebandleni, futsi wonkhe umuntfu lapha ufanele abenabo lobufakazi. Labanye babo bangilandzela sikhatsi lesidze. Kutsi bakanjani . . .

³¹⁴ Ngehlela lapho eMexico, cobo lwami, futsi ngayibona lowomgodzi wekumba lutfunyela, imigodzi lapho letotinswane temasistela; ngesikhatsi baphristi bebanato ngawo, tinswane; lapho tatishisewa khona emigodzini yekumba lutfunyela, netintfo letinjalo. Nguloko lokwenta bukhomanisi buvumbuke eMexico. Awuhlakata lowombhedvo. Nguloko lokwenta bukhomanisi buvumbuke ngaleyela.

³¹⁵ Ningabesabi bukhomanisi. Nkulunkulu usebentisa bukhomanisi. Angikholelwa kubo. Bubadeveli. Kodvwa Nkulunkulu utsatsa devely bese ujika ubuya ngco, njengoba Enta eNkhosini Nebukhadinezari, futsi uta ngalapha wase utfola Israyeli. Niyabona na? Ya. Bukisisani futsi nibone uma liBhayibheli lingakufakazeli loko. Ngalelinye lalamalanga sitongena kuko. Nkulunkulu wabuvusa bema mpo, kuphindziselela bantfwana baNkulunkulu, kuleyongwadlakati lendzala. Nguloko kanye nje liBhayibheli lelakusho. Ya. Latsi, “Bayoyishisa ngemlilo, futsi iyofika ekupheleni kwekulahlwa kwayo.” Nguloko kanye nje lokutokwenteka kuyo, futsi. Nayoke.

³¹⁶ Nguleyo leyawela etikwemadvwala, lomncane kakhulu nje wemhlabatsi lentfo yaze yangabe isamila. Yafa. Ngako-ke, loko kwakukuhlakanipha lokukhulu.

³¹⁷ Ngako-ke lenye yawela emhlabatsini wemaPhrothestane, kodywa, emvakwesikhashana, kuhlakanipha lokukhulu kwemahlelo lamakhulu kwayimyanisa yaphuma, kwaminyanisa uMoya waphuma. “Tinsuku temimangaliso selwendlulile. Dkt. S’bani-bani washo kutsi-nekutsi. Niyabona na? Ayikho intfo lenjalo.” Kuphelele nje, kwaminyanisa yonkhe. Kwaminyanisa konkhe lokuyini kwaphuma? Kwaminyanisa kwakhipha uMoya, kwentelwa kuhlakanipha. Niyabona na?

³¹⁸ UMoya loyiNgewe wehla ngetinsuku taMartin Luther. UMoya loyiNgewe wehla ngetinsuku taJohn Wesley. UMoya loyiNgewe wehla ngetinsuku telibandla lasekucaleni lePhentekhostali. Kodvwa enteni emahlelo ke? Ngekuhlakanipha kwawo, aWuminyanise awukhipha. Aminyanise akhiphani na? IMbewu. Yini iMBewu na? Livi, “Alichazi kona Loko. Lichaza *loku*, lapho.” Niyabona na? Bakutfola . . .

³¹⁹ Manje, emadvodza lamanengi lanhlitiyo-yetsembekile talabo bafundisi, nigliangane nabo, ngahlala phansi futsi ngakhulumna nabo, ngisho nangendzaba yembhabhatiso netintfo letinengi. Ngicelle nomangumuphi umuntfu kutsi ete, kutsi

sikuococe. Batsi, “Mnaketfu Branham, uma besingenta loko, libandla letfu lingasikhiphela ngephandle.”

³²⁰ Ngatsi, “Ngubani? Ngubani lomcoka kini, Livi laNkulunkulu noma libandla lenu?” Angeke nize nichubekele embili, kulolotfuli lwelihlelo. Niyabona na? Niyabona na? Kulungile. Uma liphika Livi, lineliphutsa. Niyabona na? Likhombisa kutsi likuhlakanipha lokwentiwe ngumuntfu.

³²¹ Manje, emaPhrothestane aminyaniseka aphuma. Laminyanisa uMoya waphuma ngco kuwo, ngesikhatsi acala kutsatsa kuhlakanipha esikhundleni sekukholwa eVini; kuhlakanipha enhlanganweni, kuhlakanipha kwenhlangano esikhundleni sekukholwa eVini. Wonkhe lowo lokucondzako loko, akatsi, “Amen.” [Libandla litsi, “Amen.”—umhl.] Niyabona na? Kukholwa kuloko li—kuloko licembu lemadvodza, leMethodisti, iBaptisti, iPresbyterian, iPhentekhostali, ema-Evangelical, nawo onkhe ahlangane ndzawonye. Futsi atsi nje sekatobumba umfelandzawonye welibandla, lokuyoba “ngumfanekiso kuso silo.” Futsi siyoba nemandla lafanako kulesive lesi, Sambulo 13:11, lebebanawo lapho; futsi siyobangela kuhlushwa etukwalabangcwele, njengoba nje benta ekucaleni, li—libandla lemaRoma. Niyabona na? Ngulapho licondze khona etulu ngco manje.

³²² Futsi kungako Livi lihlanyelwa khona manje, ndzawo tonkhe, “Khweshani kuko. Phumanikuko.” Niyabona na?

³²³ Manje, kuhlakanipha kwakuminyanisa. Kuhlakanipha kwabo lucobo kwaklinya Moya loyiNgcwele wakhwesha kubo. Ake ngikufakazele kini, eBhayibhelini, Sambulo, sahluko se 3; lapho sisandza kucedza khona iminyaka yelibandla. Jesu bekakadze aklinywe eBandleni laKhe, futsi bekangephandle; etama kunconcotsa emnyango, kutsi abuye angene. [UMnaketfu Branham ugogota etukwepulpiti—Umhl.] Uh-huh. Nguloko impela leLakusho. “Ngime emnyango futsi ngiyancconcotsa. Uma umuntu ayokoma, uma nje ayoNgivumela ngingene, Ngiyokuta.” Kodvwa kute umuntu lowavula umnyango. Niyabona na? BaMkhiphia. Kwakuyini na? Bebane...IMbewu yawela kubo. Niyabona na? Niyabona na?

³²⁴ Kodvwa lenye yawela esigodzini sekuhlushwa. Lenye imbewu yaweleta esigodzini sekuhlushwa. Manje, esigodzini kulapho utfola khona emanti, umhlabatsi lomuhle kunawo wonkhe. Uma utsatsa lomunye umuntu lobekakadze ashaywe wavitsitwa waze wabanayo yonkhe isayensi yetenholo ishaywe yakhishwa kuye, wahlekwa, kwahlekiswa ngaye, lapho lebeyikadze yendlule etigayweni futsi gagaywa yonkhe kuye, kuze kutsi loku lokusansimbi kulungele kutsi kusebente, utotfola kutsi kunemswakama ngalapho. Kunjalo. Esigodzini, lowomfo ugebiselwe esigodzini, wakhahlelwa wakhishwa enhlanganweni yakhe. U “ngaphansi emgodzini wetibi,”

bakubita kanjalo. Niyabona na? Hhayi umgodzi wetibi, kodbwa “sigodzi,” siyafundzisa. Phansi esigodzini, niyati, ngulaphoke la uMnduze ukhula khona, nawo, niyati. Uh-huh. Uh-huh. Kunjalo, niyabona, “Esigodzini.” Kulungile. Lenye yawela esigodzini setinhlupheko, kuvivinywa lokumatima. Lenye yaletotimbewu yawela ekhatsi lapho, sigodzi setinhlupheko, tivivinyo letimatima, ubitwe ngayoyonkhe intfo njengoba uMnduze wabitwa ngekutsi ngu, “Bhelzebule,” kwahlekiswa ngawo.

³²⁵ Kodbwa kulesigodzi yimifula yemanti. Tihlabelelo 1, tatsi, “Ubusisiwe umuntfu.” Ake ngikufundze nje. Ake ngikhombise kutsi yini lekulesigodzi. Ini, Tihlabelelo... Bengicabanga kutsi bengingeke ngibe naso sikhatsi, kodbwa nje sitotsatsa sikhatsi, niyabona, kutsi sifundze loku, niyabona, kutsi sibe naloku lapha. Sitofundza loku futsi sibone kutsi lomuntfu uyini entasi lapha, ngulapho nje la ahlanyelwe khona. Uma ahlanyelwe e... etulu edvwaleni laselugwadvule lolunetintfuli, lapho lokungekho khona mhabatsi nhlobo, noma ngabe uhlanyelwe esigodzini na? Kulungile.

*Ubusisiwe umuntfu longahambi ngeteluleko,
kuhlakanipha...*

Amen. Amen. Amen. Amen.

*...longahambi ngeteluleko talababi,...
longemi endleleni yetoni,... lohlala enkhundleni
nalabahhalatisako.*

*Kodbwa lokutfokota kwakhe kusemtsetfweni
weNKHOSI, Livi; nalozindla ngemtsetfo, Livi, imini
nebusuku.*

*Futsi uyoba njengesihlahla lesihlanyeliwe
ngasemifuleni yemanti,...*

³²⁶ “Imifula.” Yini leyo? Tiphiwo letiyimfica takamoya. Imifula ye “Manti” manye, uMoya munye. EManti manye, kodbwa avela emitfonjeni leyehlukene leyimfica, imifula yeManti. Niyabona na?

*...imifula yemanti, lesitsela sitselo saso, sitselo
saMoya, ngesikhatsi saso; emacembe aso angeke libune;
nanoma yini lakwentako, kuyophumelela.*

³²⁷ Niyabona, lenye yawela phansi kulesasigodzi lapho, lapho lemifula ikhonakhona. Futsi tatsela... Nicaphelile yini? Ngifuna kutfola lenye intfo letsite. Kwentani na? Yawela phansi, emfuleni...

³²⁸ Ayihlelewanga. Uyoba njengesihlahla lesi “hleliwe, saguculelwaa sisuka kuloko siya kuloko”? Wa “hlanyelwa.” Ini? Wamiselwa ngaphambili. Lowomcabango waNkulunkulu, ngaphambi kwekusekelwa kwemhlaba, wambeka lapho. Niyabona na? Asifikelwanga, hhayi nangengoti; kodbwa sa

“hlanyelwa,” samiselwa ngaphambili (ini?) emifuleni yeManti. O!

³²⁹ “Imphandze yaso ayiyubuna.” O, haleluya! “Naloku nje afa, Ngiyomvusa ngemuhla wekugcina.” Kunjalo.

³³⁰ Umiselwe ngaphambili kutsi abe Lapho, hhayi ngengoti nje. Wamiselwa ngaphambili kutsi abambe leloLivi ngesikhatsi Lalihlanyelwa. Futsi uyoba khona lapho. Uma kunamatsela, ulapho. Uhlanyeliwe, akahlohlwelwa nje phansi. Uhlanyelwe mbamba. Kunjalo. Lokunenginengi kwehluka: kuhloma indvuku emhlabatsini, kunekuhlanyela intfo letsite. Kwehlukile. LeMbewu yahlanyelwa; Yatfola imigodzi yetimphandze taYo lucobo. Uma eManti acala kungena futsi avete kuPhila kwayo, uMoya, kucala kutsi . . .

Wena utsi, “Kunetiphiwo takamoya letiyimfica.”

Watsi, “Amen.”

“Jesu, unguye itolo naphakadze.”

“Amen.”

“Usaphilisa nje njengoba Bekahlala akwenta.”

“Amen. Amen. Amen.” Niyabona na?

³³¹ Uhlanyelwe ngasemifulen, imifula ivela nhlangotsitonkhe, imifula yeManti. Akumangalisi angeke abune. Akumangalisi, uhlanyelwe. Letinye taleto tiMbewu tawela laphaya. Angeke ife. Isemifudlaneni yekuPhila ngco. Isolo ikhicita nje. Kunjalo. Idvonsa kuPhila kwayo kuleyomifula, “imifula,” liThestamenti eLisha, liThestamenti leLidzala. Amen. Iyondliwa nje, kuchubeke njalo! O, mnaketfu!

NitoMtsandza na? Amen.

NitoMdumisa na? Amen.

NitoMkhonta na? Amen.

Amen. Amen.

³³² Yebo, mnumzane. Yebo, mnumzane. O, ngiyakutsandza loko! Anikutsandzi na? [Libandla litsi, “Amen.”—Umhl.] Yebo.

. . . utsela sawo, utsela *kwetitselo sawo ngesikhatsi sawo*; . . . (Genesis 1:11)

³³³ “Utsela titselo tawo.” Titselo tini? Titselo tani? Titselo taKhe. Titselo tini? Titselo taKhe luCobo. Kusitselo sini na? LiBhayibheli. Niyabona na? Konkhe kwaLo kulapha. Sitselo, lutsandvo, kulapha eBhayibhelini. Kujabula, lapha eBhayibhelini. Emandla, Moya loNgcwele, tonkhe letintfo leti lapha, kuphilisa kwaNkulunkulu, tetsembiso taNkulunkulu, loko titselo. *Naku lapho Kukhona.* Futsi uma ahlanyelwe kuLoku, loku kuhlanyelwe e—eluhlotjweni lolukahle lwemhlabatsi, ekukholweni. Kwentani kukholwa na? Kukholwa kucala kuKumilisa, amen, kucala kukukhuphula. Niyabona na?

Nguloko-ke; kuyakukhuphula. Impela. “Uyoba njengesihlahla lesihlanyelwe ngasemantini; sitsela sitselo saso ngesikhatsi.”

³³⁴ Manje, hlobo luni lwesitselo lesiyolutsela na? Johane 14:11, Johane 14:11, Watsi, Jesu watsi, “Loyo...” Ngikholwa kutsi ngu 14:12. NaJesu watsi, “Loyo lokholwa ngiMi, lemisebenti leNgiyentako mine naye uyoentu.” Ngani na? LiVi lelifanako likuye. BekaLivi. Ngabe kunjalo na? [Libandla litsi, “Amen.”—Umhl.] “Futsi uma nihlala kiMi, nemaVi aMi akini, celani lenikutsandzako.”

³³⁵ Bengikhuluma neMnaketfu Evans emuva lapho, kungesiko kadzeni. Wenyukela lapha. Ushayela libanga lelidze kangako! Walahlekelwa yimoto yakhe. Wahlala laphaya kaMiller, washiya sikhya kuyo, kwefika lomunye wase uyayeba. Bukanayo yonkhe intfo lebekanayo, kuyo. Uyenuka ke. Yena, yena neMnaketfu Fred, neMnaketfu Tom, labanye babo, beta enhla endlini. Base batsi... Yebo-ke, bekabukeka njengemntfwanyana emukwe liswidi lakhe; yena, nje abhacabulwe wonkhe, niyati. Watsi, “Angati nje kutsi ngitokwentanjani.” Ngatsi, “Yebo-ke,...”

³³⁶ Manje kuyini na? Manje, bayeta, yini intfo yekucala na? Kuya eVini; sicele Babe. “Uma nihlala kiMi, neLivi laMi likini, celani lenikutsandzako.” Ini? Hlalani neLivi, hlalani nje ngco neLivi.

³³⁷ Ngatsi, “Asikhuleke.” Saguca phansi esiyilweni, sase siyacala, sakhuleka.

³³⁸ Futsi siselapho, sasikhuleka, ngatsi, “Babe, ngita kuWe, ngeliGama leNkhosi Jesu. Nangu umnaketfu lokhipha tindleko, losebenta tinsuku letimbalwa nje ngeliviki. Tandla takhe, tonkhe tishayekile, ngekulungisa timoto letindzala letivitsikile netintfo letinjengaloko, kutsi atfole imali leyenele kutsi ashayele emakhilomitha latinkhulungwane letimbili nemakhulu lamabili kuya kulatinkhulungwane letimbili nemakhulu lamane njalo ngeliSontfo, kutsi ete angene emihlanganweni. Unesicuku sebantfwana kutsi abondle. Kumbita cishe, lapha emadolemi langemashumi lamane noma langemashumi lasikhombisa nesihlanu ngeliviki, kwenta lolohambo, kuta ebandleni nje. Niyabona na? Kunjalo. Wenyukela lapha, etama kuva Livi, njengoba sitama kulinga kuLilwela.” Ngase ngitsi, “Manje, lomunye umuntfu lomubi webe imoto yakhe.” KwakuYini na? Ngatsi, “Manje, Nkhosi, ngikhuleka kuWe, mbuyisele imoto yakhe, ngeliGama laJesu Khristu.”

³³⁹ Ngentani na? Ngabeka leloLivi, lesosetsembiso, embikwaNkulunkulu, ngaLinamatsisela ngeluphawu ngeliGama laJesu, ngase ngitfumela Livi. Lasuka Lacondza ngco entasi nemgwaco, laphumela le, layitfolo indzawo lapho kucale khona; njengenja yekutingela emkhondvweni wemgwaja. Niyabona na? Nangu Efika, entasi ngco nemgwaco, akhala njalo.

Wehlela lapho, cishe nje libanga lelinguhhafu kuya kaBowling Green, eKentucky. Yini leyabhoboka na? LeLivi lamtfola.

³⁴⁰ Ngalesosikhatsi nje umbono wambimba wabuya. Ngabona indvodza, ifake lihembe lelibukeka limtfubi, ishayela, umfo lomncane, lowake waba ngumKhristu. LiVi lamshaya. "Wenta lokungakalungi." LiVi lambamba. Watfumela Livi laKhe, niyabona, niyabona, lase liyambamba. "Utobanjwa kuloku, ngalelinye lilanga, nemtsetfo utokutfolo ngekwenta loku. Jika uyibuyisele emuva." LiVi lamtfola. Bekake waba ngumKhristu. Ngambona ayibuyisa lapha, wayibeka eceleni kwsitaladi.

³⁴¹ Ngatsi, "Manje, bazalwane, phumanu nje ngco, indlela letsite *lapha*, utoyitfola imoto yakho. Lindza lapha sikhashana, noko, aze ayibuyise. Manje, bewunelithange leligcwele lagasolina na?"

"Yebo," washo.

³⁴² Ngatsi, "Akunawubakhona nomayini lekhatsatako. Kodvwa kutobakhona hhafu walowogasolina, ngoba itsatsa hhafu wawo, kuhamba. Bekasacishe abesehhafini kuya eBowling Green, cishe—cishe emakhilomitha lalikhulu akhe asebentile."

³⁴³ Ngesikhatsi ayitfola, nguleyondlela leyayihleli ngayo, kona ngco. Kwakuyini na? LiVi lahamba lamtfola.

³⁴⁴ Uyabuya wase utsi, kungesiko kadzeni emvakwaloko, lenye indvodza yatsenga imoto kuye. Yanyamalala futsi yangangibhadali. Niyabona na? Watsi, "Mnaketfu Branham . . ."

³⁴⁵ Ngacabanga, "Lendvodza tatane!" Yayimkweneta emadola langemakhulu lamane. Ngatsi, "Ngiyakhuleka." Ngafumela Livi. LiVi lahamba, laba semkhondvweni wayo, layitfola.

³⁴⁶ Ngesikhatsi, sehla kutsi siyitfole lendvodza. Yona, ingesuye umKhristu, niyabona, yenta—yenta . . . Yahleka. Bayicela, kutsi iye ebandleni, ngalesinye sikhatsi. Yatsi, "Yebo-ke, umshumayeli asashumayela, ngitofuna besifazane labanetinwele letimhoshana lababukekako." Ngako, niyabona, ungeke utfole . . . Ya. Lowo ngu—lowo ngu—lowo ngudeveli, loko kutsi, niyabona. Ngako Livi alikhonanga kubamba kuyo.

³⁴⁷ Kodvwa lentani ke leLivi? Lalisolo liyibukile. Niyabona na? Nje ungakwenti . . . UMnaketfu Welch bekasolo abambelele nje, watsi, "Kutolunga. Kutolunga." Livi layilandzela. Niyabona na? "Uma nihlala kiMi, neLivi laMi likini, celani lenikutsandzako." Niyabona na? Livi layilandzela.

³⁴⁸ Intfo yekucala niyati, munye walabafana bakhe bekahamba ashayela, entasi lapha emgwacweni, futsi kwaba lapho-ke. Bekayibonile lendvodza emotweni, watsatsa inombolo yayo, wajika, wajika wangena, kuMnaketfu Wood. Bayishayela, batfola kutsi kwakukuphi. YayiseBowling Green.

³⁴⁹ Nkulunkulu eZulwini uyati, angizange sengive ngisho linye ligama ngako, ngingati lutfo ngako.

³⁵⁰ NgeliSontfo lelendlulile, kwase kwendlule liviki, ntsambama, ngesikhatsi sesicedzile kushumayela lapha, ngenyukela lapho ngase ngintjintja timphahla tami, ngase ngilungela kuya eFlorida, ngentela i...noma entasi... UMnaketfu Welch, kwentela umhlangano ngalobobusuku lobulandzelako. Nangingena emotweni, ngayibona leyondvodza. Ngatsi, “Mnaketfu Welch...” Angikakhoni kumtjela, manje. Ufanele ente umnyakato, cobo lwakhe, niyabona, njengaMeda nje bekafanele ente sincumo sakhe lapho. Niyabona na? Ngatsi, “Sitokwendlula eBowling Green.”

Watsi, “Loko kutsi akube makhilomitha langemashumi lamane nesiphohlongo kuphuma endleleni.”

³⁵¹ Sachubeka sehla ngemgwaco. Ngacabanga, “O, yena—yena, uto—utoyitfolo. Niyabona na? Utoyitfolo. Niyabona na? Utufanele ayitfole nje.”

³⁵² Sachubeka sehla. Dzadze Evans nami...Futsi emvakwesikhashana, watsi, “Uyati, Mnaketfu Branham,” watsi, “benginenhloko lelukhuni yini?” Watsi, “Utse iBowling Green, esikhashaneni lesendlulile.”

“Ya.”

³⁵³ Watsi, “Uyayati leyondvodza lenemali yami, yabaleka nayo na?”

“Yebo.”

³⁵⁴ Watsi, “IseBowling Green. Bengicabanga ngako. Nje... Nginentfo lapha. Ngitokugucula, ngitfole kutsi ikuphi. Ngitobese-ke sengiyajika...” Ngatsi... .

³⁵⁵ Ngatsi, “Ungantanjani na? Ungachubeka wehlele lapho, utfole imali yakho na?”

³⁵⁶ Manje, niyabona, uma ngimtjela, khona-ke...Niyabona, unentfo letsite lafanele ayente, cobo lwakhe. Niyabona na? Unentfo letsite lafanele ayente. Angikhonanga kumtjela. Kube ngake ngakwenta, kwakutobhidilita lombono khona lapho. Niyabona na? Ngako ngadzingeka ngiyekele...Niyabona na? Kufananjenge... .

³⁵⁷ Wamelani Jesu lapho, atsi kuMariya naMarta, “Susani lelitje”? Ngani, BekanguNkulunkulu. Bekangatsi, “Litje, ungabe usabakhona,” futsi lalingeke libe lapho. Kodvwa bekanentfo letsite lebekafanele ayente.

³⁵⁸ Wamelani Yena lapho, abuke etukwesivuno na? Niyakholwa kutsi BekayiNkhosi yekuvuna na? [Libandla litsi, “Amen.”—Umhl.] Watsi kubafundzi baKhe, “Ncusani iNkhosi yekuvuna, kutsi Itotfumela tisebenti esivunweni saYo.” Ngalamanye emagama, “Celani Mine kutsi ngente leNgitokwenta.” Niyabona na?

³⁵⁹ Siboshomi. Si—si... LiBandla. Sinentfo letsite lesimele siyente, cobo lwetfu. Ninentfo letsite lenifanele niyente. Nali liVangeli, ngiyaLati, kodywa nje uma nihlala lapha futsi ningaLishumayeli, yini lenhle leLitoyenta na? Niyabona na? Ninentfo letsite lenifanele niyente. Nifanele nente umtambo. Nifanele... Wena utsi, “Yebo-ke, ngiyakhholwa kutsi Nkulunkulu angaphilisa, kodywa nje angati.” Sukuma futsi uvumele leloLivi libe livi lakho. Likholwe. UngaLizindli; Likholwe nje.

³⁶⁰ Ngatsi, “Yebo-ke...” Ngangati, kube bekangakahambi, bekatolahlekelwa ngiyo. Ngatsi, “Uma bekungimi, uma bekungimi, bengiyohamba ngiyilandze imali yami khona manje.” Futsi wakwenta. Ngesikhatsi avusa indvodza embhedzeni, yayinemali letsite. Yavele nje yabitela ngalapha makhelwane, yatfolia yonkhe yayo lesele, yayikhokha yonkhe.

³⁶¹ Kuyini na? Livi. Niyabona, uma Lingatfolia indzawo, Lingajika. Manje, yintfo lefanako ekuphiliseni kwaNkulunkulu.

³⁶² Manje, uma-ke uMnaketfu Welch bekatsite, “Yebo-ke, angicabangi kutsi ngitokwehla; ngicabanga kutsi nje ngitohamba ngalenye indlela.” Uma-ke lowomfo atsi, “Yebo-ke, angiyi ngephandle lapho la leyomoto ingekho”? Niyabona na? Ngeke kwenteke.

³⁶³ Kodvwa ufanele ukholwe. Ufanele ukukholwe. Futsi loko yi... Khona-ke loko kuwela esimeni sekukholwa, futsi kufanele kukuverte. Kufanele nje kubenjalo. O, loko yi...

³⁶⁴ Nike nacabanga ngekutsi, uma lotsite avuswa kulabafile, kwentekani na? Nike nacabanga, eFinland lapho, lesosikhatsi lowomfana lomncane avuswa kulabafile na? Umoya wakhe wawungasekho kuye. Manje, Livi lifanele liphume, lidzabule emkhatsini longenamkhawulo ngaleya, lase litsatsa lowomphefumulo lomncane lase liyawubuyisa ngco. Engabe Lingakwenta kanjani na? LiVi, “Uphilise labagulako. Uvuse labafile.” Niyabona na? Utokwenta kanjani Yena? Kutofanele kufike ngeLivi leliniselwe. Bekakhombise umbono, futsi kutofanele kwenteke. Nako kulele lomfana. Nayo yonkhe intfo ilele lapho ngendlela nje Layisho ngayo, iminyaka lemibili ngaphambili. Futsi nako kwakulele. Kungalesosizatfu ngisho ngelibhele lehla egcumeni, nomangabe kwakuyini: kutofanele kwenteke, kutofanele kubenjalo nje. Niyabona na? Lenta ini? Livi!

³⁶⁵ Ngatsi, “Babe loseZulwini, emaveni endzabuko, Washo kimi, cishe eminyakeni lemibili leyendlula, kutsi lomfana lomncane uyovuka kulabafile. Ngako-ke, etikwetisekelo teLivi laKho, setsembiso saKho. Kwekucala, Livi latsi, ‘Letibonakaliso leti tiyobalandzela labakhawlako.’ Watfumela bafundzi baKho phambili, Wena, wase ubatjela kutsi ba ‘philise labagulako, bavuse labafile, bakhiphe emadimoni.’ Ngako-ke, ngembono,

Wangikhombisa eveni lendzabuko kutsi yalomfana lomncane... bekatobuye aphile futsi."

³⁶⁶ "Ngako-ke, kufa, ungeke usambamba sikhatsi lesidze. NgineLivi leNkhosi."

³⁶⁷ Hhayi mine; angisilo Livi. Yena uLivi. Niyabona na? Uma bengiLivi... Munye kuphela uMuntfu lobekangaba Livi, lowo kwakunguJesu. BekaLivi laNkulunkulu lelikhulunyiwe, ngekutala kwentfombi ntfo. Mine ngiyimphendvuketelo, niyabona, ngi—ngiyimiphumela yekuhlanganiswa emkhatsimi wababe wami namake. *Loku* kutofanele kufe; *lowo* ngimi, niyabona, lomtimba utofanele ufe.

³⁶⁸ Kwakungenjalo, ngaJesu. BekaLivi. Watalwa, yintfombi ntfo. Mnaketfu, akekho wesifazane, wesilisa, noma lutfo lolunye, lwalungakahlangani ngalutfo naYe. Lowesifazane bekangumshini wekuchobosela, kunjalo, futsi Wamunya libele lakhe, nakanjalonjalo. Loko kungahle kube kwakuliciniso ngaloko. Kodvwa, ake nginitjele, BekanguNkulunkulu. Nguloko LebekaNgiko. Kwakungekho kulaiana ngako, nhlobo. Wadzingeka abe ngulokhululekile ekulalaneni, kute aletse kuPhila ngaleyeoNgati; njengoba sitofinyelela kuko, emizuzwini lembalwa. Futsi Bese-ke, bukani, BekaLivi.

³⁶⁹ "Kodvwa Livi leNkhosi..." Baprofethi bekangesilo Livi. "Kodvwa Livi leNkhosi leta *kubaprofethi*." Hhayi... Bebangesilo Livi. LiVi leta *kubo*.

³⁷⁰ Nguleyondlela leLisenta ngayo tsine namuhla. Ngesikhatsi Livi lifika ngalowomfana lomncane, kwakuyini na? Umbono. Kwakuyini ngelibhele na? Kwakuyini ngaleti letinye tintfo na? Konkhe, umbono. LiVi leNkhosi, leta kuko. Ngako-ke kwentani na? Kubambelela lapho.

³⁷¹ Manje, kufanele kukhulunyiwe, kucala. "Kufa, mbuyise. NgeliGama laJesu Khristu, ngitfumela leloLivi." Liyabamba, njengoba nje Labamba lowomfana ehlela lapha eBowling Green, naleyomoto leyebiwe. Nali Liwelela *lapha* futsi libamba phindze. Lenta ini Lona? Libamba lowo—lowomoya lomncane, liwubuyise ngco lapha, futsi liwetfule emtimbeni, njengoba nje Livi latsi Laliyokwenta. Nako ke. Kwentiwa yini na? Kukholwa, hhayi kwati.

³⁷² Wena utsi, "Manje ake sibone. Umoya wentiwe *ngekutsi-nekutsi*. Kune esidi lengaka. Kunegesi lengaka. Kunekhanya i-khosmikhi lokungaka. Ngingakutfolo loko. Futsi mhlawumbe uma ngi..." O, u—u... Udlala ngesikhatsi.

³⁷³ Hhayi kuhlakanipha; kukholwa! Hhayi kuhlakanipha; kutokutjela kutsi kungeke kwentiwa. Kukholwa kuyafakazela kutsi kuyentiwa, niyabona, kunjalo, kuhkombisa kutsi Nguye itolo, namuhla, naphakadze. Kulungile.

Asisheshise manje. Sifanele sisheshise.

³⁷⁴ “Utsela titselo teluhlobo lwaKhe.” Johane 14 uyasho, kutsi, “Loyo lowenta yaMi... Loyo lokholwa ngiMi, lemisebenti, letibonakaliso leNgitentako...”

Manje, wena utsi, “Ngabe loko tibonakaliso Latentako na?”

³⁷⁵ Waya endlini lapho intfombatane lencane, lekungiyi kuphela indvodzakati yemfundisi, yayilele khona; ifile, ibandza, iphaphatsekile, ilalisiwe. Mhlawumbe kwakukadze sekube ngema-awa lambadlwana ifile ngaphambi kwekutsi Efike lapho. Bebayilalise embhedzeni lomncane, balungiselela kuyitsatsa, bayigcobise sidvumbu sayo ngemitsi. Jesu wahamba wangena ngco ekamelweni lapho yayikhona, kanjalo. Bebalila futsi bakhala kanjalo. Wabakhipha bonkhe, watsi, “Phumanzi lapha. Phumanzi.” Watsi, “Wota lapha, Phetro, Jakobe, naJohane. Ngiyati niyakholwa.” Watsi kulobabe, “Ukholiwe, noma nakungenjalo bewungeke ute uNgilandze.”

Nalomake watsi, “Nkhosi, ngiyakholwa.” Niyabona na?

Watsi, “Mani lapha.”

³⁷⁶ Wabuka. Ngephandle lapho kwakume intfombatane lencane—lencane. Watsi, “Thabitha,” lokukutsi, “ntfombatane.” Haleluya! Akadzingekanga kutsi akhuleke. BekaLivi. Uh-huh.

³⁷⁷ Angidzingi kutsi ngikhuleke, uma ngingabona umbono, ngoba Livi selivele lilungisile. Ngidzingeka kuba ngikhuleke, kutsi ngitfole Livi, ngitfole lokushiwo nguNkulunkulu. Khonake sengingaLikhuluma, emvakwekuba sengitfolo kutsi Utsiteni.

³⁷⁸ Kodywa BekaLivi. Amen. “Ntfombatane, Ngitsi kuwe, vuka.” Wayisukumisa, ngesandla. Nguloko-ke. Niyabona na? O, hhe!

³⁷⁹ Loko kubonakaliswa. “Ivete inhlobo yayo.” Jesu watsi, “Loyo lokholwa ngiMi, lemisebenti leNgiyentako mine naye utoyenta.”

³⁸⁰ Ngako, leti, niyabona, tonkhe letintfo leti talamahlelo netintfo, tinetintfo letinjalo letisesibumbatseni lesinjalo senkhucunkhucu nesono, njengesibeletfo semhlaba nje sinalokudaliwe. Kunjalo. O, hhe! Kungenteka kanjani na? Lingamila kanjani Livi laNkulunkulu leliciniso kulaba labaphungule tinwele, labagcoka tikhindi, lababhema sikilidi, baphanyeki bemdlalo webhowlingi, bajoyini bemabandla na? Lingakwenta kanjani, uma labatsandza injabulo labanjalo, -labafuna ticuku letinjalo, balibala ngephandle futsi batsandze tintfo letinjengaloko, nekutsandvwa kwelive na? Lungangena kanjani lutsandvo lwaNkulunkulu na? Ingamilia kanjani iMbewu yaNkulunkulu emhlabatsini lonjengalowo na? Ayiyuze yatsatsa mphandze. Ayiyuze yaletska noma ngukuphi kuPhila kuyo. Iyolala lapho kulawomadvwala lamadzala elihlelo lanetintfuli futsi ibole, kodywa ingeke yaletska kuPhila. Yebo, mnumzane. Yebo, mnumzane.

³⁸¹ Bafuni benjabulo, “Labatsanza injabulo kunekeutsanza Nkulunkulu.” Kuyesabek! Kepha noko, bakhaphile. Bakhaphile ngalokuphindvwe kabili njenge—njengalelinye lizinga. Impela. Bakhaphile, bafundzile, bafuni-bekuhlakanipha, njengoba bekanjalo nje Eva, futsi banelitsamo lemutsi lofanako lebekanawo, impela nje. LiCiniso.

³⁸² Bewungaphila kanjani umnduze, iMbewu yemnduze iphile futsi imile, lapho izabalaza emantini lamanengi, imile kulelinye lalawomahlelo lanetintfuli na? Bewungakwenta kanjani, lapho uzabalaza eMantini. EManti nguMoya. “Banesimo sekumesaba nkulunkulu, kepha baphika emandla aMoya.” Niyabona na? Naloku nje Livi liwela kubo, Lingeke lamila. Lingeke lamila. Njengoba nje Livi laliku-Eva, kodvwa aLikhonanga kumila. Ngani na? Wemukela kuhlakanipha, kuhlakanipha kwaSathane. Livi lita kubo. LiVi liwela etikwabo. Impela, Liyakwenta. Yebo, mnumzane. Liyamila...Lona, Liwela kubo. Bangaliva Livi lishunyayelwa.

³⁸³ Nike nababona bantfu bahleti ebandleni, abayuze bente umnyakato na? Ushumayele kubesifazane ngetinwele letiphunguliwe; umnyaka nemnyaka, wendlulile, basolo banetinwele letiphunguliwe. Ukhulume kubeselisa ngekubhema, besifazane ngekunatsa; bachubeka banatsa ngco, ngalokufanako nje. Kunjengekutsela emanti emhlane welidada. Alinandzawo yekumila. Niyabona na? Kunguloko kufuna injabulo lokudzala, kutsandvwa bantfu, “Yebo-ke, vumela bonkhe lalabanye besifazane bakwente kucala, ngitobese ngiyakwenta-ke nami.” Angikhatsali kutsi bentani. Ngumsebenti lomiswelw wena kulandzela Livi laNkulunkulu. Kunjalo. Niyabona na?

³⁸⁴ Naloku nje Livi liwela kubo, Lingeke lamila. Kuhlakanipha kwaSathane, niyabona, ngako kuba lutfuli lwelihlelo nje. Bangeke bakholelwa kumaHebheru 13:8, bonkhe bakhukhumaliswe kuhlakanipha, akukho lutfo kwaLo kutsi limile kuko. Niyabona na? Bangawakholwa kanjani emaHebheru 13:8, “Jesu Khristu nguye itolo, namuhla, naphakadze”? Bebaneke bakwente. Niyabona na?

³⁸⁵ O, batsi bayalikholwa. O, ubatjela Lelo, batsi, “Impela, siyalikholwa.” Ngako-ke ngikhombise titselo takho. Angikubone kwentiwa. Angibone libandla lolishumayelako, lenta loko labakwenta eBandleni lekucala lebaphostoli ngalesosikhatsi, labalikholwa Livi.

³⁸⁶ Nishwila imibhabhatiso yenu. Nishwila bufakazi benu lobunengi lobubonakalako. Nibenta bufanelane nalolunye luhlobo lwesivumokholo; esikhundleni sekutsatsa Livi, Livi alitsele sitselo saLo lucobo. Nente lolunye luhlobo lwentfo lenifanele niyente, kuniletsela bufakazi lobubonakalako baLo. NaSathane angahumusha bonkhe bufakazi lobubonakalako

lofuna kubuveta. Impela, angakwenta, angakwenta sibili. Kodvwa angeke aliveta Livi. Nguleyonto yinye lemshisa imcedze. Angeke nje akwente loko. Yebo, mnumzane. O, ya.

³⁸⁷ Manje bukani Khayini na-Abela. Bobabili bekacotfo. Khayini watsatsa, ngekuhlakanipha kwakhe, emvakwelibandla lelingunina, Eva. Lowo kwakungunina. Bangakhi lowatiko kutsi Eva bekangunina waKhayini na? [Libandla litsi, "Amen."—Umhl.] Impela. Kulungile. Njengenina, watsatsa umzindlo, niyabona, kuhlakanipha, kuhlakanipha kwakhe lucobo. Umhlatjelo lomuhle; bekanetimbali. Bekanesitselo sensimu. Watsi, "Yebo-ke, manje, impela, niyabona," watsi, "Nkulunkulu..." Kwakunjengoba nje Sathane atsi ku—ku-Eva, "Impela, impela..." "Impela Nkulunkulu utowemukela umhlatjelo wami. Ngakhe li-altari lelitsandzekako. Nginalo lelibukeka kakhulu. Lihlotjiswe kakhulu."

³⁸⁸ Njengoba nje leliPhasika litoba njalo, batochitsa tigidzi temadola, esiveni sonkhe, kutsi babeke timbali teliPhasika etikwalamanye ema-altari. Li-altari alentelwanga timbali; lemhlajelo. Niyabona na? Kuyakhombisa nje lowomoya lomdzala lofanako waKhayini, niyabona, lomdzala lofanako—lomdzala develi kusukela e-Edeni. Niyabona na?

³⁸⁹ Kwe—kwentekani na? Khayini wacabanga, "Impela..." Niyati lendvodza yayicotfo, ngoba kwakusho kuPhila noma kufa, kuyo.

³⁹⁰ Futsi, labobantfu, angicabangi kutsi babazenzisi. Bacotfo. Wena utsi, "Khona-ke, bebangaba cotfo kepha babeneliphutsa?" Impela. Indvodza beyinganatsa i-arsenikhi, ngebucotfo icabanga kutsi inatsa ikhasta oyili noma intfo letsite, lenye intfo letsite. Niyabona na? Kuba cotfo; loko akukwenti. LiCiniso, hhayi bucotfo. LiCiniso!

³⁹¹ Labo besifazane laphaya e-Afrika, banikela getinswane tabo letincane kubonkulunkulu, tingwenya. Ngabe nicotfo kangako na? Cha. Bangakhi babo labemako, emaShayina, ephula ematsambo awo, kubonkulunkulu basekhishini! Futsi kanjani ngebakaMohamede nasetulu ekhatsi lapho, nalabahamba emlilwени na? Futsi babeke tintfo, o, ahhuke inyama, emilonyeni yabo na, bese batfunga umlomo wabo ngci.

³⁹² Nalabanye babo babeka indvuku...Nginembato etulu lapho, sitfombe lesincane, indlela lanikela ngayo kunkulunkulu wakhe, kucabanga kutsi utoya eZulwini. Umphristi ufaka indvuku emlonyeni wakhe, ayitongolotele enhloko yakhe, ngeluketane; ehle, abeke tandla takhe emvakwakhe, abophe ngeluketane tinyawo takhe. Akanatsi, akhulume, adle, nanoma lutfo lolunye, aze afe.

³⁹³ Niye niwabone nomangumaphi emaKhristu enta umhlatjelo lonjengalowo? Ungeke ukholwe ngisho neliCiniso, Livi. Niyabona na?

³⁹⁴ Manje, “Buhle,” watsi, “impela Nkulunkulu utomukela. Buka kutsi li-altari lami libukeka kanjani.”

³⁹⁵ Niyawubona lowomoya lofanako namuhla, wekuhlakanipha na? “Yebo-ke, uma sakha lelihlelo lelikhulu, impela Nkulunkulu utosemukela.” Angeke aze emukele lutfo ngaphandle kweLivi laKhe. Cha. Niyabona na?

³⁹⁶ “Yebo-ke,” batsi, “manje, buka, Mnaketfu Branham, uma si—uma sikhiphia bashumayeli labanengi *kangaka* umnyaka ngamunye. Luhlelo lwetfu lwetitfunywa tenkholo, ngemnyaka lowendulile, lugijime lwendlula emadola latinkhulungwane letilikhulu.” Loko kungahle kubekuhle kakhu nanini nanini, mnaketfu, kodywa ufile ute uvume leloLivi futsi ute kuLo. Kunjalo impela.

³⁹⁷ “Ngani, Mnaketfu Branham, libandla letfu! Ucabanga kutsi uyini wena, ingcondvo lencane nje lengangelintongomane entasi lapho na?”

³⁹⁸ Lelo liciniso. Manje, loko kunjalo impela. Lelo liciniso. Kodywa, noma ngabe ngiyini, angihlale naleloLivi. Liyomila libe yintfo letsite, ngalelinye lilanga. Niyabona na? Hlala naleloLivi nje, akunanzaba kutsi kuyini. Asinalutfo kuperhela lelitabernakeli lelincane lapha. Lelo likhulu nje njengoba sidzinga, ngaso lesikhatsi samanje, indzawo nje yekuhlala, ngoba sibheke Jesu kutsi efike.

³⁹⁹ Asifuni kwasahlelo lelikhulukati kutsi sicitse tigidzi minyaka yonkhe, etakhiweni netintfo letinjalo; nebantfu betama kushumayela Livi, bahlupheka ngaphandle lapho, bangenalutfo labangaludla, netintfo letinjalo. Yini indzaba ngebantfu na? Akusiko... O, kubukeka kwangatsi bantfu bebangaphaphama.

⁴⁰⁰ Kodywa, noma ngumuphi umuntfu lobekangemukela buKhatolika, bekangabe uphumphutseke ngalokwenele kwemukela noma yini. Ngitonitjela liCiniso. Noma ngumuphi umuntfu loyovumela loko kwehle ngentsamo yabo, bekunga—bekunga... “Tihlakaniphi,” akumangalisi, liBhayibheli latsi, “ngisho nemakhosi emhlaba aphiingile nayo.” Netihlakaniphi, kwati, niyabona, futsi tiyakwenta, labobaphristi, emadvodza lakhaliphile. O, ndvodza, ukhuluma ngalabafundzile na? Mfana, bafanele babe neminyaka, ngeminyaka, ngeminyaka, ngeminyaka.

⁴⁰¹ Batsi abahlali nalawo masistela. Ngako-ke ngifuna kunibuta intfo letsite. Kungani bangabi tinyumba pho? Uh-huh. Uh-huh. Uh-huh. “BanguMlobokati, loko lapho. Emasistela nguMlobokati. Nalowo nguMyeni, kusobala, niyabona.” Kunjalo. Wesifazane lophetse tenkholo utibulala ngekutekhama letotinswane bese utifaka emgodzini welutfunyela. Anikukholwa na? Lalelani kuyangempela, leke yabasekhatsi lapho, ifakaza ngako. Utsi, “Manje awusho, vumela umtsetfo ungibophe.”

⁴⁰² Futsi batsi, "Sitokwenta intfo lefanako labayenta eRussia, intfo lefanako leyentiwe eMexico. Sitoyichumisa leyontfo iphumele ebeleni, uma sekufika kuhulumende."

⁴⁰³ Kodvwa nitokwenta kanjani manje uma sibe sinenhloko yako khona lapho kahulumende? Niyabona na? Niyabona na? Loko kukutsi leloLivi litofanele ligcwaliiseke, "Bahlela umfanekiso ngalapha, kulesosilo lesasihleti lapho. Futsi bobabili bacocisana ndzawonye base baniketa emandla kulesilo lesi, kutsi sikhulumene." O, mnaketfu, leloLivi litoma khona lapho. Akusibo bukhomanisi lobutokwengamela, kodvwa buRoma lobutokwengamela. Uh-huh.

⁴⁰⁴ Manje bukani lapha kuloku. Khayini watsi, "Impela Utowemukela umhlatjelo wami." Kodvwa hlobo luni na? Watsi "Ngente umhlatjelo." Kodvwa hlobo luni lwemhlatjelo lolwalungiwo na? Indalo yalokumilako lokutitfombo: *tihlahlha, timbali, tibhidvo*. Indalo yalokumilako lokutitfombo, (ini?) akukho kuhlupheka kuko, akukho nhlawulo.

⁴⁰⁵ Bantfu abafuni kuhlupheka. Nguleyo indzaba namuhla. Bayeta, beta khona manje bese bakholwa leLivi leli, uma bebangeke baphume ebandleni labo, uma bebangeke bahlekwe, kuhlekiswe ngabo. Cha. Bafuna indalo yalokumilako lokutitfombo, lolunye luhlobo lwekuhlakanipha. "Yebole, *lokuphila loku kuhle nje njengaLoko*." Akunjalo. Ngitonikhombisa lapho loko lakuvela khona, emzuzwini nje, iNkhosi itsandza.

Kodvwa, "Abela, ngekukholwa." Ludvumo!

⁴⁰⁶ Khayini, ngekuhlakanipha, watsi, "Impela Nkulunkulu utokuvuma loku. Nali li-altari. Nginelibandla." Lingulokoke libandla, li-altari, indzawo yekukhontela. Kulungile. "Ngine altari. Ngitokhonta ngebucotfo nje njengemnaketfu. Futsi nginentfo letsite lenhle lapha yalo. Impela Nkulunkulu utowemukela." Leyo yintfo lefanako develi layitjela unina; emanga lafanako, kuhlakanipha.

⁴⁰⁷ Manje, Abela. EmaHebheru 11 atsi:

Ngekukholwa Abela wanikela kuNkulunkulu ngemhlatjelo lomuhle kunalowo waKhayini, . . . yena noma afile, noko yakhuluma.

⁴⁰⁸ Niyabona na? "Abela . . ." Ngani na? Kuhlakanipha? Ngesayensi yetenkholo na? "Ngekukholwa wanikela kuNkulunkulu ngemhlatjelo lomuhle." Ngekukholwa kukuphi na? Ngekukholwa kukuphi na? Nge . . . Bekanako kukuphi kukholwa kwakhe na?

⁴⁰⁹ Lapho, uyise nenina nje, yena nemnakabo langatalwa naye, kwakungaba kanjani emhlabeni na? Bekanga—bekangakutfolaphi na? Bekanekukholwa kukuphi na? Kukholwa endalweni lemilako yetitfombo, kukholwa *kuloku*? Cha,

mnumzane. Bekanekukholwa eVini. Ngoba, bekafuna kwati kutsi kungani bekangephandle kwaleyonsimu. “Sakhishelwani na?”

⁴¹⁰ Make bekatotsi, “Ngoba ngalalela emanga adeveli. Ngoba lomfana *lona* lapha watalwa ngendlela *lenje-kanje*, kungako Nkulunkulu asikhipha.”

⁴¹¹ “Yebo-ke,” watsi, “Ngingeke ngisho ngefika ngasesangweni. KuneliKherubi lapho, linenkemba, lilindze lesoSihlahla sekuPhila.” Ngako, ngekukholwa!

⁴¹² Niyabona, ngekuhlakanipha, Khayini wanikela, niyati, angalati Livi, kodvwa nje wacabanga, ngekuhlakanipha. Wenta indzawo lenhle, futsi wayenta yabukeka futsi yayiyinhle.

⁴¹³ Kodvwa, “Abela,” akukho muntfu lowamjtjela, manje, umfana nje, “ngekukholwa wabona kutsi kwakungesiko kuphila kwetihlahla; kwakuludzaba lwekulalana, ngengati.” Nako laph’ukhona, mnaketfu. Klabhuta ngetulu kwaLoko, kanye.

⁴¹⁴ Ngekukholwa bantfwana baKhe usakubona. Akazange akufundzise ngekuhlakanipha lokutsite manje. Akuveli ngekuhlakanipha. Kuvela ngekukholwa. LiBhayibheli latsi, “Abela, ngekukholwa.”

Wanikela ngani na? Ingati, levela ekuphileni lokuphilako, kuphila kwesilwane.

⁴¹⁵ Sisilwane natsi, cobo lwetfu. Sisilwane lesinengati lefutfumele. Loko kunjalo impela. Luhlobo loluphakeme kakhulu, silwane lesiphakeme kunato tonkhe, kodvwa kunemphefumulo ekhatsi lapho. Kunguloko-ke kuphila.

⁴¹⁶ Manje caphelani. Ngekukholwa Abela wabona sambulo, umbono, wase uletsa lephilako, ingati lehambako, ngoba kuphila kwakusengatini.

⁴¹⁷ Kuphila kusesicwini se—sembali. Futsi indalo yalokumilako lokutitfombo, lokungenamizwa. Bengisematsebeni kutsi loko bekutocwila. [Libandla litsi, “Amen.”—Umhl.]

⁴¹⁸ “Abela, ngekukholwa,” ahlala neLivi. Ngekukholwa, hhayi ngekuhlakanipha. “Ngekukholwa wabona kutsi kwakukulalana, ingati.” Lesakhi-ngati sivela kuwesilisa. Lendvodza inesakhi-ngati esidvodzeni. I-himoglibhini yingati, iphuma ngewesilisa. Na-Adamu wati kutsi kwakungesiwo emahhabhula, nemampentjisi, nemazambane, noma noma ngabe kwakuyini, lokwabakhipha ensimini yase Edeni, lokwabangela sono. Kwakukulalana, ingati, futsi wanikela ngekubuyisa ingati. Ngekukholwa ukwentile, hhayi ngekuhlakanipha.

⁴¹⁹ Itokwenta kanjani indvodza, ngekuhlakanipha, ikucondze, libe liBhayibheli lonkhe neliBandla laNkulunkulu lonkhe lakhelwe etikwesambulo sebuNkulunkulu, ngekukholwa na? “Etikwalelidvwala Ngitawulakha liBandla laMi.” Niyabona na?

⁴²⁰ Huh! “O,” batsi, “impela, siyalikhola Lelo.” Pho kuphi kuPhila kwaKhristu kuletimu leti? Kuphi kuPhila kwaKhristu? Kwesibili... Nifuna kubhala leminye yalemiBhalo phansi. Niyabona na? Kuphi kuPhila na? Uma... Batsi, “Yebo-ke, siyakhola. Siyakhola. Siyakhola.” Uma nikholwa, pho...

⁴²¹ Jesu watsi, “Letibonakaliso leti tiyo,” hhayi kutsi tingahle, “tiyobalandzela labakholwako.” Jesu watsi, “Uma umuntfu akholwa ngiMi, lemisebenti leNgiyentako mine, naye utoyenta. Loyo lokholwa ngiMi, lemisebenti leNgiyentako mine naye utoyenta.”

⁴²² Angeke nje ahambe adlala. Uyokwenta. Kungenteka kanjani na? Ngoba, nako kona kanye lokuPhila lokukuKhristu, kukini. Akuyikuveta noma ngukuphi kuhlakanipha; angeke kumile kuko. Kutofanele kuphike kuhlakanipha, kutsi kutsatse ku-kukholwa. Kukholwa eVini, hhayi kuhlakanipha eVini. Kukholwa eVini!

⁴²³ Sathane unekuhlakanipha lokunengi kuleloLivi kunanoma ngumuphi, bonkhe bashumayeli baphonswe ndzawonye, baphristi nayo yonkhe intfo.

⁴²⁴ Unalokunengi kuhlakanipha, kodvwa angeke abe nekukholwa. Kukholwa kuyoLenta liphile. Kukholwa bekungamenta aphendvuke, kuyomenta asuke enhlanganweni yakhe. Hum! Unekuhlakanipha, ngako uhlala nako nje. Kulungile.

⁴²⁵ “Kodvwa Abela ngekukholwa wabona kutsi kwakusento sekulalana, wase unikela ngengati, kuphila kwengati, naNkulunkulu wayemukela.”

⁴²⁶ Manje, kuThimothi wesiBili 2, 3, kwatsi i... Livi lita kubo manje. Liywela emhlabatsini lomubi. Niyabona na? “Banesimo sekumesaba nkulunkulu, kodvwa emandla aka bayawaphika,” emandla aMoya. Thimothi wesiBili 3, uma nikubhala phansi. Kulungile. “Benesimo sekumesaba nkulunkulu.”

⁴²⁷ Tibonakaliso taMoya loyiNgcwele tekuPhila lokuPhakadze, bayakuphika Loko. “Bantfu abakafaneli bakhulumu getilimi. Cha. Ayikho intfo letsiba kuphilisa kwaNkulunkulu, umbhabhatiso waMoya loNgcwele. Letotintfo kwakukwebaphostoli.” Banesimo!

⁴²⁸ Pawula watsi, akuprofetha. “Ngetinsuku tekugcina, tikhatsi tekugcina, letintfo leti tiyokwenteka.” Hhayi ngaleto tinsuku tabo. “NaMoya usho ngalokucacile: ngetinsuku tekugcina, tinsuku takamuva, labanye bayokhwesha ekuKholweni,” nato tonkhe letintfo leti. Niyabona na? Nako lapho, “Banalesosimo sekumesaba Nkulunkulu.”

⁴²⁹ Manje, tingamila kanjani tibonakaliso taMoya loyiNgcwele tekuPhila lokuPhakadze kulolotfuli lwebufundisi, lapho ungekho khona uMoya wemanti, nhlobo na? Niyabona na?

Ngeke limile emasimini yekudlala yebuhlelo, nekuhlakanipha, nekutsakasa. Tingamila kanjani tibonakaliso netimanga taNkulunkulu lophilako kuwe—kuwesifazane longenabo bucotfo lobulula nje kutsi atiphatsise kwadzadze na? Ngifuna kunibuta loko. Lingamila kanjani Lona kuwesilisa lotokuma epulpiti futsi, amele nje lithikithi lekudla lelingasiti noma lokunye kutsandzeka kwelihlelo, agege liCiniso laNkulunkulu na? Tingakulandzela kanjani loko tibonakaliso tamoya na? Ngeke setikwente.

⁴³⁰ Lingamila kanjani—kanjani kumshumayeli loyotsatsa lihlelo lakhe alehlise, abahlubule konkhe, elusentseni lapho na? Nalapha ngalolobunye busuku, endzaweni letsite ngendlulile nje itolo ebusuku, esifundzeni semfundisi lesitsite, futsi banalomkhulu umdanso welizinga ekhatsi lapho, bachubeka, tingamila kanjani titselo taMoya endzaweni lenjalo njengaleylo na? Kusedvwaleni lebafundisi, kunjalo, futsi akusiko esigodzini setinhlupho, kutsi bahlekwe futsi kuhlekiswe ngabo.

⁴³¹ Umnduze uyakhandleka kamatima. Niyayikhumbula inshumayelo yami kungesiko kadzeni, eminyakeni lembalwa leyendlulile, ngeMnumz. Mnduze. Uyakhandleka. Lapho, Jesu watsi, “Angenta kanjani...khandleka, awuphotsi, kepha noko Ngiyasho kini: kutsi Solomoni, bonkhe bukhatikhati bakhe, bekangakembatsisi kwamunye.” Kutsi lowomnduze udvonsa kanjani, kutsi utente ubukeke, (wentelani na?) kutsi nje unikele. Loyo lowendlulako, uyahosha, anukise emakha. Inyosi indizela enhlitiywени yawo ngco bese itsatsa lona kanye nje luju ilususe kuwo. Uluniketa ngesihle nje. Uyakhandleka, kutsi ukwente.

⁴³² Haleluya! Leyo yindvodza sibili yaNkulunkulu, uMfundisi Mnduze, uMfund. Mnumz. Mnduze, yebo, mnumzane, lokhandleka eVini, alale ngebuso bakhe futsi akhale kuNkulunkulu, “Nkulunkulu, angiboni lapho *loku* kutohlangana khona *lapha, lapha*. Kutofanele kufike ngeLivi.” Uma ukubona, naNkulunkulu akuphe kona, khona-ke hamba ngekukhululeka. Hhayi kuba nemkhankaso lotsite lomkhulu, “Uma ningicinisekisa ngemadola latinkhulungwane letinengi kangaka, ngitokuta.” Kodvwa, ngesihle, “Uma kuyiTimbuktu noma ngabe kukuphi, Nkulunkulu, lapho Ufuna khona nighlanyele iMbewu, NgitoYiniketa ngesihle.” Haleluya!

⁴³³ Jesu watsi, “Solomoni, ebukhatikhatinii bakhe bonkhe, akambatsisi kwawo.” Watsi, “Capheleli umnduze.”

⁴³⁴ Umfo lomncane tatane, ufanele ahlupheke njengayo yonkhe intfo, kutsi atfole lakutfolako, futsi ahlekwe futsi kuhlekiswe ngaye. Nabobonkhe labakhulu bebabfundisi bamkhahlela bamkhipha, futsi bambita ngato tonkhe tinhlobo temagama langcolile. Kodvwa uhlala ngco naleloLivi, akhandleka, imini nebusuku, alale esigodzini. Ngani na? Use—usendzaweni lapho angadvonsa khona “emifuleni yeManti.” Akhandleka, (entelani

na?) kutsi akunikete. “Niphiwa ngesihle, nikelani ngesihle.” Yebo, mnumzane. O, hhe!

Ingamilanjanji kuleyonsimu yelutfuli kulelodvwala lebafundisi na?

⁴³⁵ Bantfwana bakaKhayini bebakuhlakanipha, ngekwesayensi. Buktisani bantfwana bakaKhayini manje lapho basavela. Ake sibabukisise umzuzu. Bantfwana bakaKhayini, bebayini na? Bakhi, basunguli betintfo, emadvodza lamakhulu esayensi. Bebanekuhlakanipha. Niyabona na? Ba—ba—bakha ngisho netakhiwo, benta nensimbi, futsi bacinisa tintfo batihlanganisa. Bebabososayensi, bakhaliophile, bafundzile, futsi bakhola.

⁴³⁶ Kodvwa savetani lesositselo sekuhlakanipha na? Kufa, esiveni sonkhe, ngesikhatsi tahlulelo taNkulunkulu tehla. Ngabe loko kunjalo na? [Libandla litsi, “Amen.”—Umhl.] Lentani li—lentani licembu na? Lakhicita kufa. Naloku nje, kuko konkhe kuhlakanipha kwabo nekukhaliphia, kwentekani na? Bafa. Bonkhe babhubha ekwahluleleni kwaNkulunkulu. Liciniso yini lelo? [“Amen.”] Nkulunkulu washo njalo. Bebakhaliphile, bafundze kakhulu, baphucukile, bakhola, bakahle kakhulu. Bakhaliophile, bafundzile, betsemebele ekuhlakanipheni kwabo, futsi basibulala sonkhe sive sebantfu.

⁴³⁷ Intfo lefanako labayentako khona manje, emabhomu abo ema-athomu netintfo, kutsi lososayensi labakhaliophile netintfo bayo—bayobhubhisa sive sonkhe. Banekucabana khona manje. Ku—Ku... Usha emehlo akho aphume nje, ikunika umdlavuza, yonkhe intfo. Bakhulula lokwenele kwayo, elwandlekat, abakhoni ngisho nekuphindze bayitfo. “Uma ikhululwa, iyobhubhisa umhlaba wonkhe,” bayasho. “Bantfu bayosha bangcongee, enyameni yabo lucobo.”

⁴³⁸ Akumangalisi, liBhayibheli latsi, “Netinyoni telizulu tiyodila inyama yetindvuna,” nakanjalonjalo; tibile, ngekucabana, yonkhe lenye intfo.

⁴³⁹ Bayakwenta, cobo lwabo, kuhlakanipha kwabo lokukhaliphile. Nguloko lokwabangela kufa kutsi kufike: kuhlakanipha lokukhaliphile. Bani lula, kholwa Livi laNkulunkulu, futsi uphile. Tsatsa kuhlakanipha kwakho, futsi ufe. Kulungile. Kuvuna, sikhatsi sekugcina, bayabhubha.

⁴⁴⁰ Yebo-ke, bantfwana baka-Abela bebatfobole, balimi, belusi; bafundisi, niyati. Belusi, balimi, batfobole, bebangatisho kutsi bakhaliophile, kodvwa nje bahlala neLivi. Bavetani esikhatsini sekugcina na? Umprofethi. Kwenta. Umprofethi, atokwentani na? Tibonakaliso tesikhatsi sekugcina.

⁴⁴¹ Ngesikhatsi Nowa ema kulowomnyango, akha kulowomkhumbi, watsi, “Iyeta, imvula.” Bekabitwa ngeluhlanya, kodvwa bekangumprofethi. Amen. Wentani na? Waletsa insindziso kubo labakholwako, nalabo lebebefuna

kuphunyuka. Nguloko lesitfobile, sive lesingakafundzi lesakuletsa, lesasikholelwa ekukholweni. Labanye bakholelwa ekwatini, baletsa kufa, esiveni sonkhe. Bentani—bentani labatfobile ngekukholwa na? Baletsa insindziso, umprofethi weNkhosi, lowabanika sibonakaliso kutsi sikhatsi sekuphela sasesikhona.

⁴⁴² Nicabanga kutsi labafundzile bebayokukholwa na? Baphakamisa imphumulo yabo futsi besuka bahamba, batsi, “Ivelaphi lemvula na? Ngekwesayensi ngifakazele lapho kukhona emanti etulu lapho.” Lowo bososayensi, sicuku salabatishaya labatikonke, betama, ngekwesayensi kufakaza kutsi kute Nkulunkulu. Batame!

⁴⁴³ Ngesikhatsi *lesositfombe* sitfwetjulwa, loko kwabasusa ngco esitulweni sabo lebebahleti kuso. Akakucondzanga. Watsi, “Kuneluhlobo lolutsite IwekuKhanya lokwashaya leliso lekhamera.” Nalo lithulusi labo lucobo lesayensi, latfwebula sitfombe saKo, ikhamera. Njengoba George Lacy atsi, watsi, “Mnumzane,” watsi, “lekhamera ingeke iyitsatse isayensi yengcondvo. LokuKhanya kwashaya liso lekhamera. Kwakulapho.” Watsi, “Kutsi Kuyini, ngingeke ngakutjela, kodvwa Kulapho.” Watsi, “Ngitobhala ligama lami kuso.” Wakwenta. Futsi unaso, cobo lwakho. Yebo, mnumzane. Leyo kwakukanye neFBI. Niyabona na?

⁴⁴⁴ Nkulunkulu wetfu, ngalolusuku lwekugcina, akashiyi naleilodvwa litje lingakagicitwa, kodvwa Lakukhombisa lelive ngeke kwema. Kuhlakanipha nekwati kuchubeka nekumila, bantjweza emoyeni njengetimphungane, ne-netindiza emajethi, nekulwa ngaphansi kwemanti. Nato tonkhe tinhlobo tenkhohhlakalo, futsi baphila esonweni, batama kwakha intfo letsite letobavikela.

⁴⁴⁵ Kunentfo yinye kuphela: kulunga kwaNkulunkulu kume eMnyango weMkhumbi. Ngubani uMnyango na? Khristu watsi, “NginguMnyango esibayeni setimu.” Ngisifundzile sihloko sami. “Timvu taMi tiyoliva liPhimbo laMi. Umfokati tingeke tamlandzela.” Awusoze washwila ngisho nayinye lekuto tonkhe letotinhangano ngephandle lapho. Iyophuma kuyo, impela nje njengelive. “Ngiyotikhipha esibayeni, futsi Ngiyotihola. Ngiyohamba embikwato.” Amen. “Tiyokwati kutsi ngiMi. Akekho longahamba njengaMi, akekho longenta letintfo leNgitentako,” Bekayosh. Amen.

⁴⁴⁶ “Rabi, manje sesiyati kutsi Wena uvela kuNkulunkulu, ngoba akekho umuntfu lobekangenta lemimangaliso lena Loyentako uma Nkulunkulu angekho naye.” Niyabona na? Kunjalo. Kuvuma kwaNikhodem. Nguloko-ke.

⁴⁴⁷ Lesosome lesincane lesitfobile saveta umprofethi. Nalowomprofethi, ngetinsuku tekugcina tebantfwana baka-

Abela, baveta umprofethi lowakhombisa tibonakaliso tetinsuku tekugcina futsi uniketa secwayiso.

⁴⁴⁸ Kutsi akufane nje namanje, ngiyacabanga. “Loyo lonendlebe yekuva, akeve loko uMoya lakushoko kitsi.”

⁴⁴⁹ Ngako, niyabona, Livi-Mbewu lekuPhila lingke lamila kulohlobo lwesimo sendzawo yekuhlakanipha. Nje kungeke kwakwenta.

⁴⁵⁰ Mosi naJoshua bebanekukholwa eVini. Labanye bebafunga kudansa nekuhlubula besifazane; Khora, (ngani na?) ngekuhlakanipha kwakhe kwaseGibhithe. Mosi bekangakufuni loko.

⁴⁵¹ Bukani labo bakaKhora namuhla, benta indlela lelula, badansa, emaphathi ebusuku bonkhe; besifazane: labaphungule tinwele, tingubo letimfishane, nomayini. “Akwenti ngisho namuphi umehluko. Loko kulungle.” Akukalungi. Livi litsi akukalungi. Kunjalo. Intfo lefanako. Niyabona na?

⁴⁵² Naloku nje bonkhe beka babhabhatisiwe, bonkhe, Khora nabo bonkhe wabhabhatiswa, kuhombisa kutsi kuhona lolohlobo lwebafundisi futsi.

Wena utsi, “Babhabhatiswa yini?”

⁴⁵³ BaseKhorinte bekuCala 10:1 kuva kule 2. Asesikufundze nje. Si...Ngiyati sekubaleka sikhatsi, kodvwa lidina ngeke lishe. Lelidina lingahle lihlale sikhatsi lesijanyana, uma iNkhosi itosolo nje ichubeka nekusiphakela. Niyabona na? BaseKhorinte bekuCala 10. Manje bukan lapha. BaseKhorinte bekuCala 10:1 kuva kule 2, nginako. Manje, ngineyebaseKhorinte besiBili. BaseKhorinte bekuCala 10:1 kuva kule 2.

*Ngetulu kwaloko, angitsandzi—angitsandzi
bazalwane kutsi ningati, kutsi labetfu...bonkhe
bobabe betfu bebangephansi kwelifu, futsi bonkhe
bendlula elwandle;*

Bonkhe babhabhatiswa kuMosi efini naselwandle;

⁴⁵⁴ Khora bekanembhabhatiso lofanako nalona bonkhe labanye bebanawo. Kodvwa yini bekafuna kuyenta na? Wavumela besifazane badanse nje, futsi banatsa liwayini lelincane futsi babanesikhatsi lesincane, babahlubula konkhe futsi babanekuphinga, futsi babanaloko. Niyati liBhayibeli latsi bakwenta loko. Batsatsa labo besifazane base babahlubula timphahla tabo, base babenta kutsi badanse, netintfo letinjengaloko. NaMosi wabatfukutselela. Niyasikhumbula lesikhatsi na? [Libandla litsi, “Amen.”—Umhl.] Ngani na? Bebahambisana naDkt. Khora, lobekanekuhlakanipha. Watsi, “Ngitonibuyisela eGibhithe.” Ngulapho la bebatokuya khona, futsi.

⁴⁵⁵ Kodvwa, uMnaketfu Mosi, ngesikhatsi ehla, kwakwehlukile. Yena naJoshuwa bahlala naleloLivi. Nkulunkulu waniketa setsembiso; bahlala naso. Kulungile.

⁴⁵⁶ Labanye bebafunga kudansa futsi bahlubule timphahla tabo, futsi kusukela, ngekuhlakanipha kwaKhora. Futsi wonkhe wabhabhatiswa, munye.

⁴⁵⁷ Israyeli naMowabi. O, nje ngi... wena... ngike ngendlula kuloko, kanye. Asikutsatsi loko. Ngifanele ngisheshise. Kulungile. Israyeli naMowabi, niyati kutsi kwakunjani lapho. Munye, akahle nje impela, munye anekuhlakanipha, emahlelo lamakhulukati. Lomunye, amncane, angakheti-hlelo.

⁴⁵⁸ Ngako-ke, ngalelinye lilanga; lapho ngifuna kufinyelela khona manje singakavali. Ngalelinye lilanga, lemitfombo lemibili lemikhulu, noma emandla, yahlangana kulemancamu eVini laNkulunkulu.

⁴⁵⁹ Manje sitofika esicongweni. Besingabuyela emuva. Beningatsatsa idazini. Beningema lapha liviki, ngingatsintsi ngisho lingetulu lako, kutsi ngingakufakazela kanjani loko khona lapho, lelengikhuluma ngako. Kodvwa ngiyetsema niyakutfola. Niyabona na?

⁴⁶⁰ Ngalelinye lilanga, kufika kulemancamu. Kuhlakanipha nekukholwa kufika kulemancamu. Jesu naSathane bahlangana. Kunjalo. Jesu naSathane bahlangana. Lemibutfo lemikhulu lemibili, kuhlakanipha nekwati, kwefika kulemancamu. Niyabona na?

⁴⁶¹ Manje, bobabili basebentisa Livi. Ngabe kunjalo na? [Libandla litsi, "Amen."—Umhl.] O, mnaketfu, loku kuta kahle, kimi. Niyabona na? Ningakugeji, manje. O! Tsanini, "Nkulunkulu, vula inhlitiyo yami." ["Nkulunkulu, vula inhlitiyo yami."]

⁴⁶² Bobabili basebentisa Livi laNkulunkulu, liBhayibheli lelifanako. Kodvwa angeke Lisebente emgudvwini longakaphendvuki. Impela Lingeke. Impela aLinawukwenta. Bobabili basebentisa Livi laNkulunkulu. Kodvwa Sathane waLisebentisa ngekwati lokuvela enhloko, niyabona, kwati kwenhloko, futsi aLisebentanga.

⁴⁶³ NginemBhalo lapha. Aninankinga mosi uma ngikufundza? [Libandla litsi, "Cha."—Umhl.] Asesitsatse emaHebheru, sahluko 4, ngalokukhulu kusheshisa, umzuzu nje. Ngifuna kufundza loku. Kubukeke nje kukuhle kakhulu kimi, khona lapha, emaHebheru 4. Futsi asitfole emaHebheru 4, futsi sicale, kule 1 kuya kule 2.

*Ngako-ke asesabe, funa, kutsi setsembiso sisishiye...
kungena ekuphumuleni kwakhe, njengoba nalomunye
kini lobonakala asilele kuso.*

*Ngoba phela natsi sashunyayelwa livangeli, njengabo:
kodvwa livi labalivako alibasitanga bona, loku
lingahlanganiswanga ne (kwati, kuhlakanipha na?)
kukholwa kubo...loko kukholwa kubo (ini?) liva.*

⁴⁶⁴ Ungaba nalo lonkhe Livi, ungalati leloLivi kusukela ku A kuya ku Z, kepha angeke Lize likusebentele. Niwabonile emadvodza atsatsa leloLivi futsi etama kuLenta lisebente, atsi, “Mnaketfu, ludvumo kuNkulunkulu”? Ngeke nje Lisebente. Ungeke udlale ngeLivi. Cha, cha. Cha, cha. Akunandzaba kutsi utisho kutsini, Livi litifakazelona. Akunandzaba kutsi ushoni, Livi liniketa bufakazi. Kunjalo.

⁴⁶⁵ Manje, Sathane bekalati Livi. BekaLati kusukela ku A kuya ku Z. Yebo-ke, niyati kutsini? Sengiyacabanga nje, kube bekangaba nesicu, bekayoba neticu letenele kutelulela emakhasini lamane noma lasihlanu eliphepha, “Dkt., Mfund., Lunga, Ph., L.L., Q.D.” bonkhe labo ngwaca ngandlela tonkhe. Sicu sakhe sasiyoba kuleloBhayibheli. Wati lonkhe Livi laLo. Impela uyalati. Niyabona na? Ngako, Sathane watsi, “Manje, ngyialati Livi.” Ngiyati kutsi bekalati Livi ngesikhatsi efika ku-Eva. Ngako, bekanalo ngekwati kwenhloko, kodvwa Lalingasebenti.

⁴⁶⁶ Jesu bekaLati ngekukholwa, esambulweni seLivi laNkulunkulu ekuPheleni kwaKhe luCobo lokumiselwe ngaphambili. Ludvumo! Ngiyetsema kutsi loko kucwila kahle kuyongena enhlitiyweni yakho. Jesu bekatikutsi BekanguBani. Sathane bekatibuta. Bekati kutsi Bekasidalwa saNkulunkulu lesimiselwe ngaphambili, kutsi Nkulunkulu covo lwaKhe wabonakaliswa kuYe. KwakungesuYe lolowenta lemisebenti. KwakunguBabe lobekahlala kuYe. Amen.

⁴⁶⁷ Develi akandize nako konkhe kwesayensi yakhe yetenkholo. Jesu; Sathane bekaLati. Bekalati Livi. Manje, bekakwati kucaphuna lowomBhalo, mfana, njengeliBhayibheli lelihambako nje. Bekakwati nje kuLicaphuna kanjalo. [UMnaketfu Branham ngekushesha uchumisa umuno wakhe emahlandla lamanengi—Umhl.] Niyabona na?

⁴⁶⁸ Kodvwa Jesu wema wathula, ngoba Bekati lapho Bekeme khona. Bekati kutsi Bekamiselwe ngaphambili, “bekaliWundlu lelihlatjiwe ngaphambi kwekusekelwa kwemhlaba.” Bekati kutsi BekangulowoMuntfu. O! O, mnaketfu! “Loyo lonendlebe, akeve.” Bekati kutsi Bekakumiselwe ngaphambili loko, futsi nguleyondlela Lebekati ngayo Livi. Niyabona na? Futsi Lasebenta. Impela.

⁴⁶⁹ Sathane bekaLati ngekuhlakanipha. Kwehluleka. Wacaphuna Livi lelifanako Jesu lalicaphuna, liBhayibheli lelifanako. Wacaphuna eTihlabelelwani. “Uyokunika... Kubhaliwe,” Sathane watsi, “Uyoyala tiNgelosi taKhe ngaWe,

funa noma ngasiphi sikhatsi Ukhutjwe ngelunyawo lwaKho etjeni. TiyoKwetfwala.”

Watsi, “Kantsi kubhaliwe futsi . . .” O! Niyabona na?

Sathane bekaLati ngekwati.

⁴⁷⁰ Jesu bekaLati ngesentakalo. BekaLati ngesambulo. Bekati kutsi Bekanguleyo Ndvodzana yaNkulunkulu lebeyitokuta emhlabeni. Bekakwati kuma kwaKhe. Bekati kutsi Watalwa kulomhlaba ngaleyonhloso. Futsi kungalesosizatfu Livi laNkulunkulu lalikhona kusebenta ngaYe, ngoba Bekati kutsi Bekayini. Ludvumo! Senikubambile manje? [Libandla litsi, “Amen.”—Umhl.] Bekati kutsi Bekayini.

⁴⁷¹ Sathane, kulingemuva lako, bekati kutsi bekayini. Futsi bekati kutsi bekangenamsebenti, nekuhlakanipha kwakhe, eVini, ngoba Livi lalinguNkulunkulu. Niyakutfola na? [Libandla litsi, “Amen.”—Umhl.]

⁴⁷² Manje, uma Jesu bekati kutsi BekanguBani . . . Bekasidalwa sesikhatsi lesimiselwe ngaphambili. Niyakukholwa loko na? [Libandla litsi, “Amen.”—Umhl.] Jesu, lomtimba, Bekati kutsi BekaLivi lelimiselwe ngaphambili, uMuntfu waNkulunkulu lobekatoma ngalolosuku, kutsi abe nguMhlatjelo wesono. Futsi Bekasati sitsa saKhe. (Njengoba ngashumayela ngako, emaSontfweni lambalwa lendlulile.) Bekasati sitsa saKhe; futsi Bekati kutsi BekanguBani. Ngako-ke, leyomibutfo lemibili lemikhulu iyahlangana, kwati nekukholwa. Jesu bekati kutsi BekanguBani.

⁴⁷³ Sathane bekalati liBhayibheli kahle nje njengoba kwenta Jesu, kodvwa aLimsebentelanga Sathane. Niyabona na?

⁴⁷⁴ Akunandzaba kutsi kungakanani kwati lonako, angeke kusebente. Manje, tsatsa loko ukubuyisele kuletinye taletinhlangano letinkhulu. Cabanga ngako, umzuzu. Batsi, “Yebo-ke, sineLivi.” Angikubone kusebenta. Nine maKhatolika, nitsi nibasekucaleni. Asikubone. Ngikhombiseni imisebenti yenu, ngaphandle kwekwenu . . . Noma, ngikhombiseni imisebenti yenu, nge, noma, ngaphandle kwekukholwa kwenu, futsi ngitonikhombisa yami, ngekukholwa kwami. Niyabona na? Niyabona kutsi Livi latsini.

⁴⁷⁵ Ningayihlanyela imbewu ingabonakalisi kutsi iyini, uma imila na? Ningaluhlanyela luhlavu lwemmbila ngaphandle kwekwenta ummbila, uma lumila na? Ningalihlanyela lizambane ngaphandle likhule libe lizambane na? Ningayihlanyela imbali ingesilo lolohlobo lwembali na? Niyabona na?

⁴⁷⁶ Ngako-ke, uma uhlanyelwe, neMbewu yaNkulunkulu isenhlitiyweni yakho, Ifanele ikuvete Loko. Jesu watsi, “Uyokwenta imisebenti yaMi, uma aNgikholwa.” Uma atsi uyaLikhholwa, nalena ingamlanzeli, unguycambimanga.

“Loyo lokholwa ngiMi, lemisebenti leNgiyentako mine naye utawuyenta; ngisho naeminengi kunalona, ngoba Mine ngiya kuBabe waMi.” Ngani, Linemandla! Uma bangashayeki nje endzaweni leshelelako naleshimpilikako, etikwelidvwala lelitsite ndzawanatsite! Iwela phansi nje esigodzini kute imimoya inga Yiphephuli, netinyoni ngeke tiYitfole, Iyomila.

⁴⁷⁷ YiFihle phansi enhlitiyweni yakho. Davide watsi, “Umtsetfo waKho ngiwufihle enhlitiyweni yami,” kute kungabikho hlelo lelingaWukhipha, tinyoni ngeke taWutsatsa. “NginaWo ufihlwe *lapha*. Ngizindla ngaWo, imini nebusuku. Ubhalwe etikwemilente yembhedze wami nandzawo tonkhe. NginaYo, nginaYo iboshelwe eminweni yami. Isekhatsi . . .”

⁴⁷⁸ NaJesu watsi, “Ligama lakho lisentsendzeni yesandla saMi.” Ngako, kanjani, kutokhohlwakala kanjani na? Ingeke. Manje, kulungile.

⁴⁷⁹ Manje-ke, uma Jesu ehlula Sathane etikwekukholwa, ati kutsi BekanguBani, Bekasidalwa lesimiselwe ngaphambili. Senilungele na? [Libandla litsi, “Amen.”—Umhl.] Kutsiwani ke ngeMlobokati waJesu Khristu lomiselwe ngaphambili manje? Niyakholwa kutsi uMlobokati umiselwe ngaphambili na? [“Amen.”] UMlobokati waKhristu lomiselwe ngaphambili manje, liBandla, Livi Mbewu, nayo yonkhe intfo Nkulunkulu letsembisa kuyifaka eBandleni, kuLo khona manje. IkuLo manje. Yonkhe intfo ihlelekile. Moya loyiNgcwele uniketiwe. IMbewu ihlwanyelwe. TiBane takusihlwa betikhanya. Sibonakaliso saseSodoma, Jesu lasetsembisa, silapha, naMalakhi 4. LiBandla lelimiselwe ngaphambili!

O, develi!

⁴⁸⁰ Bandla laNkulunkulu lophilako, lapha nasetheyiphini, futsi, niyati lapho nime khona na? Niyati kutsi nabitwa nguNkulunkulu, kutsi Moya loyiNgcwele ubusa enhlitiyweni yenu, nawo onkhe emaVi aNkulunkulu ayaphatseka kini na? [Libandla litsi, “Amen.”—Umhl.] O, mnaketfu! Utomelana kanjani Sathane naloko na? Utokumisa kanjani loko ekumilene na? Utotivimba kanjani letotibonakaliso ekuLilandzeleni na? Ngani, bewungabaphonsa ejele. Bona, kube bewungakwenta, angikhatsali kutsi wentani, sebavele bakutamile. Babolela emajele. Kondliwa emabhubesi ngabo. Basilahwa ngelisaha. Badlutfulwa baba ticucu. Ungeke waLibulala, kunjalo, liBandla lelimiselwe ngaphambili. “Lubo Lebekabati ngaphambili,” njengoba Enta kuJesu, “Ubabitile. Labo Lababitile, Ubalungisisile. Nalabo Lebekabalungisisile, Sewuvele ubakhatimulisile, labamiselwe ngaphambili.”

⁴⁸¹ Futsi manje, ngetinsuku tekugcina, nayo yonkhe imbewu ihlanyelwe; yonkhe intfo ihlelekile, umhlaba usekuhlelekeni kwawo, sikhatsi silolongekile, liBandla lisekuhlelekeni kwaLo, iMbewu, Tibane takusihlwa, tibonakaliso tanjengoba Atsi,

“Njengasemihleni yaseSodoma.” INgelosi yaNkulunkulu, Moya loyiNgewe, wehla, uhamba, wenta tibonakaliso Latenta ngalesosikhatsi. Malakhi we 4 wetsembisa kutsi Bekatotfumela, ngetinsuku tekugcina, Loko lakwetsembisa. Futsi sikubona konkhe kwaloko khona lapha. Kuphi na? Kuphi na? [Libandla litsi, “Amen.”—Umhl.]

Amen. Amen. Amen. Amen. Amen.
NiyaMtsandza na? Amen.

⁴⁸² Impela, khona lapha ngetinsuku tekugcina, liBandla lelimiselwe ngaphambili, bati lapho beme khona, bahlanyelwe neMbewu, Moya loyiNgewe eBandleni.

Sathane, caphela.

⁴⁸³ Kwentekani na? Umzuzu nje manje. Kwentekani, ngayo yonkhe intfo letsenjiswe kuLo, ngisho letetsembiso taMalakhi 4 na?

⁴⁸⁴ We—wentani Sathane ngesikhatsi adibana naJesu na? Wandizela kuYe, ngawo wonkhe umfutfo wetebufundisi lebekanawo. “Ngiyalati Livi, nami,” wandizela kuYe. Lolotfuli Iwelihlelo lebekanalo! SaLijikijela kuye; kodvwa bekangenakuPhila. Wake wesuka wandiza! Wadzilika ngalokukhulu kushesha kunalebekakundizela. Ngani na? Watitsela kuleyoNtsambo yagezi lenemandla latigidzigidzikati letilikhulu lapho. Wayobuka timphiko takhe. Wadzilika kuYe. Uphuma kuYe, ngoba leyoyNtsambo yayinemandla agezi kuYo.

⁴⁸⁵ Khumbulani, Sathane bekanentsambo, naye. Kodvwa, akunandzaba kutsi lensesambo iyikhopha lenhle kanjani, ayinakuphila kuyo, ifile. Ayinawusebenta. Yintsambo lefanako.

⁴⁸⁶ Yinye itofanele ifakwe emandla lavela emshinini iDynamo, nalelenye ayinakuchumeka, nhlobo. Kunjalo. Kungalesosizatfu Iyosebenta esitjeni lesimiselwe ngaphambili. Kungalesosizatfu Livi liyosebenta lapho Lichunywe khona. Lichunywe kuphi, nelihlelo? Cha, mnumzane. Leyo yisokhethi lefile, “Banesimo sekumesaba Nkulunkulu, emandla ako bawaphika.” Kodvwa kuchunywe neLivi, lelingayuze lendlule, futsi lingaveta emandla lafanako Lebekanawo. Kulapho-ke la likhona. Ludvumo!

Amen. Amen.

NiyaMtsandza na? [Libandla litsi, “Amen.”—Umhl.]
NitaMkhonta na? [“Amen.”] Amen. Impela.

⁴⁸⁷ Akusiko kuhhukwa enhlanganweni letsite, kodvwa uhhukwe e—e—e—emshinini iDynamo lapha. Mnaketfu, ngiyakutjela, Iyasebenta lapho, ngoba Ihukiwe, Livi lelifanako.

⁴⁸⁸ Mowabi bekahhukwe ekhatsi, naye; naIsrayeli bekanjalo, futsi. Mowabi bekangenalutfo ngaphandle nje kwesicuku lesifile setivumokholo nemprofethi wemanga.

⁴⁸⁹ Kodvwa Israyeli bekanelidvwala lelishayiwe, inyoka yelitfusi, iNsika yeMlilo, haleluya, tibonakaliso taNkulunkulu lophilako. Amen. Kunjalo impela. Lasebenta. Ngani na? Kwakusekukholweni. Yebo, mnumzane. Hhayi ekwatini, sivumokholo semuntfu lotsite; kodvwa ekukholweni eVini, Livi cobolwaLo. KuPhila kuvela eVini. “Livi laMi likuPhila.” Loko kuhamba kwagezi kuta ngeLivi.

⁴⁹⁰ Sathane wehla lapho, ngalokukhulu kushesha. Lutfuli lwakhe lwesayensi yetenkholo aluhambanga kahle kakhulu khona lapho. Intsambo yaSathane yayingenako kuhamba kwagezi kuyo. Kwakutivumokholo letifile. Angeke ikwente. Ayiyuhamba gezi.

⁴⁹¹ Manje, niyabona, yintsambo lefanako. Jesu wasebentisa Livi laBabe; Sathane wasebentisa Livi laBabe. Sathane bekanguSathane. Jesu bekanguNkulunkulu, ngulowo umehluko, lelo liCiniso. Lenye sivumokholo, naleLenye Livi. Yinye iliCiniso, nalelenye ingemanga. Lelenye itokuveta; lelenye ngeke ikuvete. Niyakutfola na? [Libandla litsi, “Amen.”—Umhl.] Luhloblo lolufanako lwetintsambo, manje, loko kunjalo impela, tintsambo letifanako. EmaHebheru 2, sisanza kutfola... Noma, emaHebheru 4:2, sikutfolile nje. Niyabona na? Njenga, kwemahlelo, njengemahlelo asho, ngekuhlakanipha. Niyabona na? Emahlelo, ngekuhlakanipha, lisho loku, “Tinsuku tekuhamba kwagezi selwendlulile.”

NiyaMtsandza na? Amen.

NitoMkhonta na? Amen.

NiyaMkholwa na? Amen.

Amen. Amen.

NgiyaMkholwa. Yebo, mnumzane. *Amen* kusho kutsi “akube njalo.”

⁴⁹² Nkhosi, umkhuleko wami, manje ekuseni, tsatsa lonkhe likholwa lelisekhatsi lapha bese ulidvonsela ekuhambeni kwagezi. O! Faka kuPhila kuye, akahhumu futsi akhanyise inkhatimulo yaNkulunkulu. Yebo, mnumzane. Vula kuhamba kwagezi.

⁴⁹³ Niyati kutsi yini lengiyikhawlako na? IMbewu seyihlanyelwe (Niyakukholwa loko na?) [Libandla litsi, “Amen.”—Umhl.] yaleloBandla lelikhulu. Njengetintsambo nje leyendlalwe kulesakhwi, onkhe emasokhethi ahlolwe ngeLivi, o, hhe, tonkhe letiphumela ngaphandle tihlolwe ngeLivi. “Ningamangali uma kufika tilingo letivutsako. Kukwekunihlola.”

⁴⁹⁴ Kuneshothi lencane lapho, itozintila, ichumise yonkhe iswishi. Nkulunkulu akatifuni eBandleni laKhe. Akunawubakhona swishi lechunyiswako nefyuzi lechunyiswako ngalolu tinsuku tekugcina. Cha, mnumzane.

⁴⁹⁵ Uyabuya futsi alishisele ekhatsi lapho kahle. Yebo, mnumzane. Kulungile. Onkhe emalambu alenga endzaweni

yawo. Intfo kuphela, kulindzelwe iNkhosi emuva lapho kutsi avule iswishi. Kunjalo. Yebo, mnumzane. EVini! Impela. Bekungaba khona manje, mnaketfu. Uma udzinga kophiliswa, tsintsa iswishi nje. Nguloko kuphela lotofanele ukwente, uma unentsambo sibili. Uma umhlabatsi wakho...“Uma lilayini lakho lizintilana, nekuchuma lokunengi, futsi, bewulahlekile kuJesu, tjela wena kutsi yentani.” Amen. Kunjalo.

⁴⁹⁶ Manje, kuhlakanipha kwelihlelo kutsi, “Tinsuku temimangaliso selwendlulile.” Akukho kuhamba kwagezi etintsanjeni.

⁴⁹⁷ Kodvwa kukholwa kwati kancono. Bayakuva. Bayakubona kusebenta. Bayakwati kutsi kuyakhanyisa. Bayati kutsi kwenta ini. Kukholwa kukuhamba kwagezi, kuhamba kwagesi, uMoya.

Nekuhlakanipha kutimo telihlelo.

⁴⁹⁸ Sathane wetama kulinga Jesu, ekukholweni eVini laBabe. Naku lakwenta. Wetama kuMkhombisa takhe letinkhulu, letinkhulu tinhlangano tebufundisi temhlaba. Kodvwa akukhonanga kuMlinga. “Wota ngalapha bese ujoyina tami. Ngitokwenta umbhishobhi etikwato tonkhe.”

⁴⁹⁹ “Kubhaliwe...” kwasho Jesu. Yebo, mnumzane. Sathane akakhonanga kuMlinga. Cha, mnumzane. Sewukwendlulile loko. Kodvwa, Jesu bekaLivi. Kukholwa kwaKhe ekwatimi kwaKhe lucobo, kutsi BekaLivi.

⁵⁰⁰ NjengaMosi nje. Ngani, Mosi bekati kutsi bekangubani. Mosi bekati kutsi bekayinceku yaNkulunkulu, ati kutsi wabitwa nguNkulunkulu. Bekati kutsi bekatokwentani. Kungalesosizatfu bekangesabi kutsi Sathane watsini. Sathane wetama kumlinga, amesabise kutsi aphume kuko. Kodvwa, cha. Mosi bekati lapho bekeme khona. Kunjalo.

Manje ngifanele ngisheshise. Ngiyeca, likhasi nelikhasi, lapha.

⁵⁰¹ Pawula. Intfo yinye lengifuna kuyitfola lapha, ngaphambi kwekuvala. Pawula wakucacisa kahle encenyeni yakhe yeMlobokati layoyetfula. Pawula uyoyisa incenye yoMlobokati. Niyakukholwa loko na? [Libandla litsi, “Amen.”—Umhl.] Pawula wakucacisa kahle encenyeni yakhe yeMlobokati layomyisa kuJesu Khristu ngetinsuku tekugcina, mayelana nekuhlakanipha noma kukholwa.

⁵⁰² Asitsi nje kufundza kancanya. Ngifuna nivule baseKhorinte bekuCala, sahluko 4. BaseKhorinte bekuCala, sahluko 4, siyafundza nje. Futsi sitovala nje e—emizuzwaneni lembalwa, iN'khosi itsandza. BaseKhorinte bekuCala, sahluko 4, futsi ngifuna kufundza livesi le 18 kuya kulema 20. Kulungile. Naku lapha sikhona.

*Manje labanye bakhukhumele, ngekungatsi—
ngekungatsi nje angeke ngite kini.*

Kodvwa ngitakuta kini masinyane, uma iNkhosi ivuma, futsi nitokwati, angisho emavi anoma ngubaphi laba labakhukhumele, kodvwa emandla.

⁵⁰³ Niyati, kutobita... Manje, lelo kwakulibandla lemaRoma licala kuta, khona ekhatsi lapho, licala kuta. Niyabona na? Bekati kutsi loku... Niyati, liBhayibheli latsi, "Baphuma kitsi, ngoba bebangesibo betfu," niyabona. Kunjalo.

Ngoba umbuso waNkulunkulu awuti ngelivi, kodvwa uta ngemandla.

⁵⁰⁴ Niyabona, "Hhayi ngeLivi." Utsi nje, "Yebo-ke, mine, ngifundzile, mnaketfu. Nginemfundvo lengetulu kwalena loke ube nayo. Ngingu—ngingumphristi. Ngingu..." Loko akukaphatselani nakancane naLo. Loko akusho ngetulu kwekutsi uyi "ngulube," noma yini lenye; niyabona, niyabona, akukahlangani ngalutfo naLo. Niyabona na? Develi bekanencumbi yekwati, naye. Niyabona na? Kulungile. Niyabona na?

Ngoba umbuso waNkulunkulu awusi...livi, kodvwa...emandla. Niyabona na?

Pho nifunani ke? ngite kini ngiphetse indvuku, noma ngite nginelutsandvo, noma nge...moya webumnene na?

⁵⁰⁵ Manje, sahluko se 2. Ngifuna kucedzela loku, umzuzu nje, ke, singakavali. Sahluko se 2; vulani ngale likhasi. Asicale khona lapha kule 1. Manje niyabona kutsi yini, Pawula, lakutjela uMlobokati manje. Utowetfula lencenye yeMlobokati kuKhristu, futsi ufuna bat. Manje, khumbulani, Pawula bekayoba nalolunye luhlobo lwekukhalipha. Bekakhaliphile, bekanako, kodvwa wa "dzingeeka akukhohlwe," washo. Bekenato tonkhe tinhlobo teticu nemfundvo, kodvwa wadzingeka akukhohlwe, manje, bukani, kute afundze Khristu.

Nami, bazalwane, ekufikeni kwami kini, ngefika, angifikanga ngebugagu bekukhuluma noma...kuhlakanipha. Niyabona na? Angifikanga nekuhlakanipha, ngimemetele kini bufakazi baNkulunkulu.

⁵⁰⁶ "NginguDkt. S'bani-bani, futsi nginako konkhe. Ngi... Siyafundzisa kumasemina, kutsi-nekutsi"? Cha, cha. Pawula watsi, "Angifikanga kini kanjalo, nekuhlakanipha." Manje, nani...

Sitsini sihloko sami na? *Kuhlakanipha Kucatsaniswe NekuKholwa.* Niyabona na?

⁵⁰⁷ "Angifikanga kini ngekuhlakanipha," Pawula watsi, "ngininike bufakazi baNkulunkulu ngekuhlakanipha, ngitsi, 'Manje bukani lapha. Ngitonitjela. Sifundzile kusemina kutsi tinsuku temimangaliso selwendlulile. Siyafundza kusemina

kutsi letintfo leti impela tatingakacondzi kona *Loku.*” Watsi, “Angifikanga kanjalo, bazalwane.” Manje watsini na?

Ngoba ngancuma kutsi angiyukwati lutfo lolunye emkhatsini wenu, ngaphandle kwaJesu kuphela... naye abetselwe.

Futsi (uma) mine nganginani ebutsakatsakeni, nasekwesabeni, ngisho nasekuhluphekeni lokukhulu nganginani.

Nekukhulumu kwami nekushumayela kwami akubanga ngemavi layengako ekuhlakanipha kwemuntfu,...

⁵⁰⁸ Huh? Njengoba Booth Clibborn watsi, “Halo?” Ngubani lowanconcotsa ke?

Angifikanga kini nalokunye kwakusemina *kuhlakanipha, kodvwa kwaba ngesibonakaliso saMoya nesemandla:*

Kuze ku (k-h-o-l-w-a) kukholwa kwenu kungemi ekuhlakanipheni kwebantfu, kodvwa ngemandla aNkulunkulu.

⁵⁰⁹ [UMnaketfu Branham ushaya inkwela—Umhl.] “Whuu!” Amen. Niyakukholwa na? [Libandla litsi, “Amen.”]

Kuze kukholwa kwenu kungemi ngekuhlakanipha kwalenye inhlangano, kodvwa ngemandla aNkulunkulu.

⁵¹⁰ Kukholwa ngemandla aNkulunkulu! Ematsema enu aka...

⁵¹¹ Lemitombo lemibili ilwe kusukela e-Edeni; kukholwa kwaNkulunkulu kumelene nekuhlakanipha kwaSathane. Nkulunkulu ufakazile, kuyo yonkhe iminyaka, kutsi Akuyuhlangana. Kufanele kwehlukaniswe, kutsi kumile.

⁵¹² Manje, masinyane, ake ngigijimele ngale nje—nje livi noma lamabili, kulowo ngamunye, ngitsatse nje tintfo letimbalwa lenginato tibhalwe lapha.

⁵¹³ Esawu naJakobe kwakungumfanekiso lophelele: bobabili, bakholwa; bobabili, emawele.

⁵¹⁴ Esawu bekaluhlobo lwebufundisi. Bekayindvodza leyayikhaliophile. Bekane—nekuma kweikutiphatsa lokuhle netintfo letinjalo, kodvwa bekangenako kusetjentiswa kwalobo butibulo.

⁵¹⁵ Jakobe bekangakhatsali kutsi bekadzingeka enteni, uma nje atfole butibulo. Futsi kuphela nje uma bebasendzawonye, bebaneke bavete. Kunjalo na? Lomunye bekamelene nalomunye.

⁵¹⁶ Nikubambile na? [Libandla litsi, “Amen.”—Umhl.] Amen. “Phumani emkhatsini wako. Nitelukanise,” usho Nkulunkulu.

“Futsi ningatsintsi lokungcolile kwabo. Ngitanemukela.”
Niyabona na?

⁵¹⁷ Jakobe wadzingeka atehlukanise nemnakabo welihlelo ngaphambi kwekutsi Nkulunkulu ake ambusise. Nkulunkulu watjela Abrahama intfo lefanako.

Israyeli; naMowabi.

⁵¹⁸ Baprofethi labangemakhulu lamane baka-Israyeli bema embikwaMikhaya. NaMikhaya watehlukanisa nabo, futsi watfola Livi leNkhosi, futsi ubuya naLo.

⁵¹⁹ Mosi, naKhora, intfo lefanako, bebaneke bahlangane. Bebefanele behlukane. Liciniso yini lelo? [Libandla litsi, “Amen.”—Umhl.]

⁵²⁰ Abrahama; naLoti. Loti bekayindvodza lekholvako, umfanekiso welibandla leligcina umtsetfo ngemehlo nje. Kodvwa kuphela nje uma Loti bekasesena-Abrahama, wahamba iminyaka naye. Kodvwa Bekayo... Nkulunkulu bekangambusisi waze waMlalela ngalokugcwele futsi watehlukanisa naLoti, libandla lelihlelo. Kwase kutsi-ke, watsi masinyane nje Abrahama angatehlukanisa futsi aphume, kutsi ahambe yedvwa, Nkulunkulu watsi, “Manje, Abrahama, sukuma. Buka emphumalanga, enshonalanga, enyakatfo, eningizimu.” Watsi, “Lonkhe lingelakho.” Kodvwa Akakwentanga waze watehlukanisa ngalokugcwele. Loko kunjalo impela.

⁵²¹ Nkulunkulu bekangeke ambusise Sethi waze Wamehlukanisa naKhayini. Wabeka Khayini luhawu wase umtfumela eveni laseNodi. NaKhayini, nekuhlakanipha kwakhe lokukhaliphile, baba bososayensi nayo yonkhe lenye intfo, bahlanyela tilimo taloko. NaSethi, ngaphansi kwekulunga kwakhe, nelutsandvo nekuholwa eVini laNkulunkulu, wahlanyela silimo lokwaveta umprofethi lowecwayisa tinsuku tekugcina, kunjalo, wasindzisa lonkhe likholwa. Nekuhlakanipha kwababhubhisa bonkhe. Bona, bonkhe, bafa. Bonkhe, akunandzaba kutsi tingakhi ticu nesayensi yengcondvo lebebanayo, yonkhe lenye intfo, babhubha etahlulelweni taNkulunkulu.

⁵²² Nayoyonkhe intfo lengaphandle kweweliciniso, lotelwe kabusha uMoya waNkulunkulu, lokholwa ngilolonkhe Livi laLelo futsi eme kahle kuLo, uyobhubha etahlulelweni taNkulunkulu. Niyababona laba labancane labantjikitako behla ngemgwaco, nako konkhe loku kuchubeka, futsi bachubeka kanjalo, khumbulani, akusilutfo eveni kuphela lifolishi lekwehlulelwena nje. Kuyobola. Kuyofanele. Kubophelelekile nje. Besifazane, phaphamani.

⁵²³ Nginebufakazi lobuncane, kodvwa anginaso sikhatsi sekubucoca, ngadzadze lomncane lapha kungesiko kadzeni, eCalifornia. Ngangigibele ngenyuka ngemgwaco, ngilindzele kutsi ngibitelwe ethendeni. Kugijinywa ngalapho,

lencanyana... Ku—kulihlazo. Akungabateki, intfombatane lencane lebukekako. Futsi yayihamba ngalapho, intjikita, ifake lesigcoko lesincane semakhawa, emabhudzi netikhitsikhitsi tilenga, intjikita yenyuka ngemgwaco. Bonkhe besilisa bayishayela tinkwela, futsi bayiphakamisela tandla, bonkhe kanjalo.

⁵²⁴ Ngacabanga, “Bengifanele ngime nje, kube bengingesuye umshumayeli. Meda bekakhona, bengiyokuma. Ngitsi, ‘Buka, dzadze, kukhona lengifuna kukutjela kona. Ungahle ubukeke kahle. Ungakufakazela loko. Uyabona na? Ungahle ukhone kwenta timoto tishelelise emabhiliiki, futsi untjikita ngalapha, neba fana bashaye tinkwela njengetimphisi, yonkh’intfo. Kodvwa ngalelinye laletinsuku leti, lowomtimba lomncane, tilokatane netimphetfu titokhansela kuwo futsi tiwudle tiwucedze. Futsi mhlawumbe emavikini lasitfupha kusukela manje utoba ngaleyondlela, ubolile, ulele lapho ethuneni. Kodvwa lowomphefumulo lokuwe, utondla ngaleyonkhanuko, uyohlala esihogweni sadeveli i-iminyakanya letako.’”

⁵²⁵ Mosi; naKhora. Loti; Abrahama. Johane umBhabhatisi; nebat selisi. Jesu; nemabandla emahlelo angetinsuku taKhe. Niyabona na? Kukholwa; kuhlakanipha.

Yebo-ke, labobaphristi bebangasukuma, batsi, “Si...”

Watsi, “Yebo.”

“Tsine sinaloku. O, babe wetfu, senta *kanje-kanje*.”

⁵²⁶ Watsi, “Yebo. Nine, ngemasiko enu, niyente lite imiyalo yaNkulunkulu, bafundzisa iMfundziso leyimiyalo yebantfu.”

⁵²⁷ Batsi, “Yebo-ke, ungubani Wena, kutsi ungafundzisa tsine na? Ngabe Wavela kusiphi sikolwa na?”

⁵²⁸ Watsi, “Lemisebenti leNgiyentako, ifakaza ngaMi. Uma Ngingenti imisebenti yaMesiya, khona-ke ningaNgikhholwa. Futsi uma Ngenta imisebenti yaMesiya, khona-ke niyati, kholwani lemisebenti.” Watsi, “Ifakaza ngaMi. Uma Ngingenti imisebenti, khona-ke ningakukholwa.”

⁵²⁹ Bekanalabo bemahlelo, futsi, emuva lapho, nekuhlakanipha kwabo. Jesu bekanekukholwa. Kukholwa kukuphi na? Kutsi Bekayini: iNdvodzana yaNkulunkulu. Niyabona na? Kulungile.

⁵³⁰ Martin loNgewe; nelibandla lemaRoma, ngetinsuku tengucuko. Kodvwa ngicondze kutsi ngesikhatsi, bona, ngesikhatsi bangakangeni eRoma yebuhedeni, ngesikhatsi licala kuba libandla lemaRoma. Martin wema ngephandle lapho futsi wabhighela loyombhedesho walelobandla laseKhatolika; wente tibonakaliso, netimanga, nemimangaliso. Ne-nemabandla akhe, onkhe awo, akhulumu ngetilimi, futsi aprofetha, netintfo letinkhulu. Nemandla aNkulunkulu bekanaye. Wavusa labofile futsi waphilisa labagulako, nayoyonkhe lenye intfo. Futsi kwakunalelobandla laseKhatolika

khona lapho, limbhikishela kanjalo, futsi litama kutsi limshise, nayoyonkhe lenye intfo. Bekuyini na? Kuhlakanipha; kukholwa. Kuyafana namanje.

⁵³¹ Ake sive ingcongwane yako konkhe kwako. Zakhariya 4:6 ngulapho la ngitovala khona, khona lapha. LiBhayibheli latsi, “Akusiko ngemandla, akusiko ngekucina, kepha kube ngaMoya waMi, isho iNkhosi. Kungabi-ngekuhlakanipha, kungabingekwati, kungabi ngekuphakanyiswa, kepha ngaMoya waMi Ngiyo (ini?) lifaka emandla Livi laMi.” Bafundzi bebanaLo lihlanyelwe kubo, khona-ke uMoya ufikela kufaka emandla Livi. Niyabona na? “Kungabi ngemandla, kungabi ngekucina, kungabi ngekuhlakanipha, kungabi ngekucondza, kungabingaloku, kungabi ngalokwa, kodvwa kube ngaMoya waMi Ngiyolifaka emandla Livi laMi. NgaMoya waMi, isho iNkhosi.” NgeManti eLivi lekukholwa afaka emandla Livi laNkulunkulu futsi aLente lisebente.

⁵³² Ngukuphi lokutowina na? Kubukeka kwangatsi, khona manje, kusobala, loko kuhlakanipha kutosebenta. Kodvwa, kungeke. Kungeke.

⁵³³ Kubukeka kwangatsi, khona manje, kutsi liBandla lelincane lelikholwa Livi laNkulunkulu leligcwele impela li—lilidlanzana. Kodvwa ningakhatsateki. LiBhayibheli latsi, “Ungesabi, Mhlambi lomncane. Kuyintsandvo lenhle yaBabe wenu kuninika uMbuso.” Uh-huh. Kunjalo. Niyabona na? Futsi ningesabi. Hlalani ekukholweni nje. Hlalani neLivi ngco. Ningalishiyi Livi. Hlalani neLivi.

NiyaMtsandza na? Amen.
 NitoMkhonta na? Amen.
 NitoMkholwa na? Amen.
 Amen. Amen.

Asihlabeleni.

NiyaMtsandza na? [Libandla litsi,
 “Amen.”—Umhl.]
 NitoMkhonta na? Amen.
 NiyaMkholwa na? Amen.
 Amen. Amen.

NiyaMtsandza na? Amen.
 NitoMkhonta na? Amen.
 NitoMkholwa na? Amen.
 Amen. Amen.

⁵³⁴ O, ngiyaMtsandza! Animtsandzi nine? [Libandla litsi, “Amen.”—Umhl.] Kuyini na? Ngekukholwa, hhayi ngekuhlakanipha! “Ngekukholwa sisindzisiwe.” Ngabe kunjalo na? [“Amen.”] “Kungabi ngekuhlakanipha, kungabi ngekwati; ngaMoya waMi, isho iNkhosi.”

⁵³⁵ Manje Awacwile phansi kuleloBandla. Leyontsambo yekhopha, leso sendlulisi-gezi. Manje, intsambo ye aluminiyamu ayisiso sendlulisi-gezi. Niyabona na? Ayisiso sendlulisi-gezi. Cha. Liphayiphi lerabha alisiso sendlulisi-gezi; lisivimbela-gezi. Lukhuni lusivimbela-gezi. Asifuni tivimbela-gezi. Sinalokunengi kakhulu kwaso manje, futsi kwenta tehlukanisi. Ngako si—sifuna . . . Sifuna tendlulisi-gezi, besilisa nebesifazane labatelwe kabusha labakholwa Livi laNkulunkulu.

⁵³⁶ Manje, watsini umshini iDynamo na? “Celani kuBabe nomayini eGameni laMi, Ngitolwenta.”

⁵³⁷ Futsi wentani na? Uyachuma. Amen. Ngabe kunjalo na? [Libandla litsi, “Amen.”—Umhl.] Chuma nje, nguloko kuphela lofanele ukwente, nekuhamba kwagezi kuta kugeleta kwehla ngco ngelilayini.

⁵³⁸ Kwentekani na? Livi licala kumila. “Futsi uyoba njengesihlahla lesihlanyelwe ngasemifuleni yemanti; licembe laso aliyuze libune; nako konkhe lakwentako uyoba nenhlanhla kuko. longamesabi Nkulunkulu akanjalo.”

⁵³⁹ “Longamesabi nkulunkulu akanjalo.” Manje, ungasho kutsi, “soni,” manje. “Longamesabi nkulunkulu,” niyabona, ngulowo lotishoko, futsi ungelongamesabi nkulunkulu ngaLo, niyabona. Kunjalo. “Longamesabi nkulunkulu akanjalo. Bangeke bema ekwahluelweni nalabalungile.” Cha, mnumzane. Impela bangeke.

⁵⁴⁰ Ngako, sikhatsi sesifikile. IMbewu iyahlanyelwa, noko, labo labamiselwe ngaphambili. “Labamiselwe ngaphambili” nguyonandlela kuphela lapho. Beningatsatsa Sambulo 12, khona manje, ne 13, futsi ngifikaze kini loko, labo nje. LiBhayibheli lasho, kutsi, “Lomphikukhristu lobeketa etikwemhlabo bekatodukisa wonkhe,” (w, o-n-k-h-e), “wonkhe lobekasetikwebuso bemhlabo, nalamahlelo netivumokholo. Bekayodukisa wonkhe losetikwebuso bemhlabo, wonkhe wonkhe wabo, ngaphandle kwalabo lebebamiselwe ngaphambi kwekusekelwa kwemhlabo.” Ngako, mnaketfu, akukho longakwenta ngako. Mpongolota nje, “Amen.” [Libandla litsi, “Amen.”—Umhl.] O, hhe! Ngiyakutsandza loko. Yebo, mnumzane.

NiyaMtsandza na? Amen.
 Nitomkhonta na? Amen.
 NiyaMkholwa na? Amen.
 Amen. Amen.

⁵⁴¹ Ngifuna nitejwayete lelo kancanyana ngalapha, nine nonkhe. Ngiyalitsandza leloculo. Anilitsandzi nine? [Libandla litsi, “Amen.”—Umhl.] Lelo beliletfu ePhoenix, liculo lengcungcuthela. O! Ngiyalitsandza. Ngiyalitsandza. Asilihlabele futsi.

NiyaMtsandza na? Amen.
 NitoMkhonta na? Amen.
 NitoMkholwa na? Amen.
 Amen. Amen.

⁵⁴² Yebo-ke, ningasolo nje nichubeke njalo, niyati. “NitoMkhonta na?” Futsi bonkhe nje basolo bachubeke njalo, baphindzaphindza. Hhe! Salicalisa lapho ePhoenix; sitsi asiyidzabule indzawo ibe ticucu. Yebo, mnumzane. “Amen. Amen. Amen.”

Nichunyiwe manje ekuseni na? Amen.

Vulani iswishi. Amen.

Ninawo umlilo wagezi. Amen.

Amen. Amen.

Manje Litomila. Amen.

Litsеле sitselo. Amen.

NitoLikhombisa. Amen.

Amen. Amen.

⁵⁴³ O, akumangalisi loko na? [Libandla litsi, “Amen.”—Umhl.] Amen. Kumangalisa kakhulu. Ngiyacolisa kunihlalisa nonkhe lapha, sonkhe lesikhatsi, kodvwa nje nginejubhili, cobo lwami, sikhatsi nje lesimangalisako. Kulungile.

NgeliSontfo lelitako, manje, wonkhe umuntfu longalapha . . .

⁵⁴⁴ Manje, manje ngenyukela kaMnaketfu Littlefield, kusabalalisa Livi lelincane, mhlawumbe ngitsatse lelinye laleLivi lapha bese ngiLisakatela enhla lapho emkhatsini wabo, libandla laNkulukulu, kanjalo. Futsi mhlawumbe ngitokhulumbe nje ngentfo letsite lengayenta lapha. Kusobala, nemukelekile kutsi nite. Kodvwa banendlu yeukuhontela lencanyana lapho, ihlalisa emakhulu lalishumi nesihlanu. Ngisanda kuyinikela nje, futsi cishe iminyaka letsitayibe mibili leyendlulile. Itominyaniswa. Kodvwa ngametsembisa uMnaketfu Littlefield. Ungumnaketfu loligugu. Nendvodza lesigcinako setsembiso sayo uma ingahle iphumelele. INkhosi itsandza, ngitokwenyukela lapho.

⁵⁴⁵ Kutoba nelibandla lapha etabernakeli. Nine bantfu nite khona lapha etabernakeli, lenikhona ngalapha netintfo, futsi ningaphumelela. Nite ngco ngaphambili.

⁵⁴⁶ Bese kutsi-ke, ngeliSontfo lelilandzelako, khumbulani, uMnaketfu Arganbright utoba lapha manje neMnaketfu Rowe. Impela nitomjabulela uMnaketfu Rowe. [Akucoshwangatheyiphini—Umhl.] Kulungile.

⁵⁴⁷ Asibuyisele inkonzo manje kuMnaketfu Neville, sibone kutsi utositjelani manje. INkhosi inibusise.



KUHLAKANIPHA KUCATSANISWA NEKUKHOLWA SSW62-0401
(Wisdom Versus Faith)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo ekuseni, ngenyanga yaMabasa 1, 1962, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa neSiSwati kwakhicitwa kwakhishwa yiVoice Of God Recordings.

SWATI

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org